

四庫全書

經部

欽定四庫全書

經部

儀禮經傳通解卷三

詳校官尚書臣德保

給事中臣溫常綬覆勘

總校官進士臣繆琪

校對官助教臣卜維吉

謄錄監生臣劉本立

欽定四庫全書

儀禮經傳通解卷二十三

邦國禮三之上

宋 朱子 撰

聘禮

鄭注目錄云大問曰聘諸侯相於久無事使卿相問之禮小聘使大夫周禮曰凡諸侯之邦交歲相問也殷相聘也世相朝也疏曰下記云久無事則聘焉注云事謂盟會之屬若有事事上相見也小聘使大夫者下經云小聘曰問其禮如為介三介是也周禮大行人云歲問殷聘聘義所云比年小聘三年大聘

是也大行人又云上公九介侯伯七介子男五介又云凡諸侯之卿其禮各下其君二等聘義上公七介侯伯五介子男三介是諸侯之卿介各下其君二等者也若小聘曰問使大夫又下其卿二等此聘禮是侯伯之卿大聘以其經云五介上介奉束錦士介四人皆奉玉錦又云入竟張旌狐卿建旌也

經八

此篇屬賓禮大戴第十四小戴第十五別錄第八

記父無事則聘焉

聘匹正反訪也事謂盟會之屬

諸侯使大

夫問於諸侯曰聘

曲禮

周禮大行人凡諸侯之邦

交歲相問也殷相聘也世相朝也

小聘曰問殷中也父無事又於

殷朝者及而相聘也父死子立曰世凡君即位大國朝焉小國聘焉鄭司農云春秋傳孟僖子如齊



殷聘 疏曰倍子如齊事見昭公九年左氏傳注  
云殷中也自襄二十一年叔老聘於齊至今積二十  
一年故中復盛聘與此數不相當然其禮則同也  
今按春官殷見曰同鄭注云殷猶衆也十二歲  
王如不巡守則六服盡朝大行人所謂殷同殷國  
是也此亦鄭注乃訓殷為中與衆義異其云於殷  
朝者及而相聘則又與衆義同蓋以為一二年而  
一大聘也疏既以為中又云盛聘則與衆義略同  
蓋如喪禮殷奠之類  
今未詳其孰是也

聘禮

君與卿圖事

圖謀也謀聘故及可使者謀事者  
必因朝其位君南面卿西面大夫

北面士東面 朝直遙反 疏曰故謂有事故或因聘  
或持行記云若有故則卒聘束帛加書將命是因聘者  
也晉侯使韓宣來言汶陽之田之類是特行者也可使  
者謂於三卿之中還可使者也謀事必因朝者欲取詢

眾之意諸侯三朝燕朝燕禮是也又射朝大射是也路  
門外正朝不見疑當與二朝面位同故此以燕禮大射  
儀約之知正朝面位然也若天子三朝射人見射朝司  
士見正朝不見燕朝以諸侯正朝與燕朝同明天子燕  
朝亦與正  
**遂命使者**  
使所吏反下以意推之  
逆猶因  
朝同也  
也既謀其人因命之也聘使卿

疏曰知使卿者以下經云及竟張  
獲而周禮司常則孤卿建疆也

**使者再拜稽首辭**

以辭

不  
**君不許乃退**

逃反位也受  
命者必進

**既圖事戒上介亦如之**

已既

也戒猶命也已謀事乃命上介  
難於使者易於介  
易以歧反

**宰命司馬戒眾介眾介**

**皆逆命不辭**

宰上卿貳君事者也諸侯謂司徒為宰眾  
介者士也士屬司馬周禮司馬之屬司士

掌作士適四方使為介逆猶受也  
疏曰天子有六卿  
天地四時之官諸侯兼官但有三卿地官司徒兼冢宰

夏官司馬兼春官冬官司空兼秋官是以左氏杜泄云季孫為司徒叔孫為司馬孟孫為司空餘已見內則篇首不辭者幾不敢辭

## 右圖事命使介

宰書幣

書聘所用幣多少也  
宰又掌制國之用

命宰夫官具

宰夫宰之屬也  
命之使衆

官具幣及  
所宜齋

右具齋幣

記小行人合六幣圭以馬璋以皮璧以

帛琮以錦琥以繡璜以黼此六物者以和諸侯之好

故

琮才宗反琥音虎璜音黃好呼報反  
幣所以享也五等諸侯享天子用璧享后用琮其  
合同也六

大各如其瑞皆有庭實以馬若皮皮虎豹皮也用圭璋者二王之俊也二王俊尊故享用圭璋而特之禮器曰圭璋特義亦通於此其於諸侯亦用璧琮耳子男於諸侯則享用琥璜下其瑞也凡二王俊諸侯相享之玉大小各降其瑞一等及使卿大夫覲聘亦如之覲通吊反後同疏曰小行人司寇之屬掌邦國賓客之禮言合者以兩兩相配合也皮馬二者本非幣總云六幣者以用之當幣處也享獻也云五等諸侯享玉各如其瑞者玉人云璧琮九寸諸侯以享天子言九寸據上公之禮上公既如其瑞則侯伯子男亦如其瑞可知知子男享天子亦用璧琮者覲禮總稱侯氏用璧明五等同也云二王俊用圭璋享者上經六玉皆所以享上公只用璧琮而圭璋未見所用則二王俊尊用之可知云特之者既無束帛之加皮馬又不上於堂也禮器所云蓋據朝聘之玉無束帛之加而其義亦通於此其於諸侯亦用璧琮者上

公相享用璧琮降天子一寸明二王後相享不可同  
天子用圭璋則用璧琮可知云子男於諸侯享用琥  
璜者觀禮總稱侯氏用璧琮琥璜未見所用明自相  
享退用琥璜可知且子男朝時用璧自相享宜退一  
等則用琥璜益明矣云二王後諸侯相享之王大小  
各降其瑞一等者玉人云琬琰八寸諸侯以享夫人  
禮更無八寸之法明上公九寸降一寸可知云使卿  
既降明二王後與侯伯子男各降一寸可知云使卿  
大夫親聘亦如之者玉人云琬圭璋八寸璧琮八寸  
以親聘此據上公之臣圭璋璧琮皆降一等與相享  
之玉同其餘侯伯子男降一寸明矣其子男之臣不  
得過君則用琥璜四寸亦與相享之玉同也云皆有  
庭實以馬若皮者觀禮奉束帛匹馬卓上九馬隨之  
是以馬也聘禮庭實皮則攝之是以皮也皮馬相間  
二經各言其一耳知虎豹皮  
者以郊特牲云示服猛也

凡諸侯之交各稱其

邦而為之幣以其幣為之禮

稱尺證反豐幣享幣也於大國則豐小國則殺

主國禮之如其豐殺謂賄用束紵禮用玉帛乘皮及贈之屬殺去聲紵芳往反司儀

多貨

則傷于德

貨天地所化生謂玉也君子於玉比德焉朝聘之禮以為瑞節重禮也多之則是主

於貨傷敗其為德

幣美則沒禮

幣人所造成以自覆幣謂束帛也受之斯欲衣食之君子

之情也是以享用幣所以副忠信美之則是主於幣而禮之本意不見也

既受行出遂

見宰問幾月之資

幾居宜反資行用也占者君臣謀審草創未知所之遠近問行用

當知多少而已古文資作齋齋子兮反今按上言與卿國事則固已知所之矣此但言與宰計度資費之多寡而已注言未知所之非是

及期夕幣

及猶至也夕幣先行之日夕陳幣而視之重聘也

使者朝服帥衆介

夕

視其事也古文帥皆作率

管人布幕于寢門外

幕音莫館人謂掌次舍也

帷幕者也

布幕以承幣寢門外朝也古文管作官今文布作敷疏曰天官之屬有掌舍掌次幕人掌帷幕幄

帟綬之事鄭云在旁曰帷在上曰幕幕或在地展陳于上即此布幕是也寢門外朝謂路門外即正朝之處

官陳幣皮北首西上加其奉于左皮上馬則北面奠幣

于其前

奉所奉以致命謂束帛及玄纁也馬言則者此享主用皮或時用馬馬入則在幕南皮馬皆乘

古文奉為卷今文無則

纁許云反乘繩證反疏曰官即上文官具者也陳者陳于幕上所奉以致命者下

文享時致束帛加壁以享君玄纁加琮以享夫人者是也鄭不言壁琮者壁琮不陳厥明乃授之也國無皮者

乃用馬皆乘者下賓觀時總乘馬又云乘皮也使者北面衆介立于其左東上

既受行同位也位在幕南疏曰未受命已前卿大夫士面位各異是以記云使者既受行日朝同位幣在其

上使者須視幣故在幕南也卿大夫在幕東西面北上大夫西面辟

避疏曰此謂處者大夫常北面今與卿同西面故云辟使者宰入告具于君君朝服

出門左南鄉鄉許亮反下以意求之入告入路門而

史讀書展幣展猶校錄也史幕東西面讀書賁人坐撫其幣每者曰在必西面者欲君與使者俱

見之也賁音嫁後同掌物備之官疏曰賁人主幣行者故使撫幣受之其幣謂官具之者非直所奉而

已宰執書告備具于君授使者使者受書授上介史展



以書還授宰宰既告備以授使者其受公揖入揖禮官

載其幣舍于朝

侍旦行也疏曰官謂官人上介視載

者

監其安處之畢乃出監古銜反疏曰注言上介出不言餘人出則舍于朝以守幣也

所受書

以行

為當復展意求之

疏曰為于偽反復扶又反下以所受書謂宰所授者

右授使幣

記使者既受行日朝同位

謂前夕幣之間同位者使

者北面介立于左少退別其處臣也

厥明賓朝服釋幣于禩

禩乃禮反者謂之賓尊之也天子諸侯將

出告羣席大夫告禩而已凡釋幣設洗盥如祭卿大夫朝服祭告亦朝服大夫三廟降天子不得並告

直告禩而已下記云筮一尸若昭若穆容父在父在則祭祖父卒則祭禩然則初行時若父在則釋幣於祖廟也曾子問云凡告用牲幣注云牲當為制則告無牲直用幣而已但奉幣湏潔當有洗以盥手其設洗法見士冠禮篚有司筵几于室中祝先入主人從入主人在右

再拜祝告又再拜

更云主人者廟中之稱也祝告告以主人將行也稱尺證反釋幣

制玄纁束奠于几下出

祝釋之也凡物卜曰束玄纁之率玄居三纁居二朝前禮云純

四只制大八尺率音律只音紙疏曰玄三纁二率皆如此也純謂幅之廣狹制謂舒之長短周禮趙商問只長八寸四八三十二幅廣三尺二寸大廣非其度鄭玄答云古積畫誤為四當為三三咫則二尺四寸矣雜記云納幣一束束五兩兩五尋然則每卷二丈若作制幣者每卷丈八尺為制合卷為匹也

主人立

于戶東祝立于牖西

少頃之間示有俟於神

又入取幣降卷幣實

于筭埋于西階東

筭音煩器名必盛以器若藏之然

又入者祝也埋幣又

釋幣于行

告將行也行者之先其古人之名未聞天子諸侯有常祀在冬大夫三祀曰門曰行曰厲

喪禮有毀宗躐行出于大門則行神之位在廟門外西方不言埋幣可知也今時民春秋祭祀有行神古之道

禮乎 躐力涉反 疏曰行者之先謂古始教行路之人天子諸侯有常祀在冬者月令祀行是也大夫雖有

行無常祀因行使始出有告禮而已然此謂平地道路之神至於出城又有較祭祭山川之神喻無險難也祭

山川之神有較壇此祭行神亦當有較壇月令注云行在廟門外之西為較壇厚二寸廣五尺輪四尺是也

遂受命

賓須介來乃受命也言逆者明自是出不復入 疏曰若然則侍介于門矣

上介釋

幣亦如之

如其於  
禰與行

### 右釋幣于禰及行

上介及衆介俟于使者之門外

俟待也待於門外東面  
北上疏曰依賓客門

外之位使者載旌帥以受命于朝

旌之然反旌旌旗屬  
也載之者所以表識其

事也周禮曰通帛為旌又曰孤卿建旌至於朝門使者  
北面東上古文旌皆為旌識如字疑當音志疏曰

諸侯三門畢應路路門外有常朝位下文君使  
卿進使者乃入至朝即此朝門者畢門外矣

君朝服

南鄉卿大夫西面北上君使卿進使者

進之者使者謙  
不敢必君之終

已使者入及衆介隨入北面東上君揖使者進之上介

立于其左接聞命

進之者有命宜相近也接猶續也近附近之近

賈人西面

坐啓櫝取圭垂纁不起而授宰

櫝大木反函也纁音早注環同賈人在官知

物賈者纁所以藉圭也其或拜則奠于其上者覲禮記云奠圭疏曰注云其或拜則奠于其上者覲禮記云奠圭

于纁上是也但纁有二種一者以木為中幹以韋木之天子五采公侯伯三采子男二采采為再行下記及典

瑞皆有其文此為纁也下記云絢紐尺及曲禮下文執玉其有籍者則裼鄭亦謂之纁若韋版為之者奠玉於

上此則無垂纁屈纁之事若絢紐為之者所以繫玉於韋版使不失墜此乃有屈垂之法則此經所云者是也

注皆以韋版纁藉解之者鄭意以承玉及繫玉二者所用相將又同名為纁是以和合解之也今按在官上

疑有庶人二字宰執圭屈纁自公左授使者屈纁者敬之禮以相變為敬也自公

左贊幣之義曲禮曰詔辭自右贊幣自左

使者受圭同面垂纁以受命

同面

者宰就使者北面黜授之既授之而君出命矣凡授受者授由其右受由其左疏曰據鄉飲酒鄉射燕禮獻

酢酬皆授由其右受由其左若有所因則有授由左受由右是以使者反命之時宰自公左受玉賓授覲時士

受馬適右受鄭皆以為由便又鄉飲酒云受酬者自介右鄭云尊介使不失故位如此者皆是變例也既

述命同面授上介

述命者循君之言重失誤

上介受圭屈纁出授賈

人衆介不從

賈人將行者門外北面

疏曰上介送圭出與賈人訖當復入故衆介不從以待

之注言將行者以別上文賈人出玉是留者也

受享束帛加璧受夫人之聘璋

享玄纁束帛加琮皆如初

璋音章享獻也既聘又獻所以厚恩惠也帛今之璧色

繒也夫人亦有聘享者以其與已同體為國小君也其  
聘用璋取其半圭也君享用璧夫人用琮天地配合之  
象也圭璋特達瑞也璧琮有加佳德也周禮曰琮圭璋  
璧琮以覲聘 繒自陵反琮大轉反 疏曰此經中三  
事上經已受聘君圭此經受享君束帛加璧又受聘夫  
人璋又受享夫人琮前官陳幣不陳圭璧琮是以至此  
始言受之而復連言束帛玄纁以其是相配之物也璧  
色繒周禮宗伯以蒼璧禮天下云牲幣各放其器之色  
言今時者漢亦用周制但未知此聘享之圭果用何色  
耳云特達謂以朝聘不加束帛也言瑞者大宗伯以玉  
作六瑞公執桓圭以下是也璧琮有加謂加於束帛之  
上也往德謂往致其德也琮圭璋璧琮臣出聘所用也  
不為六瑞之制但琮之而已又所執皆降其君一等

右受命于朝

記通帛為纁

通帛謂大赤從周正色  
無飾 疏曰通體盡用

絳無他物之飾  
**孤卿建旌**  
孤卿不畫言奉王之政教而已  
疏曰不畫異物帛而已以其直有

時王改教故云奉王  
之政教而已  
司常  
**瑒圭璋璧琮繅皆二采一就**

**以覲聘**

璋以聘后夫人以琮享之也大  
夫衆來曰覲寡來曰聘鄭司農云  
瑒有圻鄂瑒起疏曰

本君親自朝則執相圭之等此蓋遣臣行聘之所執者公侯伯之臣則執圭璋子男之臣不得過本君用

圭璋亦用璧琮繅皆朱綠二采共為一就璋以聘后與夫人而琮享之圭以聘天子與諸侯而璧享之鄭

不言天子諸侯者以聘后夫人文隱故特舉之也大宗伯時聘曰問殷顙曰視衆來則元年七年十一年

一服朝之歲來者衆也特來則天子有事乃來亦無常期故云寡也瑒有所鄂瑒起是不為相信躬蒲穀

之文直璋之而巳典瑞  
**瑒圭璋八寸璧琮八寸以覲聘**  
瑒文飾也



親視也聘問也衆來曰親特來曰聘聘禮曰凡四器者唯其所寶以聘可也疏曰此謂上公之臣執以親聘於天子及后聘用圭璋而享用璧琮也兩諸侯相聘亦執之侯伯之臣宜六寸子男之臣宜四寸並不得執君之相圭之等直琬為文飾耳玉人所以朝天子圭與繅皆九

寸剡上寸半厚半寸博三寸繅三采六等朱白蒼

圭所

執以為瑞節也剡上象天圓地方也雜采曰繅以韋衣木版飾以三色再就所以薦玉重慎也九寸上公之圭也古文繅或作藻今文作繅疏曰周禮掌節有玉節之節即是節與瑞別矣但節不得言瑞瑞亦有是節信故連言節也下不剡象地方上剡象天圓雜記云圭剡上左右各寸半尊卑同之惟長短依命數不同凡言繅者皆象水草之文天子五采公侯伯三采子男二采皆是雜色也木版大小一如玉制然後

以韋衣之三色再就者即六等也一采為再就三米即六等也鄭注典瑞又云一匝為一就又有雖再匝併為一就者如典瑞所謂侯伯三米三就之類是也雜記疏云三采六等以采白蒼畫之再行也者案聘禮記云朝天子圭與纁皆九寸纁三寸六等采白蒼朱白蒼是也既重云朱白蒼是一采為二等相間而為六等也若五等諸侯皆一米為一就典瑞云公侯伯皆三米三就謂一米為一就故三米三就其實采別二就三采則六等也典瑞又云子男皆二米再就一采謂朱綠也二采故二就其實采別二就二采則四等也典瑞又云瑤圭璋璆琮纁皆二米一就視聘此謂卿大夫每米唯一等是二采共一就也與諸侯不同其天子則典瑞云纁五采五就亦一米為一就五采故五就其實采別二就五采則十等也今按上記只有朱白蒼三字而雜記疏所引乃重有之不知何時傳寫之誤失此三字兼其言采就之說

詳明今皆著于上覽者詳之

# 問諸侯朱綠纁八寸

二采再就降於天子也於天子

曰朝於諸侯曰問記之於聘文互相備疏曰上云三采六等此二采不云四就者臣禮與君禮異子男

亦同二采但一采為一匝二采為再匝共四等今臣一采為一就二采共為再就是二采當君一采之處

典瑞云瑑圭璋璧琮纁皆二采一就以親聘亦是臣二采當君一采之處上公朝天子圭與纁皆九寸則

自相朝亦九寸上公遣臣相問圭與纁皆八寸則遣臣問天子亦八寸是記於聘文互相備也皆玄

# 纁繫長尺絢組

繫音計又胡帝反長直亮反絢呼縣反又胥倫反又音巡組音祖采成

文曰絢繫無事則以繫玉因以為飾皆用五采組上以玄下以絳為地今文絢作絢絢音巡疏曰上

文纁藉尊卑不同此之組繫尊卑一等無事謂在櫝之時亦以繫玉因以為飾經言纁而注言絳者周禮

爾雅皆云三八為纁郭注云纁絳也明二色同也

凡四器者唯其所寶以

聘可也

言國獨以此為寶也四器謂圭璋璧琮

凡執玉無藉者襲

謂藉

纁也纁所  
以緼藉玉

執玉其有藉者則裼無藉者則襲

藉在夜反

下同裼星厯反藉藻也裼襲文質相變耳有藻為文裼見美亦文無藻為質襲充美亦質圭璋持而襲

璧琮加束帛而裼亦是也疏曰藉者藉玉之藻也鄭氏云纁所以藉玉以采色畫章衣於木版之上廣

袤各如其玉之大小前後垂之觀禮云瑞玉有纁是也又有五采組繩以為繫其組上玄下黃長尺無事

則以繫玉有事則垂為飾聘禮記云玄纁繫長尺綯組是也又曰禮說含文嘉云天子三公諸侯皆以三

帛薦玉宋均注云其殷禮三帛謂朱白蒼又此聘禮璧琮加束帛亦是藉也又曰裼襲者凡衣近體有袍

釋之屬其外有裘夏月則衣葛其上有襜衣襜衣之上有常著之服則皮弁之屬也掩而  
不開則謂之為襲若開此皮弁及中衣左袒出其襦  
衣謂之為襦又曰此章之義則皇氏云凡執玉之時  
必有其藻以承於玉若盡飾見美之時必垂藻於兩  
端令垂向於下謂之有藉當時所執之人則去體上  
外服以見在內襦衣故云有藉者則襦也其事質充  
美之時承玉之藻不使下垂屈而在手謂之無藉當  
時所執之人則掩其上服襲蓋襦衣謂之無藉者則  
襲此謂執玉之人朝聘行禮或有襦時或有襲時也  
又云圭璋特而襲者上公享王圭以馬享后璋以皮  
皮馬既不上於堂其上唯特有圭璋圭璋既是寶物  
不可露見必以物覆襲之故云圭璋特而襲也云璧  
琮加束帛而襦者謂侯伯子男享天子璧以帛享后  
琮以錦既有帛錦承玉上唯用輕細之物蒙覆以襦  
之故云璧琮加束帛而襦也此明非但人有襦襲其

玉亦有褻襲之義熊氏則云采色畫韋衣服之藻藉則常有今言無者據不垂之也其垂藻之時則須褻屈藻之時則須襲衆聘禮賓至主人廟門之外賁人東面坐啓櫝取圭垂纁不起而授上介注云不言褻襲者賤不褻也以賁賤故不言褻明賁者垂藻當褻也又云上介不襲執圭屈纁授賓注上介不襲者以威禮不在於己明屈纁合襲也又云賓襲執圭入云公襲受玉於時圭皆屈藻故賓與公執玉皆襲是屈藻之時皆襲則所謂無藉者襲是也聘禮又云賓出公授宰玉褻降立是授玉之後乃褻也又云賓褻奉束帛加璧享是有藉者褻凡朝之與聘賓與主君行禮皆屈而襲至于行享之時皆褻也知者以聘禮行聘則襲受享則褻凡享時其玉皆無藉藻故崔靈恩云初享圭璋特故有藻其餘則束帛加璧既有束帛不須藻曲禮陳祥道云玉有以纁為之藉有以束帛為之藉有藉則褻無藉則襲特施於束帛而已

聘賓襲執圭公襲受玉及享則賓楊奉束帛加璧蓋  
聘特用玉而其禮嚴享藉以帛而其禮殺此襲楊所  
以不同先儒以垂縹為有藉屈縹為無藉此說非也  
陸佃曰無藉若圭璋特是也經言縹又別言藉則  
藉非縹著矣藉若璧以帛琮以錦之類所謂公降藉  
受玉于中堂此無藉者之玉也即束帛加璧楊矣  
今按鄭說兩義詞太簡略指不分明疏家所引皇氏  
熊氏始以垂屈言之但熊氏所云今言無者據垂之  
也乃與經文及皇氏并已說上下文皆相反疑其據  
字之下當脫一不字今已輒為補之矣至於圭璋璧  
琮之義則皇氏為失而熊氏得之但周禮典瑞云璧  
琮縹皆二采一就而熊氏亦自謂以韋衣服之藉則  
皆有而又引崔靈恩云璧琮既有束帛則不須藻似  
亦抵牾疑璧琮雖有藻而屈之當為無藉特以加於  
束帛故從有藉之例而執之者楊耳陳氏陸氏則但  
取鄭注後說而用熊氏之義似亦有理然今未敢斷

其是非故悉著其說以俟知者

遂行舍於郊

於此脫舍衣服乃即道也曲禮曰凡為君使已受命君言不宿於家疏曰言遂行

者受命即行不留停脫舍衣服者上文賓朝服告禰及遂朝君受命至此衣服未改鄭注云吉時道路深衣則此脫舍朝服服深衣而行矣斂擅此行道耳未有斂藏也

右遂行

記凡為君使者已受命君言不宿於家

急

使也言謂有故所問也聘禮曰若有言則以束帛如享禮疏曰君言或問其臣或問他人已受宜急去

不得留停宿於家也曲禮今按注引聘禮有言以釋言字迂滯不通

出祖釋軹祭

酒脯乃飲酒于其側

祖始也既受聘享之禮行出國門止陳車騎釋酒脯之奠於軹



為行始也詩傳曰輶道祭也謂祭道路之神春秋傳曰輶涉山川然則輶山行之名也道路以險阻為難是以委土為山或伏牲其上使者為輶祭酒脯祈告也卿大夫處者於是餞之飲酒於其側禮畢乘車輶之而遂行舍於近郊矣其牲犬羊可也古文輶作被騎其義反難乃旦反餞在淺反輶力狄反被芳弗反疏曰凡道路之神有一在國內釋幣於行者謂平適道路之神出國門釋奠於輶者謂山行道路之神祀行之禮北面設主於輶上國外祀山行之神為輶壤大小與之同鄭注夏官大馭云封土為山象以菩芻棘柏為神主既祭以車輶之而去喻無險難也云或伏牲其上者案周禮犬人掌供犬牲伏瘞亦如之鄭注云伏謂伏犬以王車輶之是也詩云取羝以輶是用羊也是犬羊各用其一未必並用之言可者人君有牲大夫無牲直用酒脯

問大夫之幣俟于郊為肆又齎皮

馬

齋子兮反注同 肆猶陳列也齋猶付也使者既受命宰夫載問大夫之禮待於郊陳之為行列至

則以付之也使者初行舍于近郊幣云肆馬云齋因其宜亦互文也不於朝付之者辟君禮也必陳列之

者不多也古文肆為肆

行戶郎反肆以二反

若過邦至于竟使次介假道束帛將命于朝曰請帥奠

幣

至竟而假道諸侯以國為家不敢直徑也將猶奉也帥猶道也請道已道路所當由請道之道音導

下大夫取以入告出許遂受幣

言遂者明受其幣非為許故也容其辭讓不得

命也

為于偽反

疏曰幣本為行禮非為求許若因許道受幣當云出許受幣不須言遂今云遂是已許道

尚辭讓此幣不得命遂受之故云遂也

餼之以其禮上賓大牢積唯芻豢

介皆有餼

餼許氣反積子賜反凡賜人以牲生曰餼餼猶稟也給也以其禮者尊卑有常差也常

差者上賓上介牲用大牢羣介用少牢米皆百筥牲陳于門內之西北面米設于中庭上賓上介致之以束帛

羣介則牽羊焉上賓有禾十車芻二十車未以秣馬少時照反秣音未士帥沒其竟

沒誓

于其竟賓南面上介西面衆介北面東上史讀書司馬

執筴立于其後

筴音策此使次介假道止而誓也賓南面專威信也史於衆介之前北面讀

書以勅告士衆為其犯禮暴掠也禮君行師從卿行旅從司馬主軍法者執策示罰掠音亮從才用反疏

曰此誓當在使次介假道之時止而誓言今在士帥沒其竟之後言之者以上文設彼國禮此更却本而言之也

右過他國

未入竟壹肆

肆以二反謂於所聘之國竟也肆習也習聘之威儀重失誤為壇壇畫

階帷其北無宮

壇畫音獲注同以癸反壇大丹反封土曰壇畫音獲注同以癸反壇大丹反封土曰

宜有所鄉依也無宮不壇土畫外垣也垣音袁疏曰案覲禮與司儀同為壇三成宮方三百步此壇止壇

土為之無成又無尺數是象之朝服無主無執也不立也

主入尊也不執玉不敢介皆與北面西上與音預入

古文與作豫疏曰大門外內及廟門內之禮威儀少故略之但習入廟聘享布幣受玉之禮是以直云北面

西上之習享士執庭實士士介也庭實必執之者皮則是位也

皮者以其金龜竹箭之等皆列之於地不執之所執者  
唯有皮而已下聘時執皮者張之是有攝張之節也

習夫人之聘享亦如之習公事不習私事

公事致命者  
也 疏曰私

事者謂私觀於君  
私西於卿大夫

## 右習儀

及竟張旌誓

及至也 張旌明事在此國也 張旌謂使人  
維之 疏曰大夫杠五小齋於較較崇八

尺人又長八尺人維得手及之者蓋以物接之以縷諸侯  
持之案節服氏六人維王之大常鄭云維之以縷諸侯

四人不做命數大  
夫或一人或二人

乃謁闕人

謁告也 古者竟上為闕以  
譏異服識異言 疏曰周

禮司關上士二人中士四人每關下士二人蓋上  
士中士六人總主諸關下士二人各主一關也

關人

問從者幾人

從才用反幾居豈反司當共委積之具

委欲知聘問且為有委於偽反積子賜反

疏曰閱人所問為卿行旅從若大夫小聘亦當百人也共具者賓客入竟當於廬宿市設少曰委多曰積

以介對

侯伯之使者五介子男之使者三公之使者七介侯伯之使者五介子男之使者三公之使者七介

交於列國是以貴之周禮曰凡諸侯之卿其禮各下其君二等疏曰不以五百人百人對而但以所與同受

命者對是謙也君使士請事遂以入竟

請猶問也問所為來之故也遂以入因道之

疏曰君子不必人故知而猶問也

右及竟

入竟斂擅乃展

復校錄幣重其事斂擅變於始入

布幕賓朝服立于幕

東西面介皆北面東上賈人北面坐拭圭

拭音式清也側幕而

坐乃開櫝清或才姓反者雖不對君由是臣道異於前誓時也

疏曰賓西面遂執展之

而立告在上介北面視之退復位

言退復位則退視圭進違位

圭

圭璋尊不陳之

陳皮北首西上又拭璧展之會諸其幣加于

左皮上上介視之退

會合也諸於也古文曰陳幣北首

馬則幕南北面

奠幣于其前

前當前幕上

展夫人之聘享亦如之賈人告于

上介上介告于賓

展夫人既拭璋琮南面告於上介上介於

是乃東面以告賓亦所謂放而文之類放方往反疏曰禮器云有放而文也注云謂若天子服日月以至

黼黻是天子衣放象日月以下而為文今夫人聘享上介不視但賈人告上介上介告賓是亦放象君禮而為

文變

有司展羣幣以告

羣幣私覲及大夫者有司載幣者自展自告

及郊又

展如初

郊遠郊也周制天子畿內千里遠郊百里以此差之遠郊上公五十里侯伯三十里子男十里

也近郊各半之

疏曰周禮畿方千里商頌云邦畿千里夏時禹貢方千里曰甸服據唐虞畿內是也公五百

里中置國城面二百五十里故遠郊五十里自此已下差之可知云近郊約周天子之法亦無正文尚書鄭注

云周之近郊五十里今河南洛陽相去則然

及館展幣於賈人之館如初

館舍

也遠郊之內有候館可以小休止沐浴展幣不于賓館者為主國之人有勞問已者就焉便疾也勞力到反

疏曰周禮遺人職云十里有廬三十里有宿五十里有市市有候館畿內道路皆有候館鄭據此候館在遠



郊之內不謂於此獨有也

### 右三展幣

記諸公之臣相為國客

謂相聘也

則三積皆

### 三辭拜受

受者受之於庭也侯伯之臣不致積疏曰此在道之禮於路館致之亦有束帛若

諸公云登即是登堂此不云登故知受於庭也案本經五介張璠是侯伯之卿經不云積明知受於庭可知但不以束帛行禮致之豈於司儀凡侯伯子男之臣以道全無積乎明有也

其國之爵相為客而相禮其儀亦如之

爵卿也大夫也士也疏

曰鄭注享客云爵卿也則飧二牢饗饌五牢大夫也則飧太牢饗饌三牢士也則飧少牢饗饌大牢也此降小禮豐大禮也以命數則參差難等略於臣用爵而已以此三等相禮也云其儀亦如之者亦以三等

相差七十步七介五十步五介三十步三介小聘使大夫入降殺也凡四方之賓客禮

儀辭命餼牢賜獻以二等從其爵而上下之

上下猶豐殺也

疏曰此與大行人云諸侯之卿各下其君二等大夫凡禮皆以其

爵而降殺以兩如七爵五爵五牢三牢之類是也司儀

賓至于近郊張旌君使下大夫請行反君使卿朝服用

束帛勞

請行問所之也雖知之謀不必也士請事大夫請行卿勞彌尊賓也其服皆朝服疏曰入近

郊張獵者示將有事以自表也

上介出請入告賓禮辭迎于舍門之外

再拜

出請出門西面請所以來事也入告入北面告賓也每所及至皆有舍其有來者與皆出請入告于

此言之者賓彌尊事彌錄疏曰前士請事大夫請行亦當出請入告於此始言之者先士次大夫後卿以是  
先卑後尊今復見此言故云賓彌尊事彌錄也今按注中與字陸氏音餘監本作此者非疑詞不當音餘複  
出者字亦無義理  
竊疑本介字也  
**勞者不答拜**凡為人使不當其禮

主君拜賓辟不答拜也如此之類皆然故云賓揖先入  
凡以該之至後價勞者與之答拜為已故也  
**受于舍門內**不受于堂此主於侯伯之臣也公之臣受勞於堂

**勞者奉幣入東面致命**鄉賓**賓北面聽命還少退再**

**拜稽首受幣勞者出**北面聽命若君南面然少退象降

賓降階西面再拜稽首是此象之也又訝受幣勞者南面  
時堂上北面受幣此在庭亦當北面訝受幣勞者南面

可知

授老幣

老賓之臣稱老若趙魏

疏曰大夫家臣之類也

出迎勞者

欲

之勞者禮辭賓揖先入勞者從之乘皮設

乘繩證反後此類皆同

設於門內也物四曰乘皮麋鹿皮也疏曰庭實當三分庭一在南設之今以價勞者在庭故設於門內也知

用麋鹿皮者案郊特牲諸侯朝享天子法用虎豹此臣聘君降於享天子故齊語云齊桓公使諸侯輕其幣用

麋鹿皮四張亦一隅也

賓用束錦價勞者

價必公反言價者賓在公館如家之義亦以

來賓勞者再拜稽首受

稽首尊國賓也疏曰稽首首至地臣拜君法頓首頭扣地平

敵相於法空首首至手君答臣下拜法郊特牲云大夫之臣不稽首非尊家臣以辟君也今勞者與賓同類而

稽首故云尊國賓也賓亦稽首送者以是為君使故報之也

賓再拜稽首送幣

受送拜皆

北面象階上疏曰案歸饗議賓價大夫時賓極間北  
面授幣大夫西面受此賓宜與彼同北面授還北面拜  
送當云授拜送皆北面蓋據賓而言勞者揖皮出乃退  
受字誤也今按西面當作南面

賓送再拜

揖皮出東面揖執皮者而出疏曰執皮者

揖也公食禮云公侑食以束錦庭實設乘皮賓出揖庭  
實出鄭云揖執皮者若親受云上介受賓幣從者訝受  
皮則此勞者之從夫人使下大夫勞以二竹簠方玄被  
者亦當訝受也

簠裏有蓋

簠音甫或作簠外圓內方曰簠內圓外方曰  
簠竹簠方者器名也以竹為之狀如簠而

方如今寒具宮筍者圓此方耳圓音圓疏曰簠皆  
用木而圖受斗二升此則用竹而方故云如簠而方寒  
具見遵人先鄭注云清朝未食先進寒具口實以冬食  
故謂之寒具又案玉人云案十有二棗果十有二列諸

侯純九大夫純五夫人以勞諸侯彼謂王后故有五案此諸侯夫人故無之也其實棗燕栗擇

兼執之以進

兼猶兩也右手執棗左手執栗疏曰案下文則此大夫先度右手乃以左手授栗

便也亦見士虞禮

賓受棗大夫二手授栗

受授不游手慎之也疏曰初兩手俱用

既授棗而不兩手共授栗則是游暇一手為不慎矣

賓之受如初禮

如卿勞儀價之

如初下大夫勞者遂以賓入

出以束錦授從者因東面釋辭請道之以入然則賓

送不拜

疏曰經言遂以賓入明知有辭請導之雖無文鄭以意言之賓送不拜者以其云遂以賓入即從之

明賓送不拜謂若公食大夫使人戒賓不拜遂從之其類也案上君使士請遂以賓入鄭云因導之不言賓送

不拜者請事無幣賓亦不償故其請導實無拜送之理此大夫勞價與卿同有拜送之理故云賓送不拜也觀

禮大夫勞侯氏侯氏即從大夫入拜送大夫天子使尊故雖從亦拜送與此異

右郊勞

記諸公之臣相為國客及大夫郊勞旅擯

三辭拜辱三讓登聽命下拜登受賓使者如初之儀

及退拜送

登聽命賓登堂也賓當為饋勞用束帛饋用束錦侯伯之臣受勞於庭疏曰旅擯

不傳辭賓使各陳七介而已云三辭拜辱者賓從館內出於大門拜使者辱命來於外云三讓者讓升堂

云賓使者如初之儀者謂使傳命訖禮畢出門賓以束帛饋使者如初行勞時之儀前賓受幣今使者受

幣受幣雖異威儀則同敬主君使者也司儀

辭曰非禮也敢對曰非禮

也敢

辭辭不受也對答問也二者皆卒曰敢言不敢疏曰辭謂賓辭主人答謂賓答主人介則在

旁曰非禮也敗今按諸本下句末有辭字注無複  
出辭字永嘉本張淳識誤曰以注疏考之經下義一  
辭字注上合更有一辭字蓋傳寫誤以注文為經  
文也當依注疏減經以還注其說為是今從之

至于朝主人曰不腆先君之祧既拚以俟矣

腆他典反  
拚方問反

謂埽洒 賓至外門下大夫入告出釋此辭主人者公  
也不言公而言主人主人接賓之辭明至欲受之不敢  
稽賓也腆猶善也遷主所在曰祧周禮天子七廟文武  
為祧諸侯五廟則祧始祖也是亦廟也言祧者祧尊而  
廟親待賓客則上尊者疏曰周禮守祧掌守先王先  
公之廟祧鄭注云廟謂大祖之廟及三昭三穆遷主所  
藏曰祧先公之遷主藏于后稷之廟先王之遷主藏于  
文武之廟云奄八人廟有一奄周立七廟通姜嫄廟為  
八故奄八人祭法鄭注云祧之言超也超上去意也不  
毀之也云遷主所藏曰祧天子有二祧以藏先王之遷



主諸侯無之但遷主藏于大祖廟故此亦以名大祖廟  
為祧也下文迎賓及廟門受聘享皆在廟明是大祖廟  
可知既於大廟受聘享以尊之若享食則於禰廟燕又  
在寢彌相親也此鄭義若孔君王肅則以高祖之父及  
祖為二祧賓曰侯間間如字劉音閑賓之意不欲  
非鄭義也卒主人也且以道路悠遠欲沐浴  
齋戒侯間未敢聞命卒寸忍反齋  
側皆反疏曰命即上主人之命

## 右至朝

大夫帥至于館卿致館

致至也賓至此館主人以上卿禮致之所以安之也疏曰覲

禮云侯氏遂從之天子賜舍辭曰賜伯父舍侯氏再拜  
稽首受償之束帛乘馬注云王使人以命致館無禮猶  
償之者尊王使也無禮謂無束帛賓迎再拜卿致命賓  
此云以上卿禮明有束帛致也

再拜稽首卿退賓送再拜

卿不俟設飧之畢以不用束帛致之者

明為新至非大禮也 飧音孫注同熟食曰飧 疏曰下直云宰夫朝服設飧不言致則此卿致館兼致飧矣

致館有束帛致飧空以辭致君命無束帛下記云飧不致是也然此侯伯之卿禮其公之臣亦以幣帛致案司

儀云云又曰其臣致飧無幣其五等諸侯致飧則有幣案司儀諸侯相於致飧如致積有幣知致飧亦有幣也

今案此致止謂致館耳章首目其事而下詳其節也上無飧字而但云致命注疏何以見其為致飧耶詳又見下章

右致館

注疏云兼致飧今按非是詳見上下文

記諸公之臣相為國

客致館如初之儀

如郊勞也不傾耳侯伯之臣致館于庭不言致飧者君於聘大夫不

致飧也下記曰飧不致賓不拜 疏曰鄭知不饗者  
本經致館無束帛賓亦無饗知此亦然也君於聘大  
夫不致飧者本經致館之下即云宰夫設飧此致館  
下亦不云致飧是五等之臣皆無致飧也 司儀  
今按注云無饗未知其何以知之若謂上經致館不  
言束帛亦不言賓饗之事此亦當然則當併與無束  
帛言之不當只言無饗也且郊勞有幣此禮既如郊  
勞則亦有幣而鄭注司儀諸公致館亦云凡云致者  
皆有幣以致之此亦言致不得獨無幣也疏於上經  
亦云以上卿禮明有束帛致而於此乃遷就其說自  
相抵牾覽  
者詳之

卿館於大夫大夫館於士士館於工商

館者必於廟不館於敵者之廟為大尊也自官師以  
上有廟有寢工商則寢而已 疏曰祭法云適士二  
廟官師一廟鄭云官師謂中士下士周禮隸僕鄭注  
云五寢五廟之寢天子七廟唯桃無寢蓋前曰廟後

曰寢也。爾雅云：室有東西廂，曰廟。注云：夾室前堂，又云：無東西廂，有室曰寢。注云：但有大室，自士以上有廟者，必有寢。庶人在官者，工商之等有寢者，則無廟。故祭法云：庶士庶人無廟，祭於寢是也。又曰：曾子問云：公館與公所為？曰：公館，鄭注云：公館若今縣官舍也。彼是正客館。彼此兩言之者，若朝聘使少，則皆於正客館。若使多，則有在大夫廟。今按：疏引曾子問之文如此，而下經還玉賓負右房而立，是不必於廟也。明矣。鄭注不通，當從疏說。

管人為客三日具沐五日具浴

館者，也。客謂使者下及士介也。

掌客

宰夫朝服設殮

食不備禮曰殮。詩云：不素殮兮，春秋傳曰：方食魚殮，皆謂是。疏曰：云不備禮。

者對饗餼而言。饗餼則生腥，饗皆具而又多餘物。殮則唯腥，饗而已。飪一牢在西鼎，九羞

鼎三腥一牢在東鼎七

也。銑而審反。中庭之饌也。銑熟也。熟在西。腥在東。象春秋也。鼎

西九東七。凡其鼎實與其陳如陳饗餼羞鼎則陪鼎也。以其實言之則曰羞。以其陳言之則曰陪。疏曰鼎西

九東七者九謂正鼎九牛羊豕魚腊腸胃膚鮮魚鮮腊東七者腥為無鮮魚鮮腊故七如陳饗餼者如其死牢

故掌客云諸侯之禮饗餼九牢七牢五牢其死牢如殯之陳凡介行人皆有殯饗餼此則如介禮也是殯之死

牢與饗餼死牢實與殯陳同亦於東階西階也。陪鼎三則下云腳臠臠是也。堂上之饌八西

夾六

八六者豆數也。凡饌以豆為本。堂上八豆八簋六銅兩簋八壺。西夾六豆六簋四銅兩簋六壺其實

與其陳亦如饗餼。銅音刑。

門外米禾皆二十車

禾橐實并刈者也。諸侯之禮車米視

生牢未視死牢。牢十車大夫之禮皆視死牢而已。雖有生牢不取數焉。米陳門東禾陳門西。橐古老反。刈魚

廢反疏曰注說皆約薪芻倍禾各四十車凡此上介

飪一牢在西鼎七羞鼎三堂上之饌六門外米禾皆十

車薪芻倍禾西鼎七無衆介皆少牢亦飪在西鼎五羊

尚孰堂上之饌四豆四簋兩鉶四壺無簠疏曰

右設飧 記凡諸侯之卿大夫士為國客則如其介

之禮以待之言其特來聘問待之禮如其為介時也

曰諸侯相朝衆臣從君凡介行人宰史皆有飧饗餼

聘問者其待之禮亦如其從君為介之時也大聘曰

聘則卿為賓大夫為上介士為衆介小聘曰問則大

夫為賓介皆士故此歷言卿大夫士也詳見諸侯相朝禮凡禮賓客國新殺禮凶

荒殺禮札喪殺禮禍裁殺禮在野在外殺禮

皆為國省用愛

賁也國新新建國也凶荒無年也禍裁新有兵寇水火也疏曰在野在外殺禮者以其野外忽遽禮物

不可卒備故亦殺之掌客

上公飧五牢食四十簋十豆四十鉶

四十有二壺四十鼎簋十有二牲三十有六皆陳凡

介行人宰史皆有飧以其爵等為之牢禮之陳數侯

伯飧四牢食三十有二簋八豆三十有二鉶二十有

八壺三十有二鼎簋十有二腥二十有七皆陳凡介

行人宰史皆有殮以其爵等為之禮子男殮三牢食

二十有四簋六豆二十有四鉶十有八壺二十有四

鼎簋十有二牲十有八皆陳凡介行人宰史皆有殮

以其爵等為之禮

銅音刑 侯伯子男 殮皆始至致小禮也公

腥食者其庶羞美可食者也其設蓋陳于楹外東西

不過四列簋稻粱器也公十簋堂上六西夾東夾各

二也侯伯八簋堂上四西夾東夾各二子男六簋堂

上二西夾東夾各二豆菹醢器也公四十豆堂上十

六西夾東夾各十二侯伯三十二豆堂上十二西夾

東夾各十子男二十四豆堂上十二西夾東夾各六

禮器曰天子之豆二十有六諸公十有六諸侯十有

二上大夫八下大夫六以此聘禮差之則堂上之數



與此同銅羹器也公銅四十二侯伯二十八子男十  
八公之數太懸絕非差衰也二十八書或為二十四  
亦非也其於衰公又當三十於言又為無施禮之大  
數銅少於豆推其衰公銅四十二宜為三十八蓋近  
之矣則公銅堂上十八西夾東夾各十侯伯堂上十  
二西夾東夾各八子男堂上十西夾東夾各四壺酒  
器也其設於堂夾如豆之數鼎牲器也蓋黍稷器也  
鼎十有二者飪一牢正鼎九與陪鼎三皆設於西階  
前簋十二者堂上八西夾東夾各二合言鼎簋者牲  
與黍稷俱食之主也牲當為腥聲之誤也腥謂鼎於  
侯伯云腥二十有七其故腥字也諸侯禮威腥鼎有  
鮮魚鮮腊每牢皆九為列設于阼階前公腥鼎三十  
六腥四牢也侯伯腥鼎二十七腥三牢也子男腥鼎  
十八腥二牢也皆陳陳列也飧門內之實備于是矣  
亦有車米禾芻薪公飧五牢米二十車禾三十車侯  
伯四牢米禾皆二十車子男三牢米十車禾二十車

芻薪皆倍其禾凡介行人宰史衆臣從賓者也行人主禮宰主具史主書皆有飧饗饌尊其君以及其臣也以其爵等為之牢禮之陳數爵卿也則飧二牢饗饌五牢大夫也則飧大牢饗饌三牢士也則飧少牢饗饌大牢也此降小禮豐大禮也以命數則參差難等略於臣用爵而已差初佳反又初宜反衰初危反差衰謂降殺等級也

凡諸侯之卿大夫士為國客則如其介

之禮以待之

言其特來聘問待之禮如其為介時也然則聘禮凡所以禮賓是亦禮介疏

曰此介指上諸侯相見之介若此聘禮則自有介大聘則卿為賓大夫為上介士為衆介小問則大夫為賓介皆士也故此歷言卿大夫士也故此歷言

飧不致

不以束帛致命賓草次饌飧具輕賓

不拜

致以不

沐浴而食之

自潔清尊主國君賜也記此重者沐浴可知陸佃曰殯

不致者設之而已

厥明訝賓于館

訝五嫁反此訝下大夫也以君命迎賓謂之訝訝迎也亦皮弁

賓皮

弁聘至于朝賓入于次

服皮弁者朝聘主相尊敬也諸侯視朔皮弁服入于次者侯

也

次在大門外之西以帷為之辨蒲覓反辨具之辨疏曰視朔皮弁服本玉藻文若朝天子則用冕服

乃陳幣

有司入于主國廟門外以布幕陳幣如展幣焉主璋賈人執櫝而侯

卿為上擯大

夫為承擯士為紹擯擯者出請事

擯謂主國之君所使出接賓者也紹繼也

其位相承繼而出也主君公也則擯者五人侯伯也則擯者四人子男也則擯者三人聘義曰介紹而傳命君子於其所尊不敢噴敬之至也既知其所為來之事復請之者實來當與主君為禮為其謙不敢斥尊者啟發

以進之於是時賓出次直闕西北面上擯在闕東闕外  
西面其相去也公之使者七十步侯伯之使者五十步  
子男之使者三十步此旅擯耳不傳命上介在賓西北  
東面承擯在上擯東南西面各自次序而下末介未擯  
旁相去三丈六尺上擯之請事進南面揖賓俱前賓至  
末介上擯至末擯亦相去三丈六尺止揖而諸事還入  
受命于公天子諸侯朝覲乃命介始傳命耳其儀各鄉本  
傳而下亦如之此三丈六尺者門容二徹參个旁加各  
一步也今文無擯所為于偽反下為其皆同闕魚列  
反闕音域而上之上時掌反疏曰此擯陳在王國大  
門外主君之擯與賓之介東西相對南北陳之云其位  
相承繼而出者從門向南陳為繼而出擯者人數本周  
禮大行人文但天子尊得分別諸侯尊卑以待之諸侯  
卑故止據已國大小而為擯數注云上擯在闕東闕外  
西面者主位在東故賓在闕西上擯在闕東以擯位並

門東西面故上擯亦西面向君也此旅擯耳者桑司儀云三問旅擯鄭云旅陳陳擯介不傳辭故鄭此云不傳命然上下注又皆引介紹而傳命之語者蓋交擯傳命則是賓介傳命此旅擯傳命者直是賓至末介下對上擯傳本君之命也其介相紹繼則交擯旅擯同唯傳命不傳辭有異是以司儀云及將幣交擯鄭注亦引介紹傳命為證以其皆是相連繼於位也云上介在賓西北東面承擯在上擯東南西面此謂賓直闌西北面主君在門內南面列位時云西北東南者據賓西北望上介介仍向正北陳之矣上擯東南望承擯等仍向正南陳之矣不謂介西北邪陳擯東南向邪陳也云各自次序而下者賓之介或七或五或三從南向北次序上下次至末介主人之擯或五或四或三從承擯向南上下次至末擯也東西相去三丈六尺云上擯之請事進南面揖賓俱前者謂上擯入向公前北面受命出門南面遙揖賓使前擯者漸南行賓至末介北東面上擯至末擯

南西面東西相去亦三丈六尺云止揖而請事者二人俱立定乃揖而請所為來之事注又舉朝覲禮以證交損然覲禮無迎法饗食有迎法故齋僕云朝覲宗遇饗食各以其等為車送逆之節云其儀各向本受命反面傳而下者雖言各鄉本受命非一時之事先上損入受命出傳與承損承損傳與末損此是上損鄉本受命反面傳而下末介向末損邊受命傳與次介次介傳與上介上介傳與賓是及其末則鄉受之反面傳而上也云又它命傳而下亦如之者此乃發賓傳向主君一如前發主君傳而向下故云亦如之如此三迴為交損三辭此則司儀云諸公相為賓交損三辭者也一徹參个者轍廣八尺參个三八二十四門容二丈四云傍加各一步也者此無正文但人之進退周旋不過再舉足一步故門傍各空一步文二添二丈四尺為三丈六尺公皮弁迎賓于大門內大夫納賓

公不出大門降于待其君也大夫上損也謂之

大夫者上序可知從大夫摠無所別也於是賓主人皆  
別彼列反禘西歷反疏曰待其君則如司儀所

謂公皮弁交擯車迎拜辱出大門故此知是降也春秋  
之義卿稱大夫王制云上大夫卿是總無別也玉藻云

不文飾也不禘又云執龜玉襲下行聘時執玉賓入門  
皆襲此未執玉正是文飾之時故賓主皆禘也賓入門

左內賓位也衆介隨入北面西上少退擯者亦入門而  
右北面東上上擯進相君相息亮反疏曰此注

亦多約下入廟行聘享文入公再拜南面賓辟不答拜  
門之後每事皆上擯相君也公再拜南面賓辟不答拜

辟音避下以意推之辟位遠遁不敢當其公揖入每  
禮疏曰奉君命使不敢賓故辟酬亢之禮公揖入每

門每曲揖每門軌揖者以相人偶為敬也凡君與賓入  
門賓必後君介及擯者隨之並而鴈行既入

則或左或右相去如初玉藻曰君入門介拂闕大夫中  
振與闕之間士介拂振實入不中門不履闕此賓謂聘

卿大夫也。門中門之正也。不敢與君並由之。敬也。介與  
擯者。鴈行。卑不踰尊者之迹。亦敬也。賓之介。猶主人之  
擯。後戶。豆反。下同。行戶。郎反。棖。直庚反。爾雅謂之楔。  
門。兩傍木也。疏曰。諸侯三門。畢應路。則應門為中門。  
左宗廟。右社稷。入大門。東行。即至廟門。其間得有每門  
者。諸侯有五廟。大祖之廟。居中。二昭居東。二穆居西。廟  
皆別門。門外兩邊皆有南北隔牆。隔牆中央。通門。若然。  
祖廟已西。隔牆有三。則閤門亦有。三東行。經三門。乃至  
大祖廟。門中則相逼。入門則相遠。是以每門皆有曲。即  
相揖。故每曲揖也。言凡君與賓入門。賓必後君者。非只  
聘享向祖廟。若饗食向禘廟。燕禮向路寢。皆當然也。自  
君入門。至不履闕。亦是通法。又曰。以一闕言之。君最近。  
闕亦拂之。而過上介。則隨君而行。拂闕而過。所以與君  
同行者。臣自為一列。主君既出迎賓。主君與賓並入。主  
君於東闕之內。賓於西闕之內。並行而入。上介於西闕  
之外。上擯於東闕之外。皆拂闕。次介次擯。皆大夫中棖。



與闈之間末介未擯皆士各自拂拭如是得若入中門之正上擯上介俱得拂闈又得不踰尊者之迹矣云門中門之正也者謂兩闈之間云卑不踰尊者之迹者士以大夫為尊大夫以上介為尊上介以君為尊也今按江都集禮廟制諸侯立廟宜在中門外之左者宗廟之制外為都宮內各有寢廟別有門垣太祖在北左昭右穆以次布南與此疏之說不同今見下記及廟門公揖入立于中庭

公揖先入省內事也既則立於中庭以俟賓不復出如此得君行一臣行二於

禮可矣公迎賓大門內卿大夫以下入廟門即位而俟之疏曰省內事謂如曲禮主人請入為席之類君行一臣行二者見君行近臣行遠尊者宜逸卑者宜勞也初命迎賓于館之時卿大夫士固在朝矣及賓來大門外陳介之時主君之擯亦在大門外之位君在大門內時其卿大夫不以無事亂有書當於廟中在位矣又當

行事之時公授宰玉士受皮宰夫授公几皆不見此官等入廟之文明此官已先在位而俟也又曰君行一臣

行二出胥語晏子解今按齊賓立接西塾接猶近也語無此辭今見曲禮雜記章

謂之塾立近塾者已與主君交禮將有出命俟之於此介在幣南北面西上上擯亦隨公入門東東上少進於

士塾音熟近附近之近疏曰云介北面西上者以上文入竟展幣時賓立于幕東故介東上今此陳幣賓

在門西故介西几筵既設擯者出請命有幾筵者以其上皆統於賓也廟受宜依神也

賓至廟門司宮乃于依前設之神尊不豫事也席西上上擯待而出請受賓所以來之命重停賓也至此言命

事彌至言彌信也周禮諸侯祭祀席蒲筵績純右彫几依前之依於豈反本又作展績戶內反純章允反

疏曰知在展前者案司几筵云大朝覲大饗射王位依前南鄉設筵几爾雅云牖戶之間謂之展但天子以屏

風設於宸諸侯無屏風為異席亦不同也上入竟士請事近郊下大夫請行皆是諫問不敢以必來之已國不正言之至此正問之而言請命是其事至言信矣云周禮至彫几者周禮司几筵文彼諸侯祭祀席三重上更有加莞筵紛純不引之者文略可知引之者證

賈人東面坐啓櫝取圭垂

纁不起而授上介

賈人鄉入陳幣東面俟於此言之就

言楊襲者賤不楊也纁有鄉音向下同

上介不襲執圭屈纁授賓

上介

北面受圭進西面授賓不襲者以威禮不在於已也屈纁并持之也曲禮曰執玉其有藉者則楊無藉者則襲疏曰引曲禮者彼記人據此絢組尺為纁藉不據草皮衣木版畫以五采之纁藉也云執玉其有藉者則楊據此賈人垂纁以授上介上介不襲受之時也云其無藉者則襲者據此上介屈纁以授賓賓襲受之時也記

人直記楊襲之義不論威禮在已之意故各舉一邊而言也

**賓襲執圭**

執圭威禮而又盡飾為其

相敬敬也玉藻曰服之襲也充美也是故尸襲執玉龜襲也盡津忍反疏曰臣於君所合褻以盡飾今既

執圭以瑞為敬若又盡飾而褻則掩蔽執玉之敬故不得褻也充猶覆也**擯者入告出辭玉**

擯者上擯也入告公以賓執圭將致其聘命圭贊之重者辭之亦所以致尊讓也**納賓賓入門**

**左**

公事自

**介皆入門左北面西上**

隨賓入也介無事止於此今文無門

疏止

曰案司儀云諸公之臣相為國客及將幣每門止一相及廟唯君相入注云唯君相入客臣也相不入矣此介

皆入不同者彼云每門止一相鄭云絕行在後耳非是全不入廟又云唯君相入者謂前相君禮須入故言之

臣相不前相禮故不言入其實皆入與此不通當闕**三揖**君與賓也此同也今按疏說與此不通當闕

入門將曲

揖既曲北面又揖當碑揖疏曰前云公揖入立于中庭三分庭一在南賓後獨入得云入門將曲揖者謂公

先在庭南面賓入門將曲之時既曲北面之時主君皆何賓揖之再揖訖主君乃東面何堂塗北行當碑乃得

賓上相何之揖是以得君行一臣行二非謂賓入門時主君更何內雷相近而揖也今按疏說蓋印本差誤

今以文義考之更定如此至于階三讓公升二等欲君行一臣行

二先愚薦反疏曰諸侯階有七等公升二等在上仍有五等而得云君行一臣行二者但君行少臣行多

大判賓升西楹西東面與主君相鄉擯者退中庭處退者以

公宜親受賓命賓致命之命也公左還北鄉當擯者進

進阼階西釋辭公當楣再拜楣亡悲反拜眡也賓三

退負序

三退三遠遁也不言辟者以執圭將進授之

公側襲受玉于中堂與

東楹之間

側猶獨也言獨見其尊賓也佗日公有事必有贊為之者凡襲于隱者公序站之間可知

也中堂南北之中也入堂深尊賓事也東楹之間亦以君行一臣行二見賢過反下以意求之站丁念反

疏曰案大射云公卒射小擯者退負東塾而立反其等臣正贊襲是其贊為之也

賓降介逆出

逆出由便賓出

公側授宰玉

使藏之授楊於序端

降立

楊者免上衣見楊衣凡當威禮者以充美為敬非威禮者以見美為敬禮尚相變也玉藻曰裘之楊

也見美也又曰麕裘青紆褰紃衣以楊之論語曰素衣麕裘皮弁時或素衣其裘同可知也裘者為溫衣之為

其褻也寒暑之服冬則裘夏則葛凡禮楊者左降立俟享也亦於中庭古文楊皆作賜麕音迷或作麕同紆

五旦反胡地野犬也裘本又作裏詳又反絞戶交反為  
溫為其皆去聲禮音但疏曰凡服四時不同假令冬  
有裘襯身禪衫又有襦袴襦袴之上有裘裘上有裼衣  
裼衣之上又有上服皮弁祭服之等若夏則以絺綌  
絺之上則有中衣中衣之上復有上服皮弁祭服之等  
若春秋二時則衣袷袷袷之上加以中衣中衣之上  
加以上服也諸侯與其臣視朔與行聘禮皆服麕裘但  
君則麕裘還用麕裘臣則不敢純如君麕裘則青紕  
裼衣君臣亦有異時在國則君臣同素衣聘時主君亦  
素衣唯臣用絞衣為裼也雜記云朝服十五升布皮弁  
亦天子朝服與諸侯朝服同用十五升  
布亦同素積以為裳白舄臣用白屨也

# 右行聘禮記卿大夫訝士皆有訝

訝反

卿使者大夫上介也士眾介也訝主國君所使迎  
待賓者如今使者護客疏曰大聘使卿主人使大

夫訝小聘使大夫主人使士訝謂初行聘及饗食燕皆迎之故鄭君無所指定

宗人授次

次以帷少退于君之次

主國之門外諸侯及卿大夫之所使者次位皆有常處

疏曰上公九十步侯伯七十步子男五十步使臣聘使大聘小聘又各降二等其次皆依其步數就西

方而置之未行禮之時止於其中將行禮乃出也今按周禮幕人掌相會共帷幕掌次掌張幕此宗人

字恐誤

諸公之臣相為國客及將幣旅擯三辭拜逆

客辟三揖每門止一相及廟唯君相入三讓客登拜

客三辟授幣下出每事如初之儀

客辟逡巡不答拜也唯君相入客臣

也相不入矣拜主君拜客至也客三辟三退負序也每事享及有言疏曰上經云賓三退負序注云不



言辟者以執圭將進授之此亦執圭將授言辟者儀禮是委曲行事此周禮據大摠而言故不同也司

儀

# 君入門介拂闌大夫中楨與闌之間士介拂楨

此謂兩君相見也楨門楔也君入必中門上介夾闌大夫介士介鴈行於後示不相訟也若若迎聘客摠

者亦然楔古八先結二反疏曰君必中門者謂

當楨闌之中主君在闌東賓在闌西主君上摠在君

之後稍近西而拂闌賓之上介在賓之後稍近

東而拂闌大夫摠介各當君後在楨闌之中央賓入

## 不中門不履闕

辟尊者所從也此謂聘客也闕門限公事自闌西

聘享

## 私事自闌東

觀面也疏曰闌謂門之中央所豎短木又謂之門楹楹謂門兩旁長木所謂

門楔也玉藻今按此云門只有一闌唯上經賁疏獨云門有二闌故中門之處及君與賓介行之次

第皆有不同未  
孰是當更考之

大夫見於國君國君拜其辱外自

來而拜拜見也自內來而拜拜辱也  
疏曰公在門左拜是拜其辱也曲禮

君若迎拜

則還辟不敢答拜

嫌與君抗賓主之禮迎拜謂君迎而先拜之聘禮曰大夫入門再拜

君拜其辱疏曰聘賓初至主國大門外主君迎而拜之前經賓入門左公再拜賓辟不答拜是也故鄭

引聘禮者初入門主君再拜其辱也曲禮

唯大聘有几筵

謂受聘享時也小聘

輕雖受于廟不為神位

禮不拜至

以賓不為醴疏曰前是始至今文禮疏曰前者請行禮

賓言侯間故今不是始至也

辭無常孫而說

孫音遜說音悅孫順也大夫使受

命不受辭辭必順且說

辭多則史少則不達

史謂辭苟足以達來祝

義之至也

文至極也今至至為砥

辭曰子以君命在寡君寡君

拜君命之辱

此辭君拜聘享辭也在存也

上介執圭如重授賓

慎之也曲禮曰凡執圭器執輕如不克此當聘在王君廟門外上介屈纒授賓之容

疏曰賓入

門皇升堂讓將授志趨

皇自莊威也讓謂舉手平衡也志猶念也念趨謂審行步

也孔子之執圭鞠躬如也如不勝上如揖下如投勃如戰色足踊踊如有所循古文皇皆作王勝音升上

示掌反踊所六反疏曰投謂授玉志趨謂念鄉入門在庭執玉徐趨今當亦然若降堂後趨則疾而翼

如也平衡謂與心平曲禮國君則授如爭承下如送平衡是也足踊踊如有所循謂徐趨

君還而后退

也爭爭鬪之爭重失隊也而后猶然後也隊直類反疏曰授玉之時如與

人爭接取物恐失隊也聘享每訖君實不送而賓之敬如君送然退謂出廟門更行後事非出大門也

下階發氣怡焉再三舉足又趨

足發氣舍息也再三舉足自安定乃復趨也

至此云舉足則志趨卷豚而行也孔子之升堂鞠躬如也屏氣似不息者出降二等還顏色怡怡如也

階趨進翼如也卷去阮反豚大本反今按趨及進進字衍卷豚義見曲禮卷轉也豚之言若有循

門正焉

容色復故此皆心變見於威儀

執圭入門鞠躬焉如恐失之

記異說也

皇且行入門主敬升堂主慎

復記執玉異說

凡執

主器執輕如不克

重慎之也主君也克勝也

執主器操幣圭璧則

尚左手行不舉足車輪曳踵

重慎也尚左手尊左也車輪謂行不絕地曲

禮

擯者出請

不必賓事之有無

賓裼奉束帛加璧享擯者入告出

許

許受之

庭實皮則攝之毛在內內攝之入設也

攝之涉反皮

虎豹之皮攝之者右手并執前足左手并執後足毛在內不欲文之豫見也內攝之者兩手相鄉也入設亦參

分庭一在南言則者或以馬凡君於臣臣於君麋鹿皮可也并必性反或如字疏曰郊特牲云虎豹之皮

示服猛也束帛加璧往德也文無所屬則天子諸侯皆得用之入設參分庭一在南者見昏禮記但此右首彼

左首者昏禮象生故與此異也凡君於臣謂使者歸若使卿贈如覲幣及食饗以脩幣酬幣庭實皆有皮臣於

君謂私覲庭實設四皮及賓入門左揖讓如初升致命介用儷皮此皆有麋鹿皮

張皮

張者釋外足見文也

公再拜受幣士受皮者自後右客

自由也從

東方來由客後西居其左受皮也執皮者既授亦自前西而出

賓出當之坐攝之

象受于賓

公側授宰幣皮如入右首而東

如入左在前皮右首者變于生也疏曰如入

左在前者皮四張三人入門時先者北面在左西頭為上餘取皮向東者亦左在前向東為次第也云皮右首者變于生也者曲禮云執禽者左首士相見摯用雉左頭奉之下大夫執鴈上大夫執羔如執雉皆左首

右享禮

記及享發氣焉盈容

發氣舍氣也孔子眾之於享禮有容色

介北面蹠焉

蹠七羊反兒容貌舒揚曰曲禮云大夫濟濟士蹠蹠

凡庭實

隨入左先皮馬相間可也

間廁之間隨入不並行也間猶代也土物有宜君

子不以所無為禮畜獸同類可以相代古文間作干  
疏曰云左先者以皮馬以四為禮北面以西頭為

上故左先入陳也云君子不以所無為禮者案禮器  
云天不主地不養君子不以為禮言當國有馬而無

虎豹皮則用馬或有虎豹皮并  
有馬則以皮為主而用皮也賓之幣唯馬出其餘

皆東  
物皆東藏之內府  
若君不見  
故不見使者使

大夫受  
夫上卿也大  
自下聽命自西階升受負右房

而立賓降亦降  
此儀如還圭然而賓大夫易處耳今  
文無而疏曰此時升降皆與下經

還玉之儀同但彼賓自大夫左受之不禮  
此大夫於賓左受之此為易處也辟正主也  
古文禮作

醴

聘于夫人用璋享用琮如初禮

如公立于中庭以下

右聘享夫人

辭君以社稷故在寡小君拜

此贊拜夫人聘

享辭也言君以社稷故者夫人與君體敵不敢當其惠也其卒亦曰寡君拜命之辱疏曰夫人與君敵

體今夫人使致禮來主人不敢當故云以社稷故明夫人同主社稷彼國亦得聘之其惠不由已也然其卒亦自當之曰寡君拜命若下文問卿則與君不敵故敢當之云君貺寡君延及二三老也

若有言則以束帛如享禮

有言有所告請若有所問也記曰有故則束帛加書以將

命春秋臧孫辰告糴于齊公子遂如楚乞師晉侯使韓穿來言汶陽之田皆是也無庭實也

右有言

記若有故則卒聘束帛加書將命百名以



上書於策不及百名書於方

故謂灾患及時事相告請也將猶致也名書文

也今謂之字策簡也方版也疏曰簡據一片策是衆簡相連鄭作論語序云易詩書禮樂春秋策皆尺

二寸孝經謙半之論語八寸策者三分居一又謙焉是其策之長短鄭注尚書三十字一簡之文版虔注

左氏云古文篆書一簡八字是一簡之字數今按此簡之長及字數皆未詳或六經之策皆二尺四寸

乃與下數合當更考之

主人使人與客讀諸門外

受其意既聘享賓出而讀

之不如於內者人稠處嚴不得審悉主人國君也人史也書必璽之稠直由反處昌慮反璽音徒疏

曰左傳襄二十九年有璽書杜注云璽印也

擯者出請事賓告事畢

公事畢

賓奉束錦以請覲

覲見也鄉將公

事是欲交其歡敬也不用羔因使而見非特來鄉將公事者聘享是也此行私禮為交歡敬也卿初仕

見已君及卿皆見以羔若諸侯相朝其臣從君亦得執羔見主君左傳公會晉師于瓦范獻子執羔即其事也

擯者入告出辭客有大禮未有以待之謂未禮賓故止客請

覲而下文先請禮賓賓禮辭聽命擯者入告告賓宰夫

徹几改筵宰夫又主酒食者也將禮賓徹神几改神席更布也賈席東上公食大夫禮曰蒲筵常緇

布純加崔席尊玄帛純此筵上下大夫也周禮曰筵國賓于牖前莞筵紛純加纁席壺蘩左形几者則是筵孤

也孤形几卿大夫其漆几與崔音完與音餘疏曰賓席東上對前為神而西上也司几筵有五几從上何

下序之天子玉几諸侯彫几狐形几公出迎賓以入揖卿大夫漆几下有素几喪事所用

讓如初

公出迎者己之禮更端也 疏曰前聘享俱是公禮故聘訖而享公不出迎此禮賓是私禮故

云更端而

公升側受几于序端

漆几也 今文無升

宰夫內拂几

三奉兩端以進

內拂几不欲塵紛尊者以進自東箱來校君 紛蒲闕反 疏曰按覲禮几俟

于東箱

公東南鄉外拂几三卒振袂中攝之進西鄉

進就

復擬賓用兩手自公手外取之故也

擯者告

告賓以賓

進訝受几于筵前東面俟

未設也 今文訝為梧 梧五故反 疏曰未設者俟公拜

送乃公壹拜送

公尊也 古文壹作一 疏曰賓再拜稽首公乃壹拜當空首故云公尊也 今

按此經云公拜送而下文乃云賓答再拜此疏反云賓再拜而公乃拜誤矣其言空首則得之賓以几

辟

辟位遠遁

北面設几

不降階上答再拜稽首

不降以主人禮未成也凡

賓左几

疏曰禮未成者鄉飲酒云啐酒成禮也設几主為啐酒今未啐醴故云禮未成也賓左几者對神右

也宰夫實觶以醴加柶于觶面枋

柶音四枋彼命反酌以授君也君不自

酌尊也宰夫亦洗升實觶以醴自東箱來不而擲不訝授也擲以涉反疏曰宰夫上授几時自下而升東

箱今當亦然經不言者略賤也不訝授者蓋面何賓宰夫來公傍側並授與公故不面擲也

公側受

醴將以飲賓飲於鵠反

賓不降壹拜進筵前受醴復位公拜送

醴賓壹拜者醴質以少為貴疏曰禮器云禮有以少為貴者今賓於上下皆再拜指首獨此一拜故鄭據

大古之醴質無玄酒配之故壹拜以少為貴也宰夫薦籩豆脯醢賓升筵擯者

退負東塾

事未畢擯者不退中庭以有宰夫也 疏曰按上文擯者退當在中庭今退負塾者以有

宰夫相已無事故也 若無宰夫則在中庭矣

賓祭脯醢以柶祭醴三庭實設

庭實乘馬降筵北面以柶兼諸解尚擯坐啐醴

啐七肉反尚與上通降

筵就階上 疏曰以左手執解右手以柶祭醴訖降筵

北面以柶兼并於解兩手捧之就階上者以鄉飲酒獻

酬卒爵各於其階明此亦在西階之上

公用束帛

致幣也言用尊于下也亦受之于序端 疏曰

凡言用者皆敬而尊之意此君親用束帛禮賓故言用尊于下也前公受几于序端此亦當然

建柶

北面奠于薦東

猶醴

不啐擯者進相幣

相息亮反

賓降辭幣

不敢當

公降一等辭

辭賓降也

栗階升聽命

栗階超君命尚疾不連步 疏

曰凡栗階者其始升亦連步於上栗階不過二等今云不連步者謂不從下向上皆連步其始升連步則有之

也降拜

拜受

公辭

不降

一等殺

殺所界反

升

再拜稽首

受幣

當東

楹北面

亦訝受而北面者禮主於己已臣也

疏曰前

行聘享時賓東面主君西面訝授受但以奉君

命故賓亦北面此以主君禮己已臣也故北面受也

上受兒受醴亦是己之禮以禮未成故不北面也

退

侯

不

侯

不

侯

不

侯

不

侯

不

侯

不

東面侯

侯君拜也不北面者

謙若不敢當階然

公壹拜賓降也

公再拜

侯

不

侯

不

侯

不

侯

不

侯

不

侯

不

侯

不

公再拜者不敢當公之威也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

公再拜者事畢成禮也

當公不止遂再拜也

事畢成禮者前受几及醴公皆

一拜今事畢成禮不可亦自尊故送幣亦再拜也

賓

賓

賓

賓

賓

賓

賓

賓

賓

賓

賓

賓

賓

賓

賓

賓

執左馬以出

受尊者禮宜親之也效馬者并左右勒授

之餘三馬主人牽者從出也

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

勒丁歷反

疏曰曲禮云效馬效羊者右牽之  
效猶呈見故謂牽馬人為效馬者也  
上介受賓幣從者

訝受馬

從才用反  
從者士介

右禮賓

記醴尊于東箱瓦大一有豐

大音泰  
大瓦尊豐承

尊

器如豆而卑  
卑劉音婢

薦脯五臟祭半臟橫之

臟音職  
脯如版然者

或謂之

臠皆取直  
臠大頃反

祭醴再扱始扱一祭卒再祭

扱初  
洽反

後扱

卒謂主人之庭實則主人遂以出賓之士訝受之

此謂餘三馬也左馬賓  
執以出矣士士介從者

諸公之臣相為國客及禮

再拜稽首君答拜

禮以醴禮客  
者案上經禮客用醴齊異於君鬱

也  
司儀

賓觀奉束錦總乘馬二人贊入門右北面奠幣再拜稽

首

不請不辭鄉時已請也觀用束錦辟享幣也總者總八轡牽之贊者居馬間扣馬也入門而右私事自關

右奠幣再拜以臣禮見也贊者賈人之屬介持觀也辟音避扣音口疏曰賓總八轡在前牽之二人贊者

各居兩馬間各用左右手扣一匹也入門而右私事在關右者玉藻云公事自關西鄭注云聘享也私事自

關東注云觀面也此行觀禮故引之也

擯者辭

辭其臣

賓出

事畢

擯者坐取幣

出有司二人牽馬以從出門西面于東塾南

將還之也贊者有司

受馬乃出凡取幣于庭北面疏曰云贊者有司受馬乃出者賓出之時贊扣馬者未得出待人受馬乃得出



所以然者幣可奠之  
於地其馬不可散置  
擯者請受請以客禮受之賓禮辭聽命賓受

其幣幣牽馬右之入設庭實先設客禮也右之欲人居馬左任右手便也於是牽馬者

四人事得申也曲禮曰賓奉幣入門左介皆入門左西效馬效羊者右牽之

上以客禮入公揖讓如初升公北面再拜公再拜者以其初以臣禮

見新賓三退反還負序反還者不敢與授圭同振幣進授當東楹

北面不言君受士受馬者自前還牽者後適其右受還戶

車反自由也適牽者之右而受之也此亦並授者不自前左由便也便其已授而去也受馬自前變於受皮

牽馬者自前西乃出自由也疏曰四馬並北而牽馬者皆在馬西士既受馬其最西頭

者便即出門不須由馬之前其次東三匹者皆由西於馬前而出故云牽馬者自前西乃出據三人而言也

賓降階東拜送君辭

拜送幣于階東以君在堂鄉之疏曰此言賓拜送幣者私覲已物

故也前享幣不拜送者致君命非已物故也

拜也君降一等辭

君乃辭之而賓由拜敬也

擯者曰寡君從子雖將拜起也

此禮同多有辭矣未有著之者是其志而煥乎

未敢明說云未敢明說

疏曰唯此及公食皆著其辭煥然可見又云謂餘辭固可以類推但疑事無臂故上

注每云其辭未聞也

栗階升公西鄉賓階上再拜稽首

成拜公少退

為敬賓降出公側授宰幣馬出

廟中宜清

公降立

右私覲 記私覲愉愉焉

愉羊朱反容貌和敬疏曰享時盈容舒於聘時

之戰色私覲又舒於盈容出如舒鴈威儀自然而有行列舒鴈也

既覲賓若私獻奉獻將命

時有珍異之物或賓奉之所以自序尊敬也猶

以君命致之 疏曰臣統於君雖是擯者入告出禮私獻已物亦以君命致之故云將命

辭

辭其

賓東面坐奠獻再拜稽首

送獻不入者奉物禮輕 疏曰君以

私獻入則是主於貨傷害於享覲

擯者東面坐取獻舉以入告出禮

請受

東面坐取獻者以宜並受也其取之由賓南而自後右客也

疏曰價者從門東適南方西行

於賓北東面坐取幣入告於君及出一請賓固辭公

答再拜

拜受於賓也固亦衍字 疏曰上文擯者禮請受不云固明知賓亦不固辭故云衍也

擯者立于闕外以相拜賓辟

相贊也古文問為感

擯者授宰夫

于中庭

東藏之既乃介覲

若兄弟之國則問夫人

兄弟謂同姓若昏姻

甥舅有親者問猶遺也謂獻也不言獻者變於君也非兄弟獻不及夫人

諸公之臣相

為國客私面

私面私覲也鄭司農云說私面以春秋傳曰楚公子棄疾見鄭伯以其良馬私

面私獻

既覲則或有私獻者

再拜稽首君答拜

司儀

擯者出請上介奉束錦士介四人皆奉玉錦束請覲

玉錦

錦之文織緝者也禮有以少文為貴者後言束辭之便也

緝音辱

擯者入告出許上介

奉幣儷皮二人贊

儷猶兩也上介用皮變於賓也皮麋鹿皮儷音麗疏曰賓用馬今介

用皮故云變也

皆入門右東上奠幣皆再拜稽首

皆者皆衆介也贊者奠皮

出

擯者辭

亦辭其臣

介逆出

亦事畢也

擯者執上幣士執衆幣有

司二人舉皮從其幣出請受

此請受請于上介也擯者先即西面位請之釋辭之

時衆執幣者隨立門中而俟故昏禮記云納徵執皮隨入注云為門中阨狹記云凡

庭實隨入左先明此出時亦隨出而立也案匠人云廟門容大扃七個注大扃牛鼎之扃長三尺七個則二丈

一尺闌東明不得並出也

今按闌東下當有脫字委皮南面

擯者既釋辭執衆幣者進即位有司

乃得委之南面便其復入也委皮當門復扶又反疏曰皮入右首右先故南面橫委於門中當門北上執

皮者北面受之而乃入便也

執幣者西面北上擯者請受

請于上介也上言其

次此言其位互約文也疏曰此言西面北上則上當有北面東上之文下云士介覲帶時士三人東上坐取幣立是也此宜有士執衆幣立于南面之文如是者互文也言約者雖互見其文文猶不備上當言擯者執幣士四人北面東上坐取幣從有司二人坐衆皮從其幣出隨立於門中擯者出門西面于東塾南請受士執幣者進立擯南西面北上執皮者南面

介禮辭聽命皆進

訝受其幣

此言皆訝受者嫌擯者一一授之疏曰享幣無門外授先後之法故不言皆

上介

奉幣皮先入門左奠皮

先皮者介隨執皮者而入也入門左介至揖位而立執皮者奠

皮以有不敢授之義古文重入重直用反疏曰賓覲時奉幣入門左介皆入門左西上公揖讓升賓至此待揖而後進明此公再拜拜中庭也不受于堂介賤也介亦至揖位而立

退之文自受享以介振幣自皮西進北面授幣退復位

再拜稽首送幣

進者北行參分庭一而東行當君乃復北行也疏曰介初在揖位君在中庭

奠皮近西故介發揖位經皮西北出三分一介出宰自

公左受幣

不側受介禮輕疏曰宰自公左受即是側不云側者當有贊者於公受轉授宰故云介

禮輕也

有司二人坐舉皮以東擯者又納士介

納者出道入也

音導士介入門右奠幣再拜稽首

終不敢以客禮見

擯者辭介逆

出擯者執上幣以出禮請受賓固辭

禮請受者一請受而聽之也賓為之

辭士介賤不敢以言通於主君固衍字當如面大夫也疏曰案下士介面大夫時擯者執上幣出禮請受賓

辭無固字故知此固衍字

公答再拜擯者出立于門中以相拜

擯者以賓

辭入告還立門中闕外西面公乃遙答拜也相者贊告之

士介皆辟

辟於其東面士位遠遁也

士

三人東上坐取幣立

俟擯者執上幣來也

擯者進

就公所也

宰夫受幣

于中庭以東

使宰夫受于士士介幣輕也受之于公左賓幣公側授宰上介幣宰受于公左士介

幣宰夫受于士敬之差

執幣者序從之

序從者以宰夫當一一受之

右介私覲記君於士不答拜也非其臣則答拜之

不臣人之臣疏曰君於己士以其賤故不答拜然士介聘還亦旅答拜者敬其奉使而還士相見禮答

拜者以其初為士敬之故也此他國之士非已尊所加故答之曲禮



擯者出請賓告事畢

賓既告事畢衆介逆道賓而出也疏曰逆道者介為首賓為尾也

知必逆出者上經聘訖下經聘夫擯者入告公出送賓

公出衆擯亦逆出此亦當然也及大門內公問君

鄉以公禮將事無由問也

賓至始入門之位北面將揖而出衆介亦在其右少退西上於此可以問君居處何如序殷勤也時承擯紹擯

亦於門東北面東上上擯往來傳君命南面遽伯玉使人於孔子孔子問曰夫子何為此公問君之類也遽

其居反今按所引論賓對公再拜

拜其無恙公拜賓亦辟恙羊亮反

雅恙憂也公問大夫賓對公勞賓賓再拜稽首公答拜

勞者到反注及下同公勞介介皆再拜稽首公答拜賓

出公再拜送賓不顧

公既拜客趨辟君命上摛送賓出反告賓不顧於此君可以反路寢

矣論語說孔子之行曰君召使摛色勃如也足躐如也賓退必復命曰賓不顧矣行下孟反躐屈縛反又驅

碧反疏曰按送賓用上摛孔子為下大夫而得為上摛者君使攝也

賓請有事於大夫

請問問卿也不言問聘聘亦問也嫌近君也上摛送賓出賓東面而請之摛者反命因告之近附近之近

疏曰從朝以來行聘享行禮賓之事事已煩矣今日即請未可即行故云反命因告之告之使知而已是以賓

至館行勞賓介及受饗餼終日有事明日乃行問卿之禮也賓所請問卿宜云有事于某子故下記云幣之所

及皆勞鄭云所以知及不及者賓請有事固曰某子某子是也公禮辭許禮辭一辭賓即館

小休息也即就也

右公送賓問君勞賓介 記諸公之臣相為國客出

及中門之外問君客再拜對君拜客辟而對君問大

夫客對君勞客客再拜稽首君答拜趨辟

中門之外即大門之外

內也問君曰君不恙乎對曰使臣之來寡君命臣于庭大夫曰二三子不恙乎對曰寡君命使臣于庭二

三子皆在勞客曰道路悠悠客甚勞勞介則曰二三子甚勞問君客再拜對者為敬慎也 疏曰問君以

下未知鄭所出何文或云是孔子聘問之辭未知然否 司儀大夫士見於國君君

若勞之則還辟再拜稽首

謂見君既拜矣而後見勞也聘禮曰君勞使者及介

君皆答拜 疏曰案聘勞賓之前不見賓先拜此云賓既拜矣謂賓初行私覲之時已拜主君矣在後始

主君勞故曰既拜已而後見勞引聘禮者證君勞賓再拜之事熊氏以爲唯云大夫士謂小聘大夫爲賓士爲介也今謂大聘小聘皆然故鄭引聘禮以證之此大夫之中則含卿也曲禮賓即館

訝將公命

使已迎待之命疏曰案秋官掌訝職云賓入館次于舍門外待事于客注云次如

今官府門外更衣處待事于客通又見之以其摯復其所求索將公命有事通傳于若也復以私禮見者訝將舍於賓館之外宜相親也大夫訝者執鴈士訝者執雉

卿大夫勞賓賓不見

以已公事未行上介以賓辭辭之疏曰聘享雖畢而問大夫等事

猶未大夫奠鴈再拜上介受不言卿卿與大夫同執鴈行也

之卿見朝君皆執羔疏曰周禮約掌客文

勞上介亦如之

右卿大夫勞

記幣之所及皆勞不釋服

以與賓接於君所賓

又請有事于已不可以不速也所不及者下大夫未嘗使者也不勞者以先是賓請有事於已同類既聞彼為禮所及則已往有嫌也所以知及不及者賓請有事固曰某子某子

君使卿韋弁歸饔餼五牢

變皮弁服韋弁敬也韋弁韋之弁服韋弁敬也而服之者皮

韋同類取相近耳其服蓋韋布以為衣而素裳壯殺曰饔生曰饔今文歸或為饋韋音昧又亡拜反疏曰

自此盡皆再拜稽首論主君使卿歸饔餼於賓之事周禮春官司服王之吉服有九祭服之下先云兵事韋弁服後云視朝皮弁服則韋弁尊於皮弁韋弁即赤色以赤韋為弁也皮韋同類取相近耳者有毛則曰皮去毛熟治則曰韋本是一物云其服蓋韋布以為衣而素裳者此無正文但正服則鄭注司服云韋弁以韋為弁又

以為衣裳又晉卻至衣袂韋之跗注鄭注解跗為幅以注為屬謂制韋如布帛之幅而連屬為衣及裳今此異者鄭意此為賓館於大夫士之廟既為入廟之服不可純如兵服故為袿布為衣而素裳鄭志兵服與皮弁同白舄故言素裳此亦同也然無正文故云蓋以疑之上介請事賓朝服禮辭示不

受也受之尊服有司入陳

入賓所館之廟陳其積疏曰記云卿館於大夫大夫館於士皆是

大夫士之廟下文又云揖入及廟鄭據此而言明陳之於廟孔子又云公館與公所為曰公館鄭注云公館若今縣官舍也彼是正客館若使多則有在大夫廟饗聘使少則皆於正客館若使多則有在大夫廟饗與腥

飪一牢鼎九設于西階前陪鼎當內廉東面北上上當

碑南陳牛羊豕魚腊腸胃同鼎膚鮮魚鮮腊設局鼎臠

腫腭蓋陪牛羊豕

牛腭音昔局古螢反羊腭也腭許云反羊腭也腭許亮反

豕腭也

陪鼎三牲

腭腭腭陪之庶蓋加也當內廉

辟堂塗也

腭胃次脂以其出牛羊也膚豕肉也唯燔者

有膚此饌先陳其位後言其次重大禮詳其事也宮必有碑所以識日景引陰陽也凡碑引物者宗廟則麗牲

焉以取毛血其材宮廟以石寔用木燔火各反字林火郭反燔劉音尋一本作燭音潛寔彼驗反疏曰案

公食大夫庶羞非正饌故在正鼎後而言加也辟堂塗者正鼎九雖大判繼階而言其云于階前則階東稍遠

故陪鼎猶當內廉而辟堂塗之內也君子不食困腭犬豕曰困故牛羊有腭胃而無膚豕則有膚而無腭胃也

豚亦無膚以其皮薄故也言宮必有碑者案諸經云三揖者鄭注皆云入門將曲揖既曲北面揖當碑揖若然

士昏及此聘禮是大夫士廟內皆有碑矣鄉飲酒鄉射言三揖則庠序之內亦有碑矣祭義云君牽牲麗于碑

則諸侯廟內有碑明矣天子廟及庠序有碑可知但生人寢內不見有碑雖無文兩君相朝燕在寢豈不三揖乎明亦當有碑矣言所以識日景者觀碑景南北長短十一月日之早晚也引陰陽者又觀碑景南北長短十一月日南至景南北最長陰盛也五月日北至景南北最短陽盛也二至之間景之盈縮陰陽進退可知其材則雖無正文然葬碑取縣繩緯暫時之間往來運載當用木而已其宮廟之碑取其妙好又須久長用石為之今按注內景下引字疑當作別又今禹墓窆石尚存高五六尺廣二尺厚一尺許其中有竅以受綈引棺者也然則窆亦用石矣檀弓云公室視豐碑三家視柩楹豈天子諸侯以石故謂之碑大夫以下用木故謂之楹歟廟中同謂之碑則

脛二牢鼎二七無鮮魚鮮腊設于阼階前

西面南陳如飪鼎二列

有脛者所以優賓也疏曰案下文士四人無脛是不優之也



堂上八豆設于戶西西陳皆二以並東上韭菹其南醯

醢

于親食賓也醢醢汁也屈猶錯也今文並皆為併

疏曰醢醢西昌本西康醢醢西菁菹菁菹北

鹿齏鹿齏東葵菹葵菹東蜩醢蜩醢東韭菹案周禮天

官醢人朝事之豆有八韭菹醢醢昌本康齏菁菹鹿齏

菹菹麇齏紫公食大夫公親食賓云宰夫自東房薦豆

六設于醬東西上此云八簋繼之黍其南稷錯

黍在北

東上是變於親食賓也

八簋繼之黍其南稷錯

黍在北

繼豆以西陳之次第亦與豆同故鄭云屈猶錯也但豆

之實各別直次第陳之則得相變故云屈簋惟有黍稷

雖屈陳之亦間雜必錯陳使當行間錯不相

六鉶繼之

並乃得相變故鄭下注凡屈錯要相變是也

六鉶繼之

牛以西羊豕豕南牛以東羊豕

銅羹器也疏曰此不言綽屈錯者綽文自具

故不言之也。案此文上下絳屈錯似各別。鄭此注屈猶錯士喪禮陳衣於房中南領西上絳注云絳猶屈又似不別者云絳屈二者下手陳之少異。屈者句而屈陳之絳者直屈陳之不為句。陳訖則相似錯者間雜而陳之與絳兩簋繼之梁在北。錯要相變。梁稻加也。凡饌屈

數皆耦兩自相對而陳之。屈錯不對者要得相變。不相當其六。銅絳者牛及豕二者相變。羊豕相當不相變。以其大牢牛羊豕不耦。故牛羊豕不得變也。今按六銅之位東北牛東南豕北羊南羊西北豕西南牛是牛豕常相變不相當。惟羊一物自相當。疏云牛及豕二者相變是也。而下乃云羊豕相當不相變。未詳何謂八

壺設于西序北上二以並南陳

壺酒尊也。酒蓋稻酒梁酒不錯者酒不以雜錯

為味。疏曰下夫人歸禮醑黍清各兩壺此若與彼同有黍各兩壺止成六壺各三壺則成九壺皆不合八數

故知止是猶梁但無正文故云蓋以疑之知非指黍者以猶梁是加相對之物也又曰此陳饗餼堂上及東西夾簋有二十簋六上文設殮時與此堂上及西夾其對則簋十四簋四案掌客設殮公侯伯子男簋同十二公簋十侯伯簋八子男簋六又皆陳饗餼其死牢如殮之陳如何此中殮之簋數及饗餼之簋數皆多於君彼是君禮自上下為差此乃臣禮或多或少自是一法不可以彼相並又此中致饗餼於賓醢醢百饗米百宮周禮上公饗宮百二十侯伯饗宮百子男饗宮八十子男少於此卿大夫禮禮或損之而益此其類也

西夾

六豆設于西墉下北上韭菹其東醢醢屈六簋繼之黍

其東稷錯四鉶繼之牛以南羊羊東豕豕以北牛兩簋

繼之梁在西皆二以並南陳六壺西上二以並東陳

東陳

在北牆下統於豆疏曰六豆者先設韭菹其東醢醢  
又其東昌本南麋鬻麋鬻西青菹又西鹿鬻此陳還取  
朝事之豆其六蓋四銅兩簠六壺  
東陳其次可知義復與前同也  
**饌于東方亦如之**  
東方東夾

**室西北上**  
亦韭菹其東醢醢也疏曰云西北上者則於東壁下南陳西北有韭菹東有醢醢次昌

本次南麋鬻次西有青菹次北有鹿鬻亦屈錯也云西北上者恐東夾饌從東壁南陳以東北為上其西有醢

醢與西夾相對陳之故云西北上  
**壺東上西陳**  
亦在北牆下統於豆

上見雖東夾其陳亦與西夾同  
**今按凡言北上者皆南陳西上者皆東陳此經西夾**

**六豆設于西牆下北上至兩簠下結云皆二以並南陳**

又云六壺西上東陳饌於東方亦如之西北上壺東上西陳則是東西之饌自簠以上皆南陳惟壺東西陳之

疏於東夾之豆亦云於東壁下南陳其布置之次序亦是南陳下又云雖東夾其陳亦與西夾同凡此皆與經

文合而布置西夾之豆乃東陳之又以簋銅簋皆與壺東陳不惟與經文不合而亦自相牴牾殊不可曉覽者

詳醯醢百饗夾碑十以為列醯在東

在壺為弄反夾碑在鼎之中央也醯

在東醢殺陽也醢肉陰也疏曰壺瓦器其容亦蓋一穀援人云簋實一穀又云豆實三而成穀四升曰豆則

壺與簋同受斗二升也

餼二牢陳于門西北面東上牛以西羊豕

豕西牛羊豕

餼生也牛羊右手牽之豕束之寢右亦居其左疏曰案特牲云牲在其西北首東

足鄭注云東足者尚右也與此不同者彼祭禮法用右胖故寢左上右士虞記云陳牲于廟門外北首西上寢

右鄭注寢右者當升左胖也變吉故與此生人同也

米百筥筥半斛設于中庭十

以為列北上黍梁稻皆二行稷四行

筥居呂反行戶郎反下同庭實固

當庭中言當中庭者南北之中也東西為列列當醢醢南亦相變也此言中庭則設碑近如堂深也疏曰上

享時庭實入設不言中庭則在東西之中其南北三分庭一在南北更言中庭欲明南北之中也知北上東西

為行者以經云北上泰梁指皆兩行稷四行若南北縱陳止得言東西不得言北上何者以泰梁稻及稷當行

皆一種無上下故也明橫陳可知泰兩行在北次梁兩行次稻兩行次南稷四行所以不用稻為上者稻梁是

加泰稷是正故泰為上端稷為下端以見上下而稻梁居其間設碑近如堂深也者陳鼎上當其碑南向陳之

醢醢夾碑在鼎中央亦向南陳之今米為宮在醢醢之南北之中則碑近北可知言堂深者猶若設洗南北以

堂深相似若然碑東當洗矣門外米三十車車秉有五簋設于門東

為三列東陳簋劉色縷反一音速注不數之數同卷末故此大夫之禮米禾皆視死牢秉簋數

名也。秉有五數，二十四斛也。籥讀若不數之數，今文籥或為逾。逾，劉音余。俊同。說文：大溝反。疏曰：上文鈺

一牢，腥二牢，是三牢。死米禾皆三十車，是視死牢也。下記云：十斗曰斛，十六斗曰籥，十籥曰秉。若然，一秉十六

斛，又有五籥為八禾，三十車車三秬，設于門西。西陳，丁秬

故反。四百秉為秬，字林：丈加反。薪芻倍禾，倍禾者以其秬數名也。三秬千二百秉。薪芻倍禾，用多也。薪從

米，芻從禾，四者之車皆陳北。輶凡此，所以厚重禮也。聘義曰：古之用財不能均如此，然而用財如此，其厚者言

盡之於禮也。盡之於禮，則內君臣不相陵，而外不相侵。故天子制之，而諸侯務焉。爾，輶丁畱反。車，輶。疏曰：

薪可以炊爨，故從米。陳之賓皮弁迎大夫于外門外，再芻可以食馬，故從禾。陳之賓皮弁迎大夫于外門外，再

拜，大夫不答拜。大夫使揖入及廟門，賓揖入。賓與使者

者止執幣賓侯之于門內謙也古者天子適諸侯必舍於大祖廟諸侯行舍于諸公廟大夫行舍于大夫廟

大祖之大音泰疏曰聘時主君揖入立于庭尊卑法此賓與使者幣故賓在門內謙也云門內即寧下故下

賓問卿云及廟門大夫揖入鄭注入者省內事也既而侯于寧下是也禮運云天子適諸侯必舍其祖廟下記

云卿館于大夫大夫館于士士館于工商鄭注云不館於敵者之廟為大尊也以此差之諸侯無正文鄭注舍

于諸公廟者諸公大國之孤云大夫行舍于大夫廟者謂卿舍于大夫也若無孤之國諸侯舍于卿廟也今

按疏內者下幣字疑當作敵大夫奉束帛以將命入三揖皆行並也

使者尊不後主人疏曰至于階讓大夫先升一等不讓

賓所在若主人非謂君也主人讓于客三敵者則客三辭言三不成三也凡升者主人讓于客三敵者則客三辭主人乃許升亦道賓之義也使尊者尊主人三讓則許升



夫今使者三讓則是主人四讓也公雖尊亦三讓乃許  
升今使以不下主人也古又曰三讓下戶嫁反後下  
君下朝皆同疏曰賓三讓大夫即升無三辭則不成  
三也經雖言讓大夫先升大夫之讓不明故鄭君兩言  
之但使尊終先升若主人三讓使人亦三讓主人又一  
讓使者乃升故鄭復言此也案周禮司儀云諸公之臣  
相為國客大夫郊勞三讓登聽命又云致饗餼如勞之  
禮即得行三讓之禮此中古文云三讓與彼合鄭不從  
者周禮舉其大率而云三讓此儀禮據屈曲行事觀此  
經直云讓大夫先升是主人或三讓大夫無三讓故不  
從古文也公為主人亦有三讓公尊必三讓者不下賓客主人之義故也賓從升堂北面聽  
命北面上也大夫東面致命賓降階西再拜稽首拜餼亦  
如之大夫以束帛同致饗餼也賓殊拜之敬也重君之  
禮也疏曰賓拜饗三牢及庭實又別拜餼二牢

及門外

米承大夫辭升成拜

尊賓

受幣堂中西北面

趨主君命也堂中西

中央之西

大夫降出賓降授老幣出迎大夫

老家臣也賓出迎欲傾之

大

夫禮辭許入揖讓如初賓升一等大夫從升堂

賓先升也皆

北庭實設馬乘

東四馬也

賓降堂受老束錦大夫止

止不降之餘

尊

賓奉幣西面大夫東面賓致幣

不言致命非君命也

大夫對北

面當楣再拜稽首

稽首尊君客也致對有辭也既行敵禮當頓首今稽首是拜君禮

故也禮當有辭今文不具

受幣于楹間南面退東面俟

賓北面授尊君之使疏

曰凡敵體授受之義授由其右受由其左

賓再拜稽首送幣大夫降執左馬

以出

出廟門從者亦訝受之

賓送于外門外再拜明日賓拜于朝

拜饗與餼皆再拜稽首

拜謝主君之恩惠於大門外周禮曰凡賓客之治令訝聽之此

拜亦皮弁服疏曰上受時皮弁故知此拜亦皮弁按公食大夫若不親食使大夫致之則賓受以朝服及拜

亦以朝服

上介饗餼三牢飪一牢在西鼎七羞鼎三

飪鼎七無

鮮魚鮮脂也賓介皆異館疏曰自此盡兩馬求錦論主君使下大夫歸饗餼於上介之事腥一牢

在東鼎七堂上之饌六

六者賓西夾之數

西夾亦如之筯及饗

如上賓

凡所不貶者尊介也言如上賓者明此賓客介也疏曰案下云賓之公幣私幣皆陳上介公

幣陳是上介有不與賓同者獨此饗餼大禮西夾筯及饗如上賓以其客此上介如上賓之禮也饌一

牢門外米禾視死牢牢十車薪芻倍禾凡其實與陳如

上賓

凡凡飪以下

下大夫韋弁束帛致之上介韋弁以受

如賓禮

介不皮弁者以其受大禮似賓不敢純如賓也

儻之兩馬束錦

疏曰此下大

夫使者受上介之饋禮如士介四人皆餼大牢米百筭

設于門外

牢米不入門略之上牢在其南西上

也米設當門亦十為列北疏曰自此至無備論使

宰夫歸餼於眾介之事云牢在其南西上者以此餼本設于庭在門內由士介賤不得入門且賓與上介門東

有米三十車薪六十車門西禾三十車芻六十車皆統門為上此餼本非門外東西之物制不在門外東西宜

當門陳之賓上介餼在米南門西東上明知此牢亦在米南而西上為異耳

宰夫朝服牽牛

以致之

執紼牽之東面致命朝服無束帛亦略之士介西面拜迎紼直軫反疏曰上賓與上介米

禾皆視死牢且有芻薪米禾此士直有生餼無死牢則無芻薪米禾矣

士介朝服北面再

拜稽首受

受於牢東拜自牢後適宰夫右受由前東面授從者疏曰前君使士受私覲之馬適其

右受之知此亦在右受也若然君使士受私覲由前此由牢後與受馬不同者牛畜擾馴與馬有異故得從其後適宰夫無擯既受拜送之夫明日衆介亦各如其受右取便也

無擯

之服從賓拜於朝疏曰知衆介明日

禮如此者以下夫人歸禮人略同其注云於是乃言賓拜明介從拜然則君歸饗餼介皆從拜可知

右歸饗餼

記聘日致饗

急歸大禮

上公饗餼九牢其

死牢如殮之陳牽四牢米百有二十筥醯醢百有二

十甕車皆陳車米眡生牢牢十車車秉有五穀車禾  
眡死牢牢十車車三秬芻薪倍禾皆陳侯伯饗餼七  
牢其死牢如殮之陳牽三牢米百筥醯醢百甕皆陳  
米三十車禾四十車芻薪倍禾皆陳子男饗餼五牢  
其死牢如殮之陳牽二牢米八十筥醯醢八十甕皆  
陳米二十車禾三十車芻薪倍禾皆陳凡介行人宰  
史皆有饗餼以其爵等為之禮

饗餼致大禮也牢史  
衆臣從賓者也爵卿

也饗餼五牢大夫也饗餼  
三牢士也則饗餼大牢也凡諸侯之卿大夫士為國

客則如其介之禮以待之 致饗餼如勞之禮

疏曰同使

卿威儀進止皆如郊勞司儀

十斗曰斛十六斗曰簋十簋曰秉

秉十六斛今江淮之間量名有為簋者今文簋為逾量音亮

二百四十斗

謂一車之米秉

有五

四秉曰筥

此秉謂刈禾盈手之秉也筥稱名也若今菜易之間刈稻聚把有名為筥

者詩云彼有遺秉又云此有不斂穧反疏曰穧即此筥即今人謂之一鋪

穧才計

十筥

曰稷十稷曰秬四百秉為一秬

一車之禾三秬為十二百秉三百筥三十

稷也古文稷作稷孔反字林子工反

稷宰

賜饗唯羹飪筮一尸若

昭若穆

羹飪謂飪一牢也肉謂之羹唯是祭其先大禮之威者也筮尸若昭若穆容父在父在則

祭祖父卒則祭禩腥醢不祭則士介不祭也士之初  
行不釋幣于禩不祭可也古文羹為羔飪作臚臚  
而甚反劉音審疏曰古者天子諸侯行載廟木主  
大夫雖無木主亦以幣帛王其神是以受主國饗饌  
故筮尸祭然後食之尊神以求福故僕為祝祝曰孝  
也昭穆言若者以其昭穆不定故

孫某孝子某薦嘉禮于皇祖某甫皇考某子

祝祝上之六反

下之又反然諸侯不攝

僕為祝祝者大夫之臣攝官也祝祝策矣但定四年祝佗又云嘉

疏曰若

好之事君行師從卿行旅從則臣無事若君到主國祭饗之時得不攝官乎但大夫使僕攝祝則是本無

祝官與諸侯異耳

如饋食之禮

如少牢饋食之禮不言少牢今以大牢也今文無之疏

曰案少牢禮有尊俎籩豆鼎敦之數陳設之儀陰厭陽厭之禮九飯三獻之法上大夫又有正祭於室價



尸於堂此等皆宜有之至於致爵加假器於大夫不敢

以君之器為祭器盼肉及廋車盼音班廋人所求反盼猶賦也廋廋人也車巾車也二人

掌視車馬之官也賦及之明辯也古文盼作紛士無

饗無饗者無擯謂歸餼也無饗者無饗禮士介無饗禮凡

賓拜于朝訝聽之拜拜賜也唯稍不拜訝聽之遂行

舍于郊又案司儀云明日客拜禮賜遂行是臨歸

大禮之日既受饗餼請觀聘於是國欲見其宗廟之好百官之富若尤尊大之

焉訝帥之自下門入帥猶道也從下門外入游觀非正也

賓朝服問卿

卿皆以幣問之其主君卿每國三人疏曰三

國者乃得幣問之與卿異

卿受于祖廟

重賓禮也祖王父也疏曰大夫三廟有別子者立大祖

廟非別子者并立曾祖廟王父即祖廟也今不受于大祖廟及曾祖廟而受於祖廟者以其天子受於文王廟

諸侯受于太祖廟大夫下君故受於王父廟

下大夫擯

無士擯者既接於君所急見之擯者

出請事大夫朝服迎于外門外再拜賓不答拜揖大夫

先入每門每曲揖及廟門大夫揖入

入者省內事也既而侯于宁也宁

直吕反

疏曰大夫二門入大門東行即至廟門未及

廟門而有每門者大夫三廟每廟兩旁皆南北豎牆牆

皆閣門假令王父廟在東則有每門每曲之事省內事者曲禮云請入為席是也侯于宁者門屋宁也下云賓

入三揖皆行鄭注云皆猶並也是俟于宁擯者請命亦

乃得與賓並行三揖不俟于庭者下君也疏曰君受勝時擯者從君

而入而出請不几筵辟君也疏曰君受勝時擯者從君

而入几筵既設擯者出請此擯者亦從卿而入省內然

讓出庭實設四皮康鹿皮也賓奉束帛入三揖皆行至于階

賓先升賓東面致命致其命大夫降階西再拜稽首賓辭

升成拜受幣堂中西北面於堂中央之西受賓降出大

夫降授老幣無擯不擯賓辟君也

右問卿記聘日致饗明日問大夫不以殘日問人崇敬也古文曰

問夫人也

大夫不敢辭君初為之辭矣

疏曰賓聘享訖出大門請有事於大

夫君禮辭許是君初為之辭故卿不辭也

注曰此宜在明日問大夫下今依注移入

貺寡君延及二三老拜

此贊拜問大夫之辭貺賜也大夫曰老

敵當之也

擯者出請事賓面如覲幣

面亦見也其謂之面威儀質也見如字

文其面為質若散文面亦為覲故鄭司儀注云私面私覲也

賓奉幣庭實從

庭實四馬入

門右大夫辭

大夫於賓入自階下辭迎之

賓遂左

見私事也雖敵賓猶謙入門右為若

降等然曲禮曰客若降等則就主人之階主人與辭於客然後客復就西階

疏曰主人是大夫客是士降等

法士就東階

庭實設揖讓如初

大夫至庭中旋並行  
迴旋與賓揖而並行北出言

如初者大夫不出門唯有庭中一揖至碑又揖再揖而已

大夫升一等賓從之

大夫先升

道賓大夫西面賓稱面

稱舉也舉相見之辭以相接

大夫對北面當楫

再拜受幣于楹間南面退西面立

受幣楹間敵也賓亦振幣進北面授

曰曲禮云鄉與客並然後受注云於堂上則俱南面禮敵者並授此是敵者之常禮也雖是敵者於兩楹之間或有訝受者皆是相尊敬之法則此云大夫故訝受賓當楫再南面賓北面授雖是敵禮是尊大夫故訝受

拜送幣降出大夫降授老幣

右賓私面於卿

擯者出請事上介特面幣如覲介奉幣

特面者異於主君士介不從而

入也君尊衆介始覲不自別也上賓則衆介皆從之疏曰介初覲主君之時不敢自尊別與衆介同執幣而

入今私而於鄰國卿不與衆介同而特行禮焉

皮二人贊

皮亦儻

入門右奠幣再

拜

降等也

大夫辭

於辭上介則出

擯者反幣

出還于上介也

庭實設介奉

幣入大夫揖讓如初

大夫亦先升一等今大夫曰入

設介升大夫再拜受

亦於楹間南面而受

介降拜大夫降辭介升再拜送幣

介既送幣降出也大

夫亦授老幣

擯者出請衆介面如覲幣入門右奠幣皆再拜

大夫辭介逆出擯者執上幣出禮請受賓辭

賓亦為士介辭為

于偽反

大夫答再拜擯者執上幣立于門中以相拜士介

皆辟老受擯者幣于中庭士三人坐取羣幣以從之擯

者出請事賓出大夫送于外門外再拜賓不顧

相息亮反

顧言去

擯者退大夫拜辱

拜送

右介私面於卿

下大夫嘗使至者幣及之

嘗使至已國則以幣問之也君子不忘舊

上介朝

服三介問下大夫下大夫如卿受幣之禮

上介三介下大夫使之禮

也疏曰據此篇大聘使卿五介小聘使大夫三介若大國之卿七介小聘使大夫五介小國之卿三介小聘

使大夫一介也曲禮云僎人必於其倫故問下其面如大夫還使上介是各於其爵易以相尊敬者也其面如

賓面于卿之禮

右賓問嘗使者

記幣之所及皆勞不釋服

以與賓接於君

所賓又請有事于己不可以不速也所不及者下大夫未嘗使者也不勞者以先是賓請有事於己同類既聞彼為禮所及則已往有嫌也所以知及不及者賓請有事固曰某子某子

大夫若不見

有故也

君使大夫各以其爵為之受如主人

受幣禮不拜

各以其爵主人卿也則使卿大夫也則使大夫不拜代受之耳不當主人禮也

右主國大夫有故

記既將公事賓請歸

謂已問大夫事畢請



歸不敢自專謀也主國留之  
饗食燕獻無日數盡殷勤也

賓既將公事復見訝

以其摯

既已也公事聘享問大夫復報也使者及上  
介執鴈羣介執雉各以見其訝疏曰訝者

鄉以贊私見已今還私以贊報見之知執鴈者上文  
主國卿大夫勞賓同執鴈則此使者及上介同執鴈  
可知各以見其訝者謂使者見大夫之訝  
者上介見士之訝者士介亦見士訝者

夕夫人使下大夫韋弁歸禮

今文歸作饋下及記同  
夕問卿之夕也使下大夫

下君也君使之云夫人者以致辭當稱寡小君疏曰  
案春秋公羊傳何休注云禮婦人無外事故知此使下

大夫歸禮者是  
君使之可知

堂上籩豆六設于戶東西上二以並東

陳

籩豆六者下君禮也臣設于戶東又辟饌位也其設  
脯其南醢屈六籩六豆疏曰辟君饌位自室戶東

為首二以並東陳先於北設脯即於脯南設壺設於東

醢又於醢東設脯以次屈而陳之皆如上也

序北上二以並南陳醢黍清皆兩壺

醢所九反醢白酒也凡酒稻為上

黍次之梁次之皆有清白以黍間清白者互相備明大三酒六壺也先言醢白酒尊先設之間間廁之間大

夫以束帛致之

致夫人命也此禮無牢下朝君也

賓如受饗之禮賓之

乘馬束錦上介四豆四簋四壺受之如賓禮

四壺無稻酒也不致

牢下於君也疏曰無稻酒者從上去之也

賓之兩馬束錦明日賓拜禮於

朝

於是乃言賓拜明介從拜也今文禮為醴從才用反疏曰於上介受禮後始言賓拜明介從拜可知

也

右夫人歸禮於賓 記聘日致饗明日問大夫夕夫

人歸禮

與君異日下之也今文歸作饋

大夫餼賓大牢米八筐

其陳於門外黍粱各二筐稷四筐二以並南陳無稻牲陳於後

東上不饌於堂庭辟君也 疏曰云牲陳於後東上者此與君餼士介略同餼士介時不言門東西鄭注云當門則知此門外亦當門君餼賓米在庭牲在門西雖不正當米南亦得牲在其南故知此牲陳亦在米南可知

知東上者君餼賓時陳於門西東上也

賓迎再拜老牽牛以致之賓再拜

稽首受老退賓再拜送

老室老夫之貴臣 疏曰案喪服傳曰室老士貴臣其餘皆

衆臣也鄭注云室老家相也士邑宰也

上介亦如之衆介皆少牢米六筐

皆士牽羊以致之

米六筐者又無梁也士亦大夫之貴臣疏曰士邑宰見上

右大夫餼賓介

記凡餼大夫黍梁稷筐五斛

謂大夫餼

賓上介也器寡而大略疏曰君歸饗餼于賓與大夫介筭米小而多者是尊者所致以多器為榮今大夫致禮於賓介器寡而大是略之於卑者也

公於賓壹食再饗

食音嗣注及下同饗謂亨大牢以飲賓也公食大夫禮曰設洗如饗則

饗與食互相先後也古文壹皆為一今文饗皆為卿亨普庚反飲於鹄反疏曰公侯伯子男大聘使卿主若一食再饗小聘使大夫則主君一食一饗若然崇掌客子男一食一饗子男之卿再饗多於君者以其君臣各自相望不得以君決臣也饗禮與食禮同食禮既亨大牢明饗禮亨大牢可知但以食禮無酒饗禮有酒故

以飲賓言之此經先言食後言饗則食在饗前公食言  
設洗如饗禮則饗在食前此其先後出於主君之意故

不定  
**燕與羞俶獻無常數**  
俶昌叔反始也羞謂禽羞  
鴈鴛之屬成熟煎和也俶始

也始獻四時新物聘義所謂時賜無常  
數由恩意也古文俶作淑驚音木  
**賓介皆明日拜**

**于朝上介壹食壹饗**  
饗食賓介為介從饗獻  
矣復特饗之客之也  
**若不親食**

**使大夫各以其爵朝服致之以侑幣如致饗無償**  
俾音

君不親食謂有疾及他故也必致之不廢其禮也致之  
必使同班敵者易以相親敬也致禮於卿使卿致禮於

大夫使大夫非必命數也無償以已本宜往古文侑皆  
作宥疏曰饗饌之等不宜召賓故君使人致禮賓則

償使者此饗食之禮主君無故合速賓之來就主君入  
廟賓無償禮今主君有故生致於賓亦無償故云本宜

往致饗以酬幣亦如之

酬幣饗禮酬賓勸酒之幣也所用未聞也禮幣求帛乘馬亦不

是過也禮器曰琥璜爵蓋天子酬諸侯琥音虎

右食饗燕羞獻

記凡諸侯之禮上公乘禽日九十

雙殷膳大牢以及歸三饗三燕若弗酌則以幣致之

侯伯之禮乘禽日七十雙殷膳大牢三饗再燕子男

之禮乘禽日五十雙壹饗壹燕介行人宰史唯上介

有禽獻凡諸侯之卿大夫士為國客則如其介之禮

以待之

乘繩證反注同乘禽乘行羣處之禽謂雉鴈之屬於禮以雙為數殷中也中又致膳示

念賓也若弗酌謂君有故不親饗食燕也不饗則以酬幣致之不食則以侑幣致之  
疏曰中又致膳者

蓋於牢禮之外見賓中饗食如將幣之儀謂君不

間未去故又示無倦也

親而使大夫以幣致之疏曰知饗食是君不親者以其與還圭共文同是致之也致饗及還玉賓主皆

是大矢其將幣主君與使臣行禮大樂雖其介為

同而迎拜升降亦不盡如之也司儀

介饗賓有介者賓尊行敵禮也疏曰饗賓於廟之時還以其上介為介上經上介一食一饗則是從

實為介之外凡致禮皆用其饗之加籩豆凡致禮復別饗也

親饗賓及上介以酬幣致其禮也其其實與上介也加籩豆謂其實也亦實於饗筵饗禮今亡疏曰案

上經賓介皆有食饗唯士介不言故知其中唯有賓與上介各以其爵朝服此句宜在

凡致禮下  
今依注移入

大夫來使無罪饗之

樂與嘉賓為禮

過則餼

之饌之腥致其牢禮也其致之辭不云君之有故耳聘義曰使者聘而誤主君不親饗食所以愧厲之

也不言罪者罪將執之疏曰春秋之義聘賓有罪皆執之

有大客後至則先

客不饗食致之

卑不與尊者齊禮

燕則上介為賓賓為苟

敬

饗食君親為主尊賓也燕私樂之禮崇恩殺敬也賓不欲主君復舉禮事禮已于是辭為賓君聽之

從諸公之席命為苟敬苟敬者主人所以小敬也更降迎其介以為賓介大夫也雖為賓猶卑於君君則

不與亢禮也主人所以致敬者自敵以上疏曰饗食在廟為賓故君親為主至後燕禮在寢又以辭為

度崇於恩殺於敬故賓辭而使介為賓也阼階西近主為位諸公坐位故云小敬對戶牖南面為大敬介



在廟門內西北面降至庭迎之云不與亢禮也者略  
取燕義文解君不親為獻主而使宰夫之意也云  
人所以致敬者自獻以上者謂四君相  
見兩大夫兩士以上則主人親獻也 宰夫獻為主

獻公

既致饗旬而稍宰夫始歸乘禽日如其饗餼之

數

稍所教反 稍稟食也乘謂乘行之禽也謂鴈鶩  
之屬其歸之以雙為數其賓與上介也古文既為

餼

士中日則二雙

中猶間也不一日  
一雙大寡不敬也

凡獻執一雙委

其餘于面

執一雙以將命也面前也其受之止上介  
受以入告之士舉其餘從之賓不辭拜受

于庭上介執之以相拜于門中乃入授人上介受亦  
如之士介拜受于門外 疏曰自上介受至授人約

私獻文云上介受亦如之者以其受饗餼之時上介  
受已如賓禮故知受乘禽亦如賓也云士介拜受於

門外者以其受饋在門外此受乘禽在門外可知

禽羞俶獻比

比放也其致之禮如乘禽

也禽羞謂成孰有齊和者俶獻四時珍美新物也俶始也言其始可獻也聘義謂之時賜

大夫於賓壹饗壹食上介若食若饗若不親饗則公作

大夫致之以酬幣致食以侑幣

作使也大夫有故君必使其同爵者為之致之

列國之賓來榮辱之事君臣同之曰此直言饗食不言燕其實亦有也疏

右大夫饗食賓介

君使卿皮弁還玉于館

玉圭也君子於玉比德焉以之聘重禮也還之者德不可取於

人相切厲之義也皮弁者始以此服受之不敢不終也

賓皮弁襲迎于外門外不

拜帥大夫以入

迎之不拜示將去不純為主也帥道也今文曰迎于門外古文帥為率疏曰

上歸饗餼時賓拜迎

大夫升自西階鉤楹

鉤楹由楹內將南面致命致不東面以賓在

下也必言鉤楹者賓在下嫌楹外也時大夫東面致命行聘時賓亦東面致命初行聘時在

疏曰上歸饗餼

堂上楹內故今嫌在楹外也

賓自碑內聽命升自西階自左南面

受圭退負右房而立

聽命於下敬也自在南面右大夫且並受也必並受者若鄉君前耳

退為大夫降遠適今文或曰由自西階無南面亮反疏曰賓受禮時公用束帛賓西階上聽命歸饗

饗時賓阼階上聽命此時於下聽命故云敬也本國君前受圭璋時北面並受今還南面並受面位不同並受

不異退為大夫降遠適者以大夫降為之遠適而退因即負右房南面而立大夫士直有東房西室天子諸侯

左右房今或不在大夫廟而舍於正客館故有右房也  
今按或舍於大夫廟中則當退於堂之西北負室牖

而大夫降中庭賓降自碑內東面授上介于阼階東

降出言中庭者為賓降節也授於阼階東者  
欲親見賈人藏之也賓還阼階下西面立上介出請

賓迎大夫還璋如初入將去出入猶東唯升堂由西階

凡介之位  
未有改也賓楊迎大夫賄用束紡賄呼罪反紡敷罔反

紡紡紈為之今之縛也所以遺聘君可以為衣服相厚  
之至縛息絹反一作綯劉晉須說文云縛鮮支也居

旅反聲類以為今正絹字疏曰此未知何用之財若  
是報享之物不應在禮玉之上今言束紡者以其上圭

璋是彼國之物下云禮玉束帛報聘君之享物彼君厚  
禮於此此亦當厚禮於彼故特加此束紡是以鄭云相

厚之至也鄭注周禮云布帛曰賄是賄為財物與人則謂之賄又注周禮內司服云素紗者今之白縹也則此束紡者素紗也禮玉束帛乘皮也亦言玉璧可知也今故據漢法況之禮玉束帛乘皮也亦言玉璧可知也今文禮皆作醴疏曰上文聘賓行享之時束帛加璧束帛加琮今報享物亦有璧琮致之故云亦言玉璧可知此玉則琮也以其經言玉故以玉言之若然經言束帛兼有束錦矣皆如還玉禮大夫出賓送不拜

### 右還玉報享

### 記賄在聘于賄

賄財也于讀曰為言主國禮賓當視賓之

聘禮而為之財也賓客者主人所欲豐也若苟豐之是又傷財也周禮曰凡諸侯之交各稱其邦而為之幣以其幣為之禮古文稱人證反

### 無行則重賄反幣

無行謂獨來復

無所之也必重其賄與反幣者使者歸以得禮多為榮所以盈聘君之意也反幣謂禮玉束帛采皮所以報聘君之享禮也昔秦康公使西乞術聘于魯辭孫而說襄仲曰不有君子其能國乎厚賄之此謂重賄反幣者也今文曰賄反幣疏曰獨來復無所之謂持來非歷聘也歷聘則吳公子札聘於上國聘齊聘魯是

客將歸使大夫以其束帛反命于館為書明報也

日君館之既報館之書問尚疾也疏曰昨日為書報之今日君始就館送客故云書問尚疾

也  
還圭如將幣之儀還以本圭故云如也  
疏見饗食下司儀

公館賓為賓將去親存送之厚殷勤且謝聘君之意也  
公朝服疏曰初在廟行聘享尊重故皮弁拜

謝稍輕  
賓辟不敢受主國君見已於此館也此亦不見言辟者君在廟門敬也  
故朝服凡君有事於諸侯

臣之家車造廟門乃下造七到反疏曰上文賓即館卿大夫勞賓賓不見以其不見故遣上介聽命故知此賓亦不見凡言辟者將見而不見則謂之辟此本不見而言辟者以其君在廟門外雖不見而言辟故鄭云敬也案公食記云賓之乘車在大門外又曲禮云客車不入大門以此言之君車入大門矣大夫士有兩門入門東行則是廟門矣既上介聽命聽命於廟門中西面至廟門須與賓行禮

贊君辭則曰敢不承命告于寡君之老疏曰案前受士介幣之時賓固辭公答再拜擯者出立于門中以相拜注云立門中闕外西面此中賓不見使介聽命明如相拜然取其視外便也必知在門中西面者以其君來如賓禮東西介西面向公可知玉藻云擯者曰寡君之老注云擯者之辭主於見他國君今上介當擯者之處故知告于賓稱聘享夫人之聘享問大夫送賓公皆再告于寡君之老

拜

拜此四事公東面拜擯者北面

公退賓從請命于朝

賓從者實為拜主君之館已也

言請命者以已不見不敢斥尊者之意

為于偽反公辭賓退

辭其拜也退還館裝駕為且將發也

周禮曰賓從拜辱于朝明日客拜禮賜逆行疏曰彼注云禮賜者謂乘禽此見下文

右主君就賓館

記君館客客辟介受命遂送客從

拜辱于朝

君館客者客將去就省之盡殷勤也遂送君拜以送客

明日客拜禮

賜遂行如入之積

積子賜反禮賜謂乘禽君之加惠也如入之積則三積從來至去

儀司

又拜送

拜送賓也其辭蓋云子將有行寡君敢拜送宜祿上君館之下今依注

入移



賓三拜乘禽於朝訝聽之

發去乃拜乘禽明已受賜大小無不識

遂行舍

于郊

始發且宿近郊自展軫軫力丁反

右賓拜賜遂行

記賓於館堂楹間釋四皮束帛賓

不致主人不拜

賓將遂去是館留禮以禮主人所以謝之也不致不拜不以將別崇新敬

也疏曰若鄉飲酒送賓賓不答禮有終相類也

公使卿贈如覲幣

贈送也所以好送之也言如覲幣見為反報也今文公為君好呼報反

見賢遍反受于舍門外如受勞禮無償

勞力到反不入無償明去而宜有已也

如受勞禮以贈勞同節曰歸費饌則入設而有償矣

疏使下大夫贈上介亦如之

使士贈衆介如其覲幣大夫親贈如其面幣無償贈上介亦如之使人贈衆介如其面幣士送至于竟

右贈送 記凡賓客送逆同禮

謂郊勞郊送之屬  
疏曰郊勞是逆郊送

是送尊卑不同二者一也司議

使者歸及郊請反命

郊近郊也告郊人使請反命於君也必請之者以已久在外嫌有罪

惡不可以入春秋時鄭伯惡其大夫高克使之將兵逐而不納此蓋請而不得入惡焉路反朝服載

旌

行時稅舍于此郊今還至此正其故行服以俟君命敬也古文旌作膳

襁乃入

襁如羊反襁

祭名也為行道累歷不祥襁之以除灾凶乃入陳幣于朝西上上賓之公幣

私幣皆陳上介公幣陳他介皆否

皆否者公幣私幣皆不陳此幣使者及介

所得於彼國君卿大夫之贈賜也其或陳或不陳詳尊而畧卑也其陳之及卿大夫處者待之如夕幣其禮於君者不陳上賓使者公幣君之賜也私幣卿大夫之幣也他介士介也言他容衆從者從才用反疏曰賓之公幣有八郊勞幣一也禮賓幣二也致饗餼三也夫人歸禮幣四也侑食幣五也再饗幣六也夕幣七也贈明幣八也此八者皆主君禮賜使者皆用束錦故云公幣賓之私幣略有十九主國三卿五大夫皆一食有侑幣饗有酬幣皆用束錦則是十六有三卿郊贈十九也其上介公幣則有五致饗餼一也夫人致禮幣二也侑食幣三也饗酬幣四也郊贈幣五也降於賓者以其上介無郊贈幣又無禮賓幣又闕一饗幣故賓八上介五也上介私幣有十一王國三卿五大夫或饗或食不侑要有其一則其幣八也又三卿皆有郊贈如其面幣通

前則十一也主國下大夫嘗使己國者聘亦有幣反之則亦有報幣之事其數不定士介四人且有郊贈報私幣主國卿大夫報士介私面士介私幣數不甚明禮於君者謂賄用束紡禮用束帛乘皮之類也知不陳者以實介所陳之幣皆是主國之君禮於己者故各陳之若是於禮聘君之物則當統於實不得衆介皆有也蓋禮於君者是其正故不陳禮於己者以其榮故陳之也又聘君以幣問卿而無報幣以尊卑不敢不報也今按經文主國禮賜無有夕幣疏於上介公幣云無郊贈及無禮實幣又闕一饗幣故實八上介五則前公幣中夕字當是饗字之誤而其次亦當在再饗之前

束帛各加其庭實皮左

不加於其

皮上榮其多也

公南鄉

亦宰告于君君乃朝服出門左南鄉疏曰此陳幣當如初夕幣之時管人布

幕于寢門外使者北面東上卿大夫在幕東西面北上宰告于君君朝服出門左南鄉卿

進使者使者執圭垂纁北面上介執璋屈纁立于其左

此主於反命士介亦隨入並立東上疏曰案上行聘禮之時上介屈纁授賓賓襲受之今此賓執圭垂纁賓則褻變於彼國致命時也上介執璋屈纁者變於賓故也必變之者反命致敬少於鄰國致命時故賓於君前得楊見美反命曰以君命聘于某君某君受幣于某宮為敬也

某君再拜以享某君某君再拜

君亦揖使者進之乃進反命也某君某國名也

某宮若言桓宮僖宮也某君再拜受也必言此者明彼君敬若己不辱命疏曰聘享在太祖廟不在親廟此

大略舉廟而言耳

宰自公左受玉

亦於使者之東同面並受也不右使者由便也疏曰凡

並授者授由其右受由其左受上介璋致命亦如之變

反

言致者若云非君命也致命曰以君命聘於某君夫人某君再拜以享于某君夫人某君再拜不言受幣于某

官可知

執賄幣以告曰某君使某子賄授宰

某子若言高子國子

凡使者所當以告君者上禮玉亦如之

也亦執束帛加璧也告曰某君使

某子禮宰受之士隨自後左士介受乘皮如初上介出取玉束帛士介後取皮也疏曰士隨自後謂自士介

後其在東上者不須云自後其餘三人皆後乃得左之必左士介者取向東藏之便故也享時賓奉束帛加璧

是上介取以授賓明士介從取皮可知

執禮幣以盡言賜禮

盡津忍反禮幣主國君

初禮賓之幣也以盡言賜禮謂自此至於贈疏曰謂從郊勞已後至於贈賄八度禮賓皆有幣是自郊勞為

也初公曰然而不善乎

善其能使於四方而猶女也女音汝

授上介幣再

拜稽首公答再拜

授上介幣當拜公言也不授宰者當復陳之復扶又反疏曰此幣皆

先陳之今賓執以告君賓釋辭君曰勤勞使於四方故授上介幣當拜答君言此幣入於已者故不授宰私

幣不告

亦略卑也

君勞之再拜稽首君答再拜

勞之以道路勤苦

若

有獻則曰某君之賜也

言此物某君之所賜予為惠者也其所獻雖珍異不言某為彼

君服御物謙也其大夫出反必獻忠孝也

君其以賜乎

不必其當君也獻不拜者為君之答已也

上介徒以公賜告如上賓之禮

徒謂空手不執其幣

君勞之再拜

稽首君答拜勞士介亦如之

士介四人旅答壹拜又賤也疏曰君勞上介上介

再拜稽首君答拜不言再拜則君答上介一拜矣勞士亦如之不言皆則摠答一拜矣答賓再拜答士介一拜

介已賤矣士介四人共答一拜故云又賤也此一拜則周禮大祝九拜七曰奇拜彼注云一拜答臣者是也曲

禮云君於士不答拜此以其新行反命而勞苦之故異於常也君使宰賜使者幣使者

再拜稽首

以所陳幣賜之也禮臣子人賜之而必獻之君父不敢自私服也君父因以予之則拜受

之如更受賜也既拜宰以上幣授之

賜介介皆再拜稽首

士介之幣皆載以違朝不陳之

耳與上介同受賜命俱拜既拜宰亦以上幣授上介

乃退

君揖入皆出去疏曰初賓將行君前受命訖

若揖入揖賓介出故知此若退者亦反命訖賓介出

介皆送至使者之門

將行俟于

門反又送于門與尊長出入之禮也長丁丈反

乃退揖

揖別也

使者拜其辱

謝

之也再拜上介三拜士介



# 右歸反命

釋幣于門

門大門也主于闕布席于闕西闕外東面設洗于門外東方其餘如初于禩時出于行入

于門不兩告告所先見也疏曰案特牲筮時云席於門中闕西闕外故知此亦席于闕西闕外知東面者神

居東面為正故也云設洗于門外東方者以其廟學設洗皆云洗當東榮故在門外亦在東方也

乃至

于禩筮几于室薦脯醢

告反也薦進也疏曰亦司宮設席于奧東面右几觴酒

陳

主人酌進奠一獻也言陳者將復有次也先薦後酌祭禮也行釋幣反釋奠略出謹入也疏曰主人一

獻當言奠今不言奠而言陳者以其下仍有室老及士獻以備三獻故言陳陳有次第之言以其三時次第皆列于坐者也祭禮見特牲少牢皆先薦饌乃後獻奠于銅南出時以禩祈入時以祠報故不同也

席于

昨為酢主人也酢主人者祝取爵酌不酢於室異於祭

皆薦脯醢禮成酢也三獻室老亞獻士三獻也每獻奠執取

尸三獻皆獻尸訖尸酢主人一人舉爵三獻禮成更起

主婦賓長今此無尸皆自酢一人舉爵酒也主人奠之

未舉獻從者從才用反注同皆升飲酒於西階上不使

人獻之辟國君也辟音避疏曰案特牲禮獻衆賓

及兄弟之等皆升飲於西階上故此獻從者亦於階上

可知云不使人獻之避國君者若正祭雖國君亦有獻

故祭統云尸飲五君洗玉爵獻卿尸飲七君洗瑤爵獻

大夫之等告祭非常故獻從者從行酬乃出主人舉奠

燕法如使宰夫為獻主而不親獻行酬乃出主人舉奠

也辯室老亦與焉上介至亦如之

右禮門及禩

聘遭喪入竟則遂也

遭喪主國君薨也入竟則遂國君以國為體士既請事已入竟矣闕

人未告

不郊勞

子未君也

不筵几

致命不於廟就尸柩於殯宮又不神之

疏曰鬼神

所在曰廟則殯宮亦得為廟則設几筵亦可矣但始死不忍異於生不神之故於殯傍無几筵也魯子問云君

幾世子生告殯殯東有

不禮賓

喪降事也

主人畢歸禮

賓所飲食

不可廢也禮謂饗餼餐食音嗣

賓唯饗餼之受

受正不受加也

疏曰饗食之等是其加

也不賄不禮玉不贈

喪殺備殺色界反

遭夫人世子之喪

夫人世子死君

君不受使大夫受于廟其他如遭君喪

夫人世子死君為喪主使大

夫受聘禮不以凶接吉也其他謂禮所降  
疏曰服間云君所主夫人妻太子適婦  
遭喪將命于

# 大夫主人長衣練冠以受

遭喪謂主國君薨夫人世子死也此三者皆大夫攝主人

長衣素純布衣也去衰易冠不以純凶接純吉也吉時在裏為中衣中衣長衣繼皆掩尺表之曰深衣純袂寸

半耳君喪不言使大夫受子未君無使臣義也純謂允反又之閏反去起呂反喪七同反疏曰此長衣則

與深衣同布但袖長素純為異去衰易冠者謂脫去新衰之服而著長衣脫去六升九升之冠而著練冠故云

去衰易冠也禮為君三升衰裳六升冠為夫人世子六升衰裳九升冠三衣皆十五升練冠亦九升

## 右遭主國喪

## 記遭主國之喪不受饗食受牲禮

亦

當為腥聲之誤也有喪不忍煎亨正禮殯襲殯當孰者腥致之也煎子然反亨普庚反掌客

聘君若薨于後入竟則遂

既接於主國君也 疏曰闕人告君若使士請事是接於

主君

赴者未至則哭于巷寢于館

未至謂赴告主國君者也哭于巷者哭于

巷門未可為位也哀于館未可以凶服出見人其聘享之事自若吉也今文赴作訃

受禮

受饗也

受饗食

亦不

赴者至則哀而出

禮為鄰國闕於

是日春

秋左氏傳云杞孝公卒晉悼夫人喪之平公不徹樂非禮也禮為鄰國闕服注云鄰國尚為之闕樂况舅甥之

親乎若然赴者至主國君使者哀而出則主國可以闕樂矣凶服將事謂主人所歸禮則實可以凶服受之其

正行聘享則著吉服矣故

唯稍受之

稍稟食也 疏曰禮若行師從卿行

旅從從者既多不可闕於稍食案周禮每云稍事皆謂米稟以其稍稍給之故謂米稟為稍

歸執圭

復命于殯升自西階不升堂

復命于殯者臣子之於君父存亡同案禮記奔父

母之喪升自西階此復命於殯亦升自西階法生時出必告反必面故云臣子於君父存亡同也子即

位不哭

將有告請之事宜清淨也不言世子者君薨也諸臣待之亦皆如朝夕哭位疏曰案公羊傳

君存稱世子君薨稱子果既葬稱子喻年稱君奔喪云奔父之喪在家者待之皆如朝夕哭位辯復命

如聘

自陳幣至于上介以公賜告無勞

子臣皆哭

使者既復命子與介

入北鄉哭

北鄉哭新至別於朝夕別彼列反疏曰使者升階復命訖不見出文而言與介入者

以其復命之時介在幣南北面去殯遠復命訖除去幣賓更與介前入近殯北鄉哭鄉內為入新至別於朝夕

者朝夕哭位在阼階下西而今於殯前北鄉

出袒括髮

悲哀變於外臣也括古括反疏曰案

奔喪云至於家入門左升自西階東面哭拊髮變於外者臣東是於內者子故也此使者出門袒拊髮變於外者臣也故入門右即位踊從臣位自哭至踊如奔喪禮疏曰案奔喪云袒拊髮於西階東即位踊亦當襲經於序東此門外袒拊髮入門右即位踊也

### 右聘君薨

若有私喪則哭于館哀而居不饗食

私喪謂其父母哭于館哀而居不敢

以私喪自聞于主國凶服干君之吉使春秋傳曰大夫以君命出聞喪徐行而不反疏曰哀而居謂服喪居館行聘享則皮弁吉服大夫以下春秋公羊傳文何氏注聞大喪而不反重君命也徐行者為君當使人追代之以此言之使雖未出國境聞父母之喪遂行不敢以私廢王事君使人代之可也以此言之明至彼所使之

國雖聞父母之喪不及可知

歸使衆介先衰而從之

已有齊衰之服不忍顯然趨於

往來其在道路使介居前歸又請反命已猶徐行隨之君納之乃朝服既反命出公門釋服哭而歸其佗如奔喪之禮吉時道路添衣疏曰朝服反命出門去朝服還服吉時添衣三日成服乃去之

右私喪

記賓客有喪唯芻稍之受

不受饗食饗食加也喪謂父母

死也客則又有君焉芻給牛馬稍人廩也其正禮饗饗饋主人致之則受疏曰喪謂父母死也者據正賓而言若諸侯正應母死而有父者或始封之君舊為卿大夫客有父或父有廢疾不立已受位於祖亦云有父也云客則又有君焉者謂介已下非直有父母又有君喪以其俱三年掌客今按此周禮文以君為賓臣為客也



賓入竟而死遂也主人為之具而殯

為于偽反又如字下為之棺同具

謂始死至殯所當用 疏曰注文如此明不殯於館但取其至殯為節耳以其大飲訖即殯故連言殯下文歸

介復命之時柩止門外明飲於館而已 今介攝其命按下記周禮注疏云權殯於棺此疏非是

為致聘享之禮也初時上 君弔介為主 人姻猶不為主 介接闈命 為于偽反

人以介與賓並命於君尊也 疏曰古者賓聘家臣適子皆從行是以延陵季子聘於齊其子死葬於贏博之

間 主人歸禮幣必以用 當中奠贈諸喪具之用不必如賓禮 疏曰主人所歸禮與幣

必以中喪者之用之物不必如常時賓禮蓋饗飧帛之類或不堪喪者之用也喪具謂輿與小斂大斂所用

也 介受賓禮無辭也 介受主國賓己之禮無所辭也以 其當陳之以反命也有賓喪嫌其

辭之不饗食歸介復命柩止于門外

門外大門外也必以柩造朝達其忠心

疏曰國君有三門皋應路又有三朝內朝在路寢庭正朝在路門外應門外無朝外朝當在皋門外經直云止

於門外無入門之言明知止於大門外外朝之上

介卒復命出奉柩送之君弔

卒殯

卒殯成節乃去疏曰卒復命謂復命訖送之謂從大門外送至賓之家殯喪之大節卒殯而後君

與介乃去也

若大夫介卒亦如之

不言上介者小聘上介士疏曰宗此據大聘上

介是大夫而言今鄭以經不言上介則大夫介卒中兼有聘使大夫其卒亦如之故鄭云不言上介小聘上介

士也欲兼見小聘之法也若小聘上介末介皆士則入下文士介死中以其下文更不見小聘賓介死法故此

兼言士介死為之棺斂之

斂力斂反不具他君不弔衣服也自以時服也

焉

主國君使人  
弔不親往

若賓死未將命則既斂于棺造于朝介

將命

未將命謂侯間之後也以柩造朝以已  
至朝志在達君命間音開又如字

若介死歸

復命唯上介造于朝若介死雖士介賓既復命往卒殯

乃歸

往謂  
送柩

右賓介卒

記凡賓客死致禮以喪用

死則主人為  
之具而殯矣

喪用者饋奠之物  
戒以俾從死時除棺

疏曰若諸侯出行則以三年之  
外主人皆備之若從者死棺

物皆共之殯者在館權殯還日以柩行饋奠之物者  
小斂時豚一爵大斂時特豚三爵之類是也掌客

為君使而死公館復私館不復公館者公宮與公

所為也私館者自卿大夫以下之家也

復謂始死以衣升屋招魂

復魄也

公宮若今縣官宮也公所為君所命使舍己者

雜記曾子問

大夫士死於道

則升其乘車之左轂以其綏復如於館死則其復如

於家

綏亦綏也大夫復於家以玄冕士以爵弁服

雜記

小聘曰問不享有獻不及夫人主人不筵几不禮面不

升不郊勞

享本又作饗獻也面猶覲也

記疑於聘所以為小也獻私疏曰不享者謂不以束帛

加璧獻國所有云不禮者聘訖不以齊酒其禮如為介禮實而不升者謂私覲庭中受之不升堂

三介

如為介如為大聘上介

右小聘

邦國禮三之下

聘義

疏曰聘禮謂大聘使卿是侯伯之卿此義蓋兼子男而論之

記

聘禮上公七介侯伯五介子男三介所以明貴賤也

此皆

使卿出聘之介數也大行人職曰凡諸侯之卿其禮各下其居二等疏曰上公親行則九介其卿降二等故

七介侯伯子男以次差之介紹而傳命君子於其所尊弗敢質敬之

至也

質謂正有相當

三讓而后傳命三讓而后入廟門三揖而

后至階三讓而后升所以致尊讓也

此揖讓主謂賓也三讓而后傳命賓

至廟門主人請事時也賓見主人陳摺以三客禮當已則三讓之不得命乃傳其君之聘命也三讓而後入廟

門讓主人廟受也小行人職曰凡四方之使者大客則摺小客則受其幣聽其辭疏曰知此揖讓主謂賓者

以三讓而后傳命及三讓而后入廟門皆賓先讓也三揖至階三讓而后升雖主人為首皆賓讓而後至於主

人若賓不讓則不至於三是揖讓之事皆賓為主故云此揖讓主謂賓也云三讓而後傳命賓至廟門主人請

事時也者鄭解三讓而後傳命之節正當賓至主人大門主人請事之時案聘禮賓至大門主人陳介而請事

此云廟門者有廟字者誤也云三讓而後入廟門者案聘禮入廟門之時無三讓之文不備也君使士

迎于竟大夫郊勞君親拜迎于大門之內而廟受北面

拜貺拜君命之辱所以致敬也

貺賜也賓致命公當摺再拜拜聘君之恩惠辱

命來聘者也

敬讓也者君子之所以相接也故諸侯相接以

敬讓則不相侵陵

君子之相接賓讓而主人敬也

卿為上擯大夫為承

擯士為紹擯君親禮賓賓私面私覲致饗餼還圭璋賄

贈饗食燕所以明賓客君臣之義也

設大禮則賓客之或不親而使臣

則為君臣也

故天子制諸侯比年小聘三年大聘相厲以禮

使者聘而誤主君弗親饗食也所以愧厲之也諸侯相

厲以禮則外不相侵內不相陵此天子之所以養諸侯

兵不用而諸侯自為正之具也

比年小聘所謂歲相問也三年大聘所謂殷相

聘也疏曰行聘之時禮有錯誤則君不親接賓使之愧耻自勉勸厲

以圭璋聘重禮也

已聘而還圭璋此輕財而重禮之義也諸侯相厲以輕

財重禮則民作讓矣

圭瑞也尊圭璋之類也用之還之皆為重禮禮必親之不可以已之

有遙復之也財謂璧琮享幣也受之為輕財者財可遙復重賄反幣是也疏曰以器言之謂之圭執以行禮

謂之瑞瑞信也謂與人為尊卑之信驗也瑞圭之類故亦尊之也行禮之義必親自為之若已親往彼國則可

以已國之有執往行禮今主國之君既不親往彼國則不以已國所有寶玉遙復償他國所來圭璋故還歸之



也此聘禮以圭璋為聘璧琮為享若二王後  
享天子用圭璋則亦為財而受之不歸也  
主國待客

出入三積餼客於舍五牢之具陳於內米三十車禾三

十車芻薪倍禾皆陳於外乘禽日五雙羣介皆有餼牢

壹食再饗燕與時賜無數所以厚重禮也  
聘禮也 厚禮也 厚此

曰三積謂上公之臣聘禮是侯伯之臣則不致積古之用財者不能均如此然

而用財如此其厚者言盡之於禮也盡之於禮則內君

臣不相陵而外不相侵故天子制之而諸侯務焉爾  
不能

均如此言無則從其實也言盡之於禮欲令富者不得過也疏曰天子制此聘禮諸侯務而行焉聘射

之禮至大禮也質明而始行事日幾中而后禮成非強

有力者弗能行也故強有力者將以行禮也

幾音幾又音基禮

成禮畢也或曰行成行下孟反

酒清人渴而不敢飲也肉乾人飢而

不敢食也日莫人倦齊莊正齊而不敢解惰以成禮節

以正君臣以親父子以和長幼此衆人之所難而君子

行之故謂之有行有行之謂有義有義之謂勇敢故所

貴於勇敢者貴其能以立義也所貴於立義者貴其有

行也所貴於有行者貴其行禮也故所貴於勇敢者貴

其敢行禮義也故勇敢强有力者天下無事則用之於  
禮義天下有事則用之於戰勝用之於戰勝則無敵用  
之於禮義則順治外無敵內順治此之謂盛德故聖王  
之貴勇敢强有力如此也勇敢强有力而不用之於禮  
義戰勝而用之於爭鬪則謂之亂人刑罰行於國所誅  
者亂人也如此則民順治而國安也

渴苦葛反乾音干  
莫音慕齊側皆反

解佳賣反情徒臥反長丁文反有行下孟反下有行同  
治直吏反陳直靳反勝克敵也或為陳今按疏云  
此雖終結聘射然自酒清肴乾日莫成禮父子長幼之  
語似據射鄉而言恐射鄉之義失次在此或相因而言

欽定王六年使單襄公聘于宋單襄公王卿士單朝也聘問也問者王之

所以撫萬國存省之遂假道於陳以聘于楚假道自宋適楚經陳也是時天子微弱故

以諸侯相聘之禮假道也聘禮若過國至于境使次介假道來帛將命于廟火朝覲矣道弗

不可行也火心星也覲見也草穢塞路為候不在疆候

人也掌送迎賓司空不視塗司空卿官掌道路也澤不陂陂障也古不實

澤故川不梁流曰川梁渠梁古野有庾積唐尚書云十

謂此庾露積穀也詩云曾場功未畢治場未畢也詩道

孫之庾如坻如京是也墾田若藝藝田曰墾藝猶蒔也言其稀少猶若

無列樹古者列樹以表道

執物

膳宰不致餼

膳宰膳夫也掌賓客之牢禮生日餼

司里不授館

司里里宰也掌

授客

國無寄寓

寓亦寄也無寄寓者不為廬舍可以寄羈旅之客

縣無施舍

四旬

為縣縣方六十里施舍者所以施舍賓客負任之處

民將築臺于夏氏

民陳國之民臺觀臺

也夏氏陳大夫夏徵舒之家

及陳陳靈公與孔寧儀行父南冠以如

夏氏留賓弗見

从至也陳靈公僻後恭公之子靈公平國也孔寧儀行父陳之二卿南冠楚冠

也如之也往之徵舒家注夏姬賓單襄公也

單子歸告王曰陳侯不有大咎

國必亡

單子襄公也卿大夫稱子於其私士

王曰何故對曰夫辰角見

而雨畢

辰角大辰倉龍之角角星名也見者朝見東方建戌之初寒露節也雨畢者殺氣日盛雨氣盡

欽定四庫全書

儀禮經傳通解

高

也 天根見而水涸

天根亢氏之間也涸竭也謂寒露雨畢之後五日天根朝見水潦盡竭也

月令仲秋水始涸天根見乃盡竭也

本見而草木節解

本氏也謂寒露之後十日陽氣盡草

木之枝節皆理解也

駟見而隕霜

駟天馬房星也隕落也謂建戌之中雷始降也

火見而

清風戒寒

謂霜降之後清風先至所以戒人為寒備也

故先王之教曰雨畢

而除道水涸而成梁

教謂月令之屬也九月雨畢十月水涸

草木節解而

備藏

備收藏也月令季秋農事畢收

隕霜而冬裘具

孟冬則天子始裘故九月可以具之

清風至而脩城郭宮室

謂火見之後建亥之初也

故夏令曰九月除

道十月成梁

夏令夏后氏之令周所因也除道所以便行旅成梁所以便民使不涉也

其時

倣曰收而場功倚而畚揭

時倣時所以倣告其民也收而場功使人脩固倉也倚具

也畚器名土籠也揭昇土之器具汝畚揭將以築作也

營室之中土功其始

定謂之營

室謂建亥小雪之中定星居正於午土功可以始也詩云定之方中作于楚宮火之初見期於

司里

期會也致其築作之具會於司里之宮

此先王之所以不用財賄而

廣施德於天下者也

施德謂因時警戒謹蓋藏成築功也

今陳國火朝覲

矣而道路若塞野場若棄澤不陂障川無舟梁

舟梁以舟為梁

也是廢先王之教也周制有之曰列樹以表道立鄙食

以守路

制法也表識也鄙四鄙十里有廬廬有飲食

國有郊牧

國外曰郊牧牧牧之地

疆有寓望

疆境也境界之上有寄寓之含候望之人

數有圃草

澤魚水曰藪圃大也必有

茂大之草以備財用

圃有林地

圃苑也林積木也池積水也

所以禦災也

禦備也災

飢兵也

其餘無非穀土民無縣耜

言常用也入土曰耜耜柄曰耒

野無與

草

皆望辟也與深也

不奪民時不蔑民功

蔑棄也

有優無匱有逸

無罷國有班事

國城邑也班次也執事有次

縣有序民

縣鄙之民從事有序今

陳國道路不可知田在草間

不墾者多

功成而不收

野場若棄也

民罷於逸樂

罷於為國君作逸樂之事

是棄先王之法制者也周之

秩官有之

秩官周常官篇名

曰敵國賓至闕尹以告

敵位敵也闕尹司闕



掌四方賓客叩關則為之告聘禮曰及行理以節逆之境謁關人關人問從者幾人遂以入境

理吏也逆迎也執瑞節為侯人為導導賓至於朝卿出信而迎之也行理小行人

郊勞

聘禮曰賓至于近郊君門尹除門門尹司門也除使卿朝服用束帛勞

宗祝執祀

宗伯祝太祝也執祀實將有司里授館里司

授客所當館次於卿也聘禮卿致館

司徒具徒

具徒役修道路之委積司空視塗險視

易司寇詰姦

禁詰姦盜虞人入材虞人掌山澤之官祭旬人也

積薪

甸人掌薪燕之官也

火師監燎

火師司火燎庭燎也水師監濯水師掌

濯之事者膳宰致饗

熟食曰饗廩人獻餼禾米也司馬陳芻司馬掌帥

園人養馬故陳曷  
園人職屬司馬

工人展車

展省客車  
補傷敗也

百官官以物至

賓入如歸是故小大莫不懷愛

小大謂  
賓介也

其貴國之賓至

則以班加一等益虔

貴國大國  
也班次也

至於王使則皆官正莅

事

正長也  
莅臨也

上卿監之

監視也

若王巡守則若親監之

周禮  
王十

二歲一  
巡守

今雖朝也不才有分族於周

朝單子之名有分  
族王之親族也

承王命以為過賓於陳

假道為  
過賓

而司事莫至是蔑先王

之官也

蔑欺也

先王之令有之曰

文武  
之教

天道賞善而罰淫

故凡我造國無從非彝

造為也  
彝常也

無即怙淫

即就也  
怙慢也

各守

爾典以承天休

典常也  
休慶也

今陳侯不念胤續之常棄其伉

儷妃嬪

伉對也  
儷偶也

而帥其卿佐以淫於夏氏不亦瀆姓矣

乎

卿佐孔儀也徵舒之父卽陳公子夏之子靈公之從祖父媯姓也而靈公淫其妻是為褻瀆其姓

陳我大姬之後也

大姬周武王之女虞胡公之妃陳之祖妣也

棄袞冕而南

冠以出不亦簡彝乎

袞卷龍之衣冕大冠也公之戚服簡略也彝常也言其棄禮簡略常

服也是又犯先王之令也

先王之令無從非彝

昔先王之教茂帥其

德也猶恐隕越

言勉帥其德猶恐落墜

若廢其教而棄其制蔑其

官而犯其令將何以守國

無禮則危

居大國之間

大國晉楚

而無

此四者其能久乎

四者謂教制官令也

八年陳侯殺于夏氏九年

楚子入陳

事見國語

子產相鄭伯以如晉

子產鄭大夫名僑

晉侯

以魯喪故未之見也子產使盡壞其館之垣而納車馬

焉士文伯讓之

相息亮反盡子忍反壞音怪垣音袁文伯晉大夫名勾字伯瑕勾古本反

釋例作丐俗作勾非

曰敝邑以政刑之不脩寇盜充斥

充滿斥見言其多

見賢通反無若諸侯之屬辱在寡君者何是以令吏人完客

所館

令力呈反館舍也

高其閭閻

閭戶旦反閭獲耕反疏曰閭閻皆是門名言高為其門

耳厚其牆垣以無憂客使

使所吏反令客使憂寇

盜今吾子壞之

雖從者能戒其若異客何以敝邑之為盟主繕完葺牆

葺侵入反葺覆也疏曰周禮葺屋蓋以草覆此葺牆亦是以草覆也顏師古曰完當作宇宇之誤也

以待賓客若皆毀之其何以共命寡君使勾請命共音恭勾

古害反請對曰以敝邑褊小介於大國介間也誅求無

時誅責也是以不敢寧居悉索敝賦以來會時事隨時來朝會

逢執事之不問間音聞而未得見見賢遍反又不獲聞命未知

見時不敢輸幣亦不敢暴露暴步卜反其輸之則君之府實

也非薦陳之不敢輸也薦陳猶獻見也其暴露之則恐燥濕之

不時而朽蠹以重敝邑之罪

燥素早反蠹丁故反  
蟲敗也重直用反

僑聞

文公之為盟主也宮室卑庳

庳音婢

無觀臺榭

觀古亂反  
疏曰四

方而高曰臺  
有屋謂之榭

以崇大諸侯之館館如公寢庫廐繕脩司

空以時平易道路

易以鼓反  
易治也

巧人以時填館宮室

巧本又作

朽同音烏填莫歷反  
曰鎔一名朽塗工作具也因名其人填亦泥也  
疏

諸侯賓

至甸設庭燎

庭燎設火于庭

僕人巡宮

巡宮行夜

車馬有所

有所處

賓

從有代

代客役

巾車脂轄

轄戶八反  
車主車之官

隸人牧圉各瞻

其事

瞻之廉反  
視客所當得

瞻

百官之屬各展其物

展陳也謂羣官各陳其物

以待賓

公不留賓而亦無廢事

賓得速去則事不廢

憂樂同之事則

巡之

巡行也

教其不知而恤其不足賓至如歸無寧舊患

言見遇如此寧當復有舊患邪無寧寧也

不畏寇盜而亦不患燥濕今銅鞮

之宮數里

鞮丁兮反數所具反銅鞮晉離宮

而諸侯舍於隸人

舍如隸人舍

門不容車而不可踰越

門庭之內迫迮又有牆垣之限

盜賊公行而天

癘不戒

癘猶災也言水潦無時

賓見無時命不可知若又勿壞是

無所藏幣以重罪也敢請執事將何所命之

問晉命已所止之宜

雖君之有魯喪亦敝邑之憂也

言鄭與魯亦有同姓之憂

若獲薦幣

薦進也

脩垣而行

行去也

君之惠也敢憚勤勞文伯復命

反命

於晉君

趙文子曰信

信如子產言

我實不德而以隸人之垣以

羸諸侯

羸音盈皆讀為盈

羸受也盈是滿也

疏曰賈服王杜故皆訓為受

是吾罪也

使士文伯謝不敏焉晉侯見鄭伯有加禮

禮加敬

厚其宴

好而歸之乃築諸侯之館

事見魯襄公三十一年左氏春秋傳

楚子西

子期伐吳及桐汭

宣城廣德縣西南有桐水出白石山西北入丹陽湖

陳侯使公

孫貞子弔焉

弔為楚所伐

及良而卒

良吳地

將以尸入

聘禮若賓死未

將命則既斂於棺造於朝介將命疏曰左傳注曰尸者未葬之通稱

吳子使太宰嚭勞



且辭曰以水潦之不時無乃廩然隕大夫之尸以重寡

君之憂寡君敢辭

勞力報反于敏反

原力甚反廩然傾動貌

上介芋尹蓋

對曰寡君聞楚為不道荐伐吳國

芋

于付反荐在徧反蓋陳大夫貞子上

介荐重也屬下句釋文云屬上句誤也

今按上介二字

滅厥人民寡君使蓋備使

弔君之下吏

備猶副也

無祿使人逢天之威大命隕隊絕世

于良

絕世猶言秦世

廢日共積

積子賜反又如字日以共具殯斂所積聚之用

廢行道之

一日遷次

一日使遷次言不敢留君命

今君命逆使人曰無以尸造

于門是我寡君之命委于草莽也且臣聞之曰事死如

事生禮也於是乎有朝聘而終以尸將事之禮

朝聘道死以尸

行又有朝聘而遭喪之禮

遭所聘之喪

若不以尸將命是遭

喪而還也無乃不可乎以禮防民猶或踰之今大夫曰

死而棄之是棄禮也其何以為諸侯主

謂盟主也

先民有言

曰無穢虐士

虐士元者

備使奉尸將命苟我寡君之命達于

君所雖墮于深淵則天命也非君與涉人之過也吳人

內之


內如字音納左氏春秋傳

傳言茅尹蓋知禮今按疏曰衆禮實入竟而死則以

哀公十五年

尸入殯于館而介攝其命賓至己朝主人將欲行禮賓請間之後而實死則以柩造朝以尸將事今公孫貞子

卒於竟內依禮唯可以尸而入殯於賓館尹乃欲以  
柩造朝以尸將事而吳人納之杜注又以為知禮皆失  
之矣



儀禮經傳通解卷二十二

欽定四庫全書

經部

儀禮經傳通解卷二十三

詳校官尚書臣德保

給事中臣溫常綬覆勘

總校官進士臣繆琪

校對官助教臣卜維吉

謄錄監生臣劉本立

欽定四庫全書

儀禮經傳通解卷二十三

宋 朱子 撰

邦國禮四之上

公食大夫禮

食音嗣 鄭目錄曰主國君以禮食小聘大夫之禮  
疏曰鄭知是小聘大夫者案下文云宰夫自東房  
薦豆六於醬東設黍稷六簋又設庶羞十六豆此等  
皆是下大夫小聘之禮下乃別云上大夫八豆八簋  
又云上大夫庶羞二十豆是食上大夫之法故知此  
篇據小聘大夫也若然聘禮據侯伯之大聘此篇據

小聘大夫者周公設經互見為義案篇末云魚腸胃  
倫膚若九若十有一下大夫則若七若九鄭注云此  
以命數為差九謂再命者十一謂三命者七謂一命  
者九或上或下者再命謂小國之卿次國之大夫也  
卿則曰上大夫則曰下大夫之孤視子男以此言之  
魚腸胃倫膚皆七者謂子男小聘之大夫此公食序  
在聘禮之下是因聘而食之不言食賓與上介直云  
大夫者若云食賓與上介則小聘使下大夫上介乃  
是士是以直云大夫兼得大夫聘賓與上介亦兼小  
聘之賓若然聘禮據大聘因見小聘後言大聘者欲  
見大聘小聘或先  
或後不常之義

經九

注曰公食於五禮屬嘉禮大戴  
第十五小戴第十六別錄第九

公食大夫之禮

使大夫戒各以其爵

戒猶告也告之  
必使同班敵者

易以相親敬 易以歧反 疏曰此篇雖據子男大夫為正兼見五等諸侯大聘使卿之事故云各以其爵也

# 上介出請入告

問所以為來事 為于偽反下為既為從為公為賓同 疏曰大夫至賓館之

門外賓使上介出請大夫所為來之事

## 三辭

三息暫反又如字 為既先受賜不敢當 疏曰聘日已

受饗饌大禮故今辭食不敢當之受饗之時禮辭而已至於饗食皆當三辭

## 賓出拜辱

拜使者屈

辱來迎已

## 大夫不答拜將命

不答拜為人使也將猶致也

## 賓再拜稽首

受命

## 大夫還

復於君

## 賓不拜送遂從之

不拜送者為從之不終事 疏曰桑鄉飲酒主

人拜送賓不答拜云禮有終此賓不拜送為從之不終事若然鄉飲酒鄉射戒賓遂從之而云拜辱拜送者以其主人先反不相隨故得拜辱拜送覲禮使者勞賓於門外侯氏再拜逆從之使者既不先反猶拜送者尊天



子使

賓朝服即位于大門外如聘

於是朝服則初時立  
端如聘亦入于次俟

於是

疏曰云如聘者則賓主設摺介以相待如聘時也云  
端者謂賓初在館拜所戒大夫即

立端賓逆從至君大門外入次乃去立端者朝服出次  
即位不若聘禮重賓發館即皮弁也云亦入於次俟者

亦如聘時俟  
主人辭也

右戒賓賓從

記不宿戒

食禮輕也此所以不宿戒  
者謂前期三日之戒申戒

為宿謂前期一日疏曰大射前期三日宰夫戒宰  
及司馬又少牢辟人君有前期一日之宿此雖人君

禮以食禮輕與鄉飲酒鄉射禮同當日為之故皆不  
言日數下注云食賓之朝宿與戒之賓則從戒而來

不復名  
是也

戒不速

食賓之朝風與戒之賓  
則從戒者而來不復名

賓之乘車在

# 大門外西方北面立

賓車不入門廣敬也凡賓即朝中道而往將至下行而後車還

立于西方賓及位而止北面卿大夫之位當車前凡朝位賓主之間各以命數為遠近之節也疏曰云

凡賓即朝中道而往者內則云男子由右女子由左車從中央故賓乘車中道云車還立于西方者少儀

云僕於君子始乘則式君子下行然後還立注云還車而立以俟其去是還立于西方鄉外云賓及位而

止北面者玉藻云賓立不當門彼亦謂聘使也云卿大夫之位當車前者大行人云上公立當軹侯伯立

當前疾子男立當衡又云大國之孤朝位當車前者則卿大夫立亦與孤同一節兼云大夫者小聘曰問

使下大夫立與孤卿同當車前故運言也云凡朝位賓主之間各以命數為遠近之節者大行人云上公

朝位賓主之間九十步侯伯七十步子男五十步注云朝位謂大門外賓下車及王車出迎所立處又云

凡諸侯之卿其禮各下其君二等以下及大夫士皆如之是臣亦各依其君命數而降之故鄭摠以命數言之也

**即位具**

主人也擯者俟君於大門外卿大夫士序及宰夫具其饌物皆於廟門之外疏曰君迎賓入

始言卿大夫以下廟內之位則知此具饌物時皆在廟門外也故下注云自卿大夫至此不先即位從君而入

者明助君饗食賓自無事也羹定定多佞反罔謂之羹故不在大門內是其義也羹定定猶孰也著之者下以

為節疏曰與下甸人陳鼎七當門南面西上設局鼎文陳鼎之節為目甸人陳鼎七當門南面西上設局鼎

**鼎若束若編**

編必綿反屬燕亨人者南面西上以其為賓統於外

也局鼎扛所以舉之者也凡鼎竈蓋以茅為之長則束本短則編其中央今文局作鉉古文竈皆作密疏曰

聘禮致殯與饗餼皆九鼎此亦一大牢如七鼎者此食  
禮輕無鮮魚鮮腊與聘禮腥一牢鼎七同也天官有甸  
師氏兼有亨人皆屬冢宰亨人職云掌共鼎鑊甸師職  
云掌帥其徒以薪蒸役外內饗之事諸侯比天子不備  
官故使甸人兼亨人陳鼎也鼎霸諸文皆不言所用之  
物此經雖言若未若編亦不指所用之體鄭以茅是潔  
白之物故擬用

### 設洗如饗

必如饗者先饗後食如其近  
者也饗禮七燕禮則設洗於

昨階東南古小臣具槃匱在東堂下

匱以支反為公  
盥也公尊不就洗

小臣於小賓客饗食掌丘君服位  
云小祭祀賓客饗食如大僕之法此諸侯之聘客饗食

故亦小臣  
**宰夫設筵加席几**

設筵於戶西南面而左几  
公不賓至授几者親設清

醬可以略此  
疏曰云設筵於戶西南面而左几者以  
其實在戶牖之間南面又生人左几異於神右几故也

云公不賓至授几者親設酒醬可以略此者決聘禮禮賓時公親授几者以無設酒醬之事故也故下記云不授几鄭云無尊主於食飲酒漿飲侯于東房飲酒清酒異於醴也無尊不獻酬飲酒漿飲侯于東房也漿飲其俟奠於豐上也飲酒走言飲明非獻酬之酒也漿飲先言漿別於六飲也疏曰云飲酒清酒也者按周禮酒正注先鄭云清酒祭祀之酒後鄭從之則此賓客用之者優賁故也云漿飲釀漿也者釀之言載以其汁滓相載故云釀漢法有此名故也云奠於豐上也者下云飲酒賁於觶加于豐是也此云奠即彼加也云飲酒先言飲明非獻酬之酒也者以其鄉飲酒燕禮等獻酬之酒皆不言飲飲之可知此擬醕口故言飲是異於獻酬酒故也云漿飲先言漿別於六飲也者按漿人云共王六飲水漿醴涼醫醅彼先云六飲後云水漿與此先云漿不同故云先云漿別於六飲必別於六飲者彼六飲為渴而飲此漿為醕口故異之

凡宰夫

之具饌于東房

凡非一也飲食之具宰夫所掌也酒漿不在凡中者雖無尊猶嫌在堂疏曰

以其酒漿常在堂若不特言之則凡中不含之言謂酒漿仍在堂故上特言之

右陳器饌記不授几

異於醴也疏曰決無昨席禮賓時公親授几也

公不坐

亨于門外東方

必於門外者大夫之事也東方者主陽疏曰按上經甸人亨

人之等亨人是士官不得言大夫之事言大夫之事者解亨在門外之禮也燕禮注云亨於門外臣所掌也言臣亦是大夫事少牢饗饗饗皆在門外亦大夫事特牲云主婦視饌饗于西堂下者以其無廩人主之故在內若然鄉飲酒雖是大夫之事以其取祖陽氣之始故亦於門內

司宮具几與

蒲筵常緇布純加萑席萐玄帛純皆卷自末

司宮大宰之屬

掌宮廟者也。丈六尺曰常，半常曰尋，純緣也。韁，細葦也。未經所終，有以識之，必長筵者，以有左右饌也。今文韁皆為莞，疏曰：燕禮注司宮天子曰小宰，與此不同。其義則一，蓋彼是設尊故，以小宰解之；此設几席故，以太宰之屬解之。按太宰之下有宮人掌宮中除汙穢之事，即此司宮。彼不言設几席者，以天子具官別有司几筵，又有小宰諸侯兼官故。司宮兼司几筵及小宰也。云丈六尺曰常，半常曰尋者，此皆無正。又按周禮考工記云：車有六等之數，云軫崇四尺謂之一等，又云戈長六尺六寸，既建而述之，崇於軫四尺，謂之二等。人長八尺，崇於戈四尺，謂之三等。爰長尋，有四尺，崇於爰四尺，謂之四等。車戟常崇于爰四尺，謂之五等。酋矛常有四尺，崇于戟四尺，謂之六等。自軫至矛皆以四尺為差，以是約之，即知常是丈六尺，尋是八尺也。云韁細葦者，以類言之，其實全別。此韁又與莞席之莞不同。彼莞謂蒲也，云有以識之者。

席無異物為記但織之自有首尾可為記識耳云必以長筵者以有左右饌者賓在戶牖之間南面正饌

在左庶羞在右雖不在席上皆陳於席前當席左右其間容人政必長筵也

宰夫筵出自

東房

筵本在房宰夫敷之也天子諸侯左右房曰上云司宮具几筵具之在房宰夫敷之而已

天子諸侯左右房以其言東房對西房若大夫士直有東房而已故直云在房也

公如賓服迎賓于大門內

不出大門降於國君周禮司儀云將幣交擯三辭

車逆拜辱賓車進答拜又云致饗餼饗食皆如將幣之儀是國君來則出迎也

大夫納賓

謂大夫

擯也納賓以公命

賓入門左公再拜賓辟再拜稽首

左西方賓位也辟逆

通不敢當君拜也

公揖入賓從

揖入

及廟門公揖入

廟稱廟也疏曰儀



禮之內單言廟者皆據禰廟昏禮納采云至于廟記云凡行事必用昏所受諸禰廟是也若非禰廟則言廟祧若聘禮云不腆先君之祧問卿云受于祖廟之類是也但受聘在祖廟食饗在禰燕輕於食饗又在寢是其差也

賓入三揖

每曲揖及當

至于階三讓

讓先升

曲禮云客若降

也等則就主人之階主人固辭然後客復就西階此亦降等初即就西階者此君與客食禮禮之正彼謂大夫士以小小燕食之禮故與此不同也

公升二等賓升

遠下人君疏曰亦取君行一臣行二之

也大夫立于東夾南西面北上

東夾南東西節也取節於夾明東於堂疏曰

此謂主國卿大夫立位序西為正堂序士立于門東北

面西上

統於門者非其正位辟賓在此疏曰燕禮大射士在西方東面北上不統於門今在門東西

上宜東統於君而統於門者以賓在門西辟賓在此非正位故也

小臣東堂下南面西

上宰東夾北西面南上

宰宰夫之屬也古文無南上疏曰宰在北堂之南與夾室相

當故云夾北也云宰宰夫之屬者以經云南上則非止一人下文宰夫之官皆在其內亦於此立可知但宰尊官反在小臣之下者以其小臣位在北堂南故先見之非謂尊卑先後為次也

內官之士在宰

東北西面南上

夫人之官內宰之屬也自卿大夫至此不先即位從君而入者明助君饗食賓

自無事

疏曰周禮天官內宰下大夫掌王后已下彼

天子內官諸侯未必有內宰以其言內官之士以士為

之明當天子內宰故鄭舉內宰況之也前聘時若迎客于大門內時卿大夫已下入廟即位者受聘事重非饗

食之事故先入廟即位此已下雖有宰及宰夫者皆有事及大夫七牲士庶羞之等皆助君食賓非已之事故

後入介門西北面西上

西上自統於賓也然則承攢以下立于士西少進東上疏曰

介統於賓而西上則攢統於君而東上可知承攢以下既是有事之人又是大夫尊於士故知少進東上不言上攢者上攢有事其位不定故不言

### 右迎賓即位

公當楣北鄉至再拜賓降也公再拜

楣謂之梁至再拜者與禮侯賓嘉其

來也公再拜賓降矣

疏曰至再拜者公方一拜賓即降公再拜者賓降後又一拜雖一拜本當再拜故皆以

再拜言之猶下侑幣之時公一拜賓降公再拜注云賓不敢俟成拜也鄭云公再拜賓降矣者謂至再拜則賓

降也賓西階東北面答拜

西階東少就主君敬也疏曰答拜也並據公未降之前賓始

一拜公降一等間在一辭之中又辭而賓猶終降再拜  
稽首知者以下文賓栗階升不拜是已拜於下也擯者  
辭拜於下之時其位在下故下記云卿擯由下

**擯者辭**

辭拜於下

**拜也公降一等辭**

**曰寡君從子雖將拜興也**

賓降再拜公降擯者釋辭矣

賓猶降終其再拜稽首興起

也

**賓栗階升不拜**

自以已拜也

栗寔栗也不拾級連步趨主國君之命不拾級而下曰是

是勅略反疏曰於堂下終為再拜稽首故於堂上不拜也云栗寔栗也者謂疾之意也云不拾級連步者曲禮云拾級聚足連步以上鄭注云涉級聚足謂前足躡一等後足從之併此涉級也連步謂足相隨不相過也其連步據足而言涉級據階而說其實一也此等尋常升法此栗階據趨君命而上按燕禮記云凡君所辭皆栗階注云栗寔也謂越等急趨君命也又曰凡栗階不過二等注云其始升猶聚足連步越二等左右足各一

發而升堂是栗階之法也云不拾級而下曰是者凡升降有四種云是者君臣急諫諍則越三等為是階越一等為歷階又有栗階又有連步為四等也**命之成拜階上北面再拜稽首**降賓又有連步為四等也**命之成拜階上北面再拜稽首**降賓拜主君辭之賓雖終拜於主君之意猶為不成疏曰案論語孔子云拜下禮也今拜乎上泰也是以上文主君雖辭賓猶終拜於下盡臣之禮為成拜而主君之意猶以為不成故命之升成拜賓遂主君之意故升更拜也

右拜至 記卿擯由下

不升堂也 疏曰此謂上擯 擯詔賓主升 降周還之事

士舉鼎去鼎於外次入陳鼎于碑南南面西上右人抽扃坐奠于鼎西南順出自鼎西左人待載入由東出由西明為賓也今文

奠為委古文待為持  
疏曰次入謂序入也

雍人以俎入陳于鼎南旅人南

面加匕于鼎退

旅人雍人之屬旅食者也雍人言入旅人言退文互相備也出入之由亦如舉

鼎者匕俎每器一人諸侯官多也疏曰云旅人雍人之屬者即燕禮云尊士旅食于門西鄭云庶人在官者

是也云諸侯官多者按少牢云鼎序入雍正執一匕以從雍府執四匕以從司士合執二俎以從司士贊者二人皆合執二俎以相從是

大夫長盥洗東南西北上

序進盥退者與進者交于前卒盥序進南面匕

長以序

猶更也前洗南疏曰按鄉飲酒鄉射賓盥北面則此大夫亦皆北面可知云長以長幼也者若燕禮云命長

之類皆據長幼為長載者西面載者左人也亦序自鼎不謂衆中之長者也

東西面於其前大夫匕

則載之 疏曰前云左人侍載其時鼎東南面而今大夫鼎北面南七之左人當載故序自鼎東西面於其前矣組正當鼎南則載 魚腊飪 飪孰也食禮宜孰饗有腥者者在鼎南稍東也 疏曰上云羹定肉謂之羹恐魚腊不在羹定之中故此特著魚腊飪以食禮尚孰故皆飪也又曰國語云王饗用體薦體薦則腥矣樂記云大饗而組腥 魚 載體進奏 體謂牲與腊也奏謂皮膚是享禮有腥也 之理也進其理本在前下

大夫體七 个 疏曰三牲與腊皆載體直言體不辨體形及數以下魚腸胃倫膚皆言七則此亦七體故鄭云下大夫體七 个 按士虞記云升左肩臂臠肫脊脊七體彼喪禮用左又按鄉飲酒鄉射記皆云右胖進膝則此亦用右胖肩臠臂肫臠脊脊可知既用右胖則左胖為庶羞其庶羞者此下大夫十六豆上大夫二十豆是也若致飧及歸饗餼腥鼎皆無庶羞鄉飲酒鄉射燕禮大射雖同用狗一牲以其亨亨亦皆有庶羞也云進其

理本在前者此謂生人食法故進本本謂之上者若祭祀則進末少牢云進下鄭云變於食生是也魚七

### 縮俎寢右

右首也寢右進髻也乾魚近腴多骨鯁疏曰縮縱也魚在俎為縱於人亦橫賓在戶牖

之間南面俎則東西陳之魚在俎首在右腹腴鄉南髻脊也進脊在北鄉賓是取脊少骨鯁者以優賓也若祭祀則進腴以鬼神尚氣腴者腸胃七同俎以其同類也氣之所聚故少牢進腴是也

### 腸胃七同俎

不異其牛羊

腴賤也此俎實凡二十八疏曰牛羊同是畜類又其腹腴賤故略之同俎也牛羊各有腸胃腸胃各上四七

二十八也但此腸胃與牲或同鼎同俎或別鼎別俎何者據此下文七鼎腸胃與牲別鼎別俎是其正法取其

鼎俎奇也少牢五俎腸胃與牲同鼎者以其有鮮獸若腸胃別鼎則六不得奇故并腸胃與牲同鼎有司徹亦

然此腸胃七者以其與牲體別鼎故取數於牲亦七少牢并腸胃於牲鼎故云腸三胃三取數於脊骨各三也



實尸禮殺於正祭故腸胃各倫膚七倫理也謂精理滑脆者今文倫或作

一既夕咸葬奠故腸胃五也

**倫膚七**

論疏曰倫膚謂豕之皮革為之但此公食大夫為賓用為美故膚與腸胃皆別鼎俎特牲腥有三鼎魚腊不

同鼎故膚從牲同鼎有司徹雖同少牢亦止三鼎而已羊豕魚皆一鼎故膚還從於牲鼎也又此膚與牲體之

數亦七而少牢膚九者此食禮故膚從體數少牢腸胃大夫之祭膚出下牲故取數於牲之體而九也

**腸胃**

**膚皆橫諸俎垂之**

順其在牲之性也腸胃垂及俎拒疏曰腸胃得在牲而垂膚亦言順牲

之性者從多而言云垂及俎拒者少牢云腸三胃三垂及俎拒是也

**大夫既匕匕奠于鼎**

**逆退復位**

事畢宜由便也士匕載者又待設俎疏曰上文云士舉鼎又云左人待載下文云士設

俎于豆南是載者又待設俎可知也

右鼎俎入

公降盥

將設醬

賓降公辭

辭其從已

卒盥公壹揖壹讓公升賓

升

揖讓皆壹殺於初古文壹皆作一

宰夫自東房授醢醬

授授公也醢醬以醢和醬

疏曰蒲筵於堂上戶牖之間南面設之乃設正俎於中席已東庶羞於中席已西按歸饗饌醢醢別知此不

別而以醢和醬者此經所陳物異者皆別器此醢醬下但言醬不別言醢明以醢和醬可知祭祀無此法以生

人尚褻味故有之

公設之

以其為饌本

賓辭北面坐遷而東遷所

遷東

所奠之東側其故處疏曰云東遷所者謂以西為上君設當席中故東遷之辟君設處側近也近其故處

公立于序內西鄉

不立作階上示親饌疏曰君之行事皆在作階上今以設饌在戶西近

北故近昨北立  
是示親監饌也

賓立于階西疑立

不立階上以主君離昨也疑正立也自定

之貌今文

宰夫自東房薦豆六設于醬東西上韭菹以

東醢醢昌本昌本南麋鷓以西菁菹鹿鷓

醢醢醢有醢昌本昌蒲本

菹也醢有骨謂之鷓菁蕡菁菹也今文鷓皆作麋疏曰周禮醢人朝事之豆八此用其六彼注云醢肉汁也

昌本昌蒲根也又云細切為齋全物若豚為菹齋菹之稱菜肉通此經言菹不言齋者齋菹麋細雖異通而言

之齋亦得為菹也

士設俎于豆南西上牛羊豕魚在牛

南腊腸胃亞之

亞次也不言絳錯俎尊也疏曰上設豆絳陳之下設黍稷錯陳

之此設俎不絳

膚以為特

直豕與腸胃東也特膚者出下牲賤疏曰豕在牛羊之

下為賤膚豕之所出故特之於俎東也旅人取匕甸人舉鼎順出奠于其

所

以其空也其所謂當門疏曰前旅人以匕入加於鼎退出今還使之取匕前士舉鼎入今不使舉鼎出

者以其士載訖遂設俎於賓前宰夫設黍稷六簋于俎

西二以並東北上黍當牛俎其西稷錯以終南陳

並併也今

文曰併古文簋皆作軌

大羹湑不和實于鐙宰右執鐙左執蓋由

門入升自阼階盡階不升堂授公以蓋降出入反位

羹大

湑羹肉汁也大古之羹不和無鹽菜瓦豆謂之鐙宰謂大宰宰夫之長也有蓋者饌自外入為風塵今文湑為

汁又曰入門自阼階無升疏曰宰位在東夾北西面南上今以蓋降出送於門外乃更入門反於東夾北位

也大羹不和質也銅羹則調之以鹽菜云宰謂大宰宰夫之長者以單言宰諸侯三卿無大宰以司徒兼大宰故云宰夫之長也公設之于醬西賓辭坐遷之亦東遷曰醬既東遷所今於醬西遷之明亦東遷所移之故醬處也宰夫設鉶四于豆西東

上牛以西羊羊南豕豕以東牛

銅菜和羹之器 疏曰下記云牛藿羊苦豕薇

是菜和羹以此銅咸之也據羹在銅言之謂之銅羹據器言之謂之銅鼎正鼎之後設之謂之陪鼎入庶羞言之謂之羞鼎其實一也飲酒實于觶加于豐豐所以承觶者也如豆而卑宰夫

右執觶左執豐進設于豆東

食有酒者優賓也設于豆東不舉也燕禮記曰凡奠

者於左 疏曰云食有酒者優賓也者按下文宰夫執漿飲賓興受唯用漿醕口不用酒今主人猶設之是優

賓也燕禮主人奠於薦左賓不飲取奠於薦右此酒不用故亦奠於豆東酒義雖異不舉是同然無凡奠者於左之文鄭注蓋引鄉飲酒鄉射記文而傳寫者之誤也

宰夫東面坐啓簋會各卻

于其西

曰會簋蓋也亦一一合卻之各當其簋之西疏云亦一一合卻之者卻者仰也簋蓋有六兩

兩皆相重而仰之謂之卻合故云一一卻合之各當其簋之西為兩處亦者亦少牢故少牢云佐食啟會蓋二以重設于敦南也

右設正饌

記贊者盥從俎升

豆其所有事疏曰豆亦從下升不言從

者贊者不佐祭豆直佐祭俎也經云三牲之肺不離贊者辨取之壹以授賓是黍稷亦贊祭不從升者黍稷設之在後故也黍稷雖後升先上贊下大夫也

謂上

祭者以其先食黍稷後食肉故也

堂上擯贊者事相  
近以佐上下為名

劔芼牛霍羊苦丞薇皆有滑

藿豆

苦苦茶也滑莖莖之屬今文苦為半

疏曰士虞記

云劔芼用苦若薇有滑夏用葵冬用莖鄭注云莖莖

類也乾則滑夏秋用生葵冬春用乾莖此經云皆有  
滑不言所用之物故取彼記解之云之屬者其中兼

有葵也

贊者負東房南面告具于公

負東房負房戶而立也南面者欲得鄉公與賓也

疏曰經直云負東房鄭知負房戶而立者以公在東序  
內賓在戶西雖告具于公且欲使賓聞之故知於房近

西是以云得鄉公與賓也

公再拜揖食

再拜拜賓饌具

賓降拜

答公

公辭賓

升再拜稽首

不言成拜降未拜

賓升席坐取韭菹以辯孺于醢

上豆之間祭

搗猶染也今文無于

贊者東面坐取黍實于左手辯

又取稷辯反于右手興以授賓賓祭之

取授以右手便也賓亦興受坐

祭之於豆祭也獨云贊興優賓也少儀曰受立授立不坐疏曰此所授者皆謂遠賓者菹醢及銅皆不言授

者以其近賓取之易也按曲禮云殷之序辨祭之故知雖不授亦祭之也經直云祭知祭之於豆祭者按少牢云尸取韭菹辨授于三豆祭于豆間故也云獨云贊興優賓者欲見賓坐而不興是優賓其實俱興也引少儀者欲見贊興賓亦興之義

三牲之肺不離贊者辯取之

壹以授賓

肺不離者判之也不言判判則祭肺也此舉肺不離而判之便賓祭也祭離肺者絕肺祭

也壹猶稍也古文壹作一疏曰少儀云牛羊之肺離而不提心鄭云提猶絕也判離之不絕中央少者此即



為食而舉肺也少牢云舉肺一長終肺祭肺三皆切之是祭肺切舉肺不切也此肺雖不離而判之與祭肺同其實舉肺故不言判將祭之時則絕未而祭之與祭肺異也凡舉肺有二名一名離肺亦名舉肺祭肺亦名判肺也

**賓興受坐祭**

於是云賓興受坐祭重牲也賓亦每肺興受祭於豆祭也

**扱手扱上**

**鉶以柶辯擣之上鉶之間祭**

扱以柶扱其鉶菜也扱拭也拭以巾疏曰此云上

鉶之間祭者著其異於餘者餘祭於上豆之間此鉶別自祭鉶間云扱拭也拭以巾者案內則左佩紛悅悅即佩巾而云扱拭拭手以巾似悅不名巾者本名悅者以拭手為名其實名巾故鄭舉其實稱也此有四鉶而云扱上鉶辯擣則唯有一柶優賓故用一**祭飲酒於上豆**柶而已少牢一鉶祭神故宜各有柶也

**之間魚腊醬醢不祭**

不祭者非食物之戚者疏曰魚腊醢醬非戚者在正饌之內故不

祭若入庶羞則祭之下文辨取庶羞之大興一以投賓賓受兼壹祭之少儀云祭醵醵詒為大魚肉之鬻是亦祭之也

### 右賓祭正饌

宰夫授公飯梁公設之于潛西賓北面辭坐遷之

既告具矣

而又設此殷勤之加也遷之遷而西之以其東上也疏曰知遷而西者以其加饌與庶羞並列也知梁東上者下文宰夫膳稻于梁公與賓皆復初位

位序內階西疏曰上公

設醬時立于序內賓立于階西此云公與賓復初位故知公還在序內賓還在階西也

宰夫膳稻

于梁西

膳猶進也進稻梁者以簋疏曰知進稻以簋者下記云簋有簋霽鄭注云稻梁將食乃設去

會於房蓋以羶上云設黍稷訖云卻會此稻梁不云卻會者先於房去之故也士羞庶羞皆有

大蓋執豆如宰

羞進也庶衆也進衆珍味可進者也大以肥美者持為饗所以祭也魚或謂之大

膳膳大也唯醢醢無大如宰如其進大羹湑右執豆左執蓋疏曰云皆有大有二物三物之肉兼有魚

也云魚或謂之膳膳大也者有司徹云尸俎五魚侑主人皆一魚皆加膳祭于其上是也少儀云膳祭也云唯

醢醢魚大者鄭注周禮醢人作醢之法先膊乾其肉乃後坐之雜以梁翅及鹽漬以美酒塗置甑中百日則成

矣何大饗之有也醬先者反之由門入升自西階多羞則醢也亦無大饗也

人不足則相授於階上復出取也疏曰反之者以其庶羞十六豆羞人不足故先至者反取之下文云先者

一人升設於稻南其人不反則此云先者一人升設于先者反之謂第二已下為先者也

稻南簋西間容人

簋西黍稷西也必言稻南者明庶羞加不與正豆併也間容人者賓當從

間往來也

疏曰稻與庶羞俱是加稻在黍稷西近北

庶羞繼而南陳俱在黍稷正饌之西是不與正豆併也

賓當從間往來則下文賓左擁簋梁右旁四列西北上執酒以降公辭升反奠于其所是也

不統於正饌者雖加自是一禮是所謂羹載中別疏

曰曲禮云左載右載彼云般骨體也此肉謂之羹亦一

也般為正饌載為切肉則庶羞分置左右此亦正饌在東庶羞在西間容人是中別也

腍牛炙

腍腍腍今時臠也牛曰腍羊曰臠豕曰炙南醢腍皆香美之名也古文腍作香臠作薰

以西牛載醢牛鮓

然先設醢鮓之次也內則謂鮓為膾先設醢鮓之次也內則謂鮓為膾

云先設醢鮓之以次而特牲注云以有醢不得鮓也與此違者大凡醢配載是其正而醢卑于載今牛羊豕載

皆在醢下者直是絳之次非尊卑之列特牲以一有醢若絳之當醢在載上不成錯故不得絳少牢四豆羊載醢故得絳而錯與此同也 鮓南羊炙以東羊載醢豕炙炙南醢以西

豕載芥醬魚膾

芥醬芥實醬也內則曰膾春用葱秋用芥

衆人騰羞者盡階

不升堂授以蓋降出

騰當作騰送也授授先者一人

右設加饌

記簠有蓋冪

稻粱將食乃設去會於房蓋以冪冪巾也今文或作

幕

疏曰簠簠相將簠既有會明簠亦有會可知但黍稷先設故卻會於敦南簠盛稻粱將食乃設故鄭

云去會于房蓋以冪至於陳設冪亦去之經云有蓋冪者據出房未設而言

凡炙無醬

已有

鹹和

疏曰云凡者欲解儀禮一部之內牛羊豕炙皆無醬云已有鹹和者若今人食炙然

贊者負東房告備于公

復告庶羞具者以其異饌贊升賓以公命命賓升席

疏曰前設饌訖贊者告具于公公再拜揖食此使贊升賓者以其禮殺故也是以上文正饌公先拜賓答拜此

賓先拜公公答拜為異也賓坐席末取梁即稻祭于醬湆間

即就也祭稻梁

不以豆祭祭加宜於加注云每飯獸湆以肴搗醬食正饌也又云不以湆醬注云不復用正饌也則此湆醬是正饌而云加者以在正饌之上得與正饌為本故名正饌其實是正饌之加故公親設贊者北面坐辯取庶羞之大興一以授賓賓受

兼壹祭之

壹壹受之而兼一祭之庶羞輕也自祭之於腳腫之間以異饌也疏曰壹壹受之而兼

一祭之庶羞輕也者決上三牲之脯祭之今此祭庶羞并之故云輕也不云於豆祭而云於腳腫之間以祭宜

於加  
故也

# 右賓祭加饌

賓降拜

拜庶羞

公辭賓升再拜稽首公答再拜賓北面自

間坐左擁簋梁右執湑以降

自間坐由兩饌之間也擁抱也必取梁者公所設也

以之降者堂尊處欲食於階下然也

公辭賓西面坐奠于階西東面對西

面坐取之栗階升北面反奠于其所降辭公

奠而後對成其意也

降辭公敬也必辭公者為其尊而親臨已食侍食贊者之事疏曰云成其意者謂成其食降階下之意故奠

乃對此決下文大夫相食賓執梁與湑之西序端主人辭賓反之而不奠也

公許賓升公揖

退于箱

箱東夾之前俟事之處

疏曰按爾雅有東西

正以此文公揖退于廟而

擯者退負東塾而立無賓坐

遂卷加席公不辭

贊者以告公公聽之重來優賓疏

公何以知之明知贊者告公也公來則勞賓三飯以

涪醬

每飯歡涪以肴搗醬食正饌也三飯而止君子食

客食載然後辭歡與此不同者此為禮食故先食穀彼

贊爾黍稷授肺脊皆食以涪醬皆祭舉食舉也注云皆食

賓禮解體折節明食穀可知彼豚解者皆不食故不食



而成禮故不食穀也但潛言啜淡故也醬言搗臠故也云不言其穀優賓者特杜少牢尸食時舉穀皆言次第此不言者任賓宰夫執觶漿飲與其豐以進此進漱也非為卒食

為將有事緣賓意欲自潔清

賓稅手興受

受

宰夫設其豐于稻西

在酒

東漿在西是所謂左酒右漿疏曰酒在東者上飲酒實于觶宰夫設于豆東是也漿在西者即此經設於稻西是也曲禮云酒漿處右彼注云此言若酒若漿耳兩有之則左酒右漿也

庭實設乘賓坐

祭遂飲奠於豐上

飲

右賓正食

公受宰夫束帛以侑西鄉立

束帛十端帛也侑猶勸也主國君以為食賓殷勤之

意未至復發幣以勸之欲用深安賓也西鄉立序內位也受束帛于序端疏曰上文公設醬公立于序內西

鄉此經亦云西鄉立故知亦在序內位也大射禮公賓凡受于序端故每云公之所受者皆約之受於序端賓

降筵北面

以君將有命也北而於西階上疏曰以擯君將有束帛備食之命故於西階上待之擯

者進相幣

為君釋幣賓降辭幣升聽命降辭幣主國君又命之升聽命

釋許辭疏曰云主國君又命之升知者約聘禮禮賓賓降辭幣公降一等辭東階升聽命是也降拜

當拜受幣公辭賓升再拜稽首受幣當東楹北面主國君南面授之當

東楹者欲得君退西楹西東面立侯主國君送幣也退行一臣行二也退西楹西東面立不負序以將降疏

曰聘禮公拜貺賓三退負序不言辟者以執圭將進公授之此公拜送幣賓在階西不負序者以將降故也公

壹拜賓降也公再拜

賓不敗侯成拜

介逆出

以賓事畢

賓北面揖執

庭實以出

揖執者示親受

公降立

侯賓反

上介受賓幣從者訝受

皮

從者府史之屬訝迎也今文曰梧受小聘使大夫士介一人而已此時已受

賓幣故知訝

受者非士介是府史之屬也

### 右侑幣

賓入門左沒霤北面再拜稽首

便退則食禮未卒不退則嫌更入行拜若欲從

此退

疏曰云便退則食禮未卒不退則嫌者此鄭探解賓意食禮自有常法三飯之後當受侑幣送庭實出

更入以終食禮若便退則食禮未卒不退則有貪食之嫌是以更入行拜示將辭之意待公設辭而後留也

公辭

止其拜使之卒食

揖讓如初

如初入也

升賓再拜稽首公答再

拜

賓拜拜主國君之厚意賓揖介入復位疏曰上文云介逆出下更云介逆出明知中間介復入可知但

復入之節當此賓入之時也

賓降辭公如初

將復食

賓升公揖退于箱

賓卒食會飯三飲

卒已也己食會飯三飲漿也會飯謂黍稷也此食黍稷則初時食稻粱

疏曰知會飯是黍稷者上文云宰夫東面坐啓蓋會各卻於其西此云食會飯故知是黍稷也前賓三飯不云

會以其蓋盛稻粱稻粱無會故鄭云此食黍稷則初時食稻粱矣

不以醬湆

不復用正饌也初時

食如飯用正饌此食正飯用庶羞互相成也後言湆或時後用疏曰上文賓三飯以湆醬注云每飯飲湆以

般搗醬是正饌稻粱是加此云卒食會飯三飲不以醬湆鄭意以黍稷是其正庶羞是其加是互相成也上文

賓三飯以酒醬先言酒後言醬是先酒此後言酒或容前三飯後用酒故作文有先後也

拱手興

北面坐取梁與醬以降西面坐奠于階西

示親徹也不出者非所

當得又以已得侑幣 疏曰云不以出者決士居禮賓取脯出以授從者彼是已所當得此非特已得侑幣下

文有司卷三牲之俎歸于賓館亦是已所當得鄭不言三牲而言侑幣者據已得者而言之

東面再

拜稽首

卒食拜也不北面者異於辭 疏曰上文賓受侑幣出更入門左拜其時辭欲退猶待公留故

北面此卒食 禮終故東面 公降再拜 答之也不辭之使升堂明禮有終

右卒食

介逆出賓出公送于大門內再拜賓不顧

初來揖讓而退不顧退禮

畧也示難進易退之義損者以賓不顧告公公乃還也

# 有司卷三牲之俎歸于賓館

卷猶收也

無遺之辭也三牲之俎正饌尤尊盡以歸賓尊之至也歸俎者實于簠它時有所釋故疏曰此無所俎而言卷三牲之俎不

言用俎鄭云實于簠按士虞禮亦無所俎尸舉牲體皆盛於簠吉凶雖不同無所俎是一故知同用簠也特牲及士虞尸卒食

取俎歸於尸三个是有所釋此無所釋故稱卷也彼注云釋猶遺也遺者君子不盡人之歡不竭人之忠也

魚腊不

與以三牲之俎無所釋故也禮之有餘為施忠不言腸胃膚者在魚腊下不與可知也古文與作豫

## 右賓出

明日賓朝服拜賜于朝拜食與侑幣皆再拜稽首

朝謂大門

外疏曰云朝謂大門外者以其經云拜賜于朝無賓入之文又聘禮以柩造朝亦無喪入之文也此食禮拜

侑幣聘禮歸饗餼直言拜饗與餼不拜束帛者  
訝聽之

彼使人致之故不拜此食禮君親賜故拜之  
受其言入告出報也此下大夫有士訝疏曰周禮掌  
訝大夫有士訝此篇是子男使下大夫小聘故云此下

大夫有士訝也

### 右拜賜

上大夫八豆八簋六鉶九俎魚腊皆二俎  
記公食上大

夫之數豆加葵菹蜩醢四四為列俎加鮮魚鮮腊三三  
為列魚持疏曰云豆加葵菹蜩醢者按周禮醢人朝

事之豆云韭菹醢醢昌本麋鷩菁菹鹿鷩節菹麋鷩上  
文下大夫之豆用其六仍有節菹麋鷩今上大夫八豆

不取之而取饋食之豆葵菹蜩醢者按少牢饋食四豆  
二豆用葵菹蜩醢二豆用韭菹醢醢注云韭菹醢醢朝

事之豆也而饋食用之豐大夫禮則此公食大夫兼用饋食之豆亦是豐大夫禮也云俎加鮮魚鮮腊者上文下大夫七俎牛羊豕魚腊腸胃與膚此云九俎明加鮮魚鮮腊云無特者陳饌要方上七俎者東西兩行為六俎一俎在特于俎東此九俎為魚腸胃倫膚若九若十三行故無特雖無特膚亦為下

有一下大夫則若七若九

此以命數為差也九謂再命者也十一謂三命者也七謂

一命者也九或上或下者再命謂小國之卿次國之大夫也卿則曰上大夫則曰下大夫國之孤視子男疏曰

云此以命數為差也者按周禮典命公侯伯之卿三命大夫再命士一命子男之卿再命大夫一命士不命則諸侯之臣分為三等三命再命一命不命與一命同此經魚腸胃倫膚亦分為三等有十一有九有七則十一當三命九當再命七當一命若然惟有上下二文者以公侯伯之大夫與子男之卿同再命卿爵尊為上大夫



爵卑為下則上言若九者子男之卿也下言若九者公侯伯大夫也故鄭云卿則曰上大夫則曰下云大國之孤視子男者此經唯見三命以下故鄭併論及之案周禮典命大國之孤四命又大行人云大國之孤執皮帛以繼子男又云其他皆視小國之君若然孤與子男同十三侯伯十五上公十七差次可知

庶羞西

東母過四列

謂上下大夫也古文母為無疏曰上文云庶羞旁四列此上大夫饌內言庶羞西

東母過四列則東西橫行上下大夫皆四以為行下大夫四十六東西四行南北亦四行上大夫東西四行南北五

上大夫庶羞二十加於下大夫以雉兔鶉鴛

駕

母疏曰云駕無母者按爾雅釋鳥云駕鶉母郭氏曰鶉也青州人呼曰鶉母莊子云田鼠化為鶉淮南子云蝦蟇所化也月令曰田鼠化為鶉然則鶉鶉一物也

右食上大夫禮 記上大夫蒲筵加萑席其純皆如

下大夫純

謂三命大夫也。孤為賓則莞筵紛純如緹。疏曰：經云上大夫不辨命數。

則子男之卿再命其席亦同。下大夫鄭言謂三命大夫者欲見公侯伯之卿三命亦與子男下大夫同公

之孤四命其席則異。按周禮司几筵云：筵國賓于牖前莞筵紛純如緹。席則異。按周禮司几筵云：筵國賓于牖

故知彼國賓謂筵。孤也。無正文故云則也。上大夫庶羞酒飲漿飲庶羞可

也。於食庶羞宰夫又設酒漿以之。食庶羞可也。以優賓。疏曰：上經云上大夫庶羞二十豆。此復記之。

者欲見上大夫食加饌之時得兼食庶羞。其時宰夫更設酒飲漿飲以優賓也。拜食與侑幣

皆再拜稽首

嫌上大夫不稽首。

若不親食

謂主國君有疾病若他故 疏曰疾病之外 別云他故者君有死喪之事故聘禮云主人

畢歸禮賓唯饗饌之受謂 畢致饗食但賓不受之

使大夫各以其爵朝服以侑

幣致之

執幣以 將命

豆實實于甕陳于楹外二以並北陳簋

實實于筐陳于楹內兩楹間二以並南陳

陳甕筐於楹 間者象授受

於堂中也南北相當以食饌同列耳甕北陳者變於食 甕數如豆醢芥醬從焉簋米四今文並作併 疏曰云

南北相當以食饌同列耳者按上文正食之時黍稷亦 南陳今於楹間陳筐米亦南陳是正食及此饌同列也

云甕北陳者變於食者上文正食之時宰夫自東房薦 豆六設於醬東西上陳之今於楹間二以併北陳是變

於食也 豆則八甕下大夫六豆則六甕庶羞之醢同是醬類故

使之相從但庶羞之醢更無別種宜同一蠶芥醬宜亦  
一蠶知有芥醬者以其有生魚故也上文上大夫八簋  
今乃生致之黍稷宜各一簋  
稻粱又二簋故云簋米四  
**庶羞陳于碑內**  
生魚也魚

大夫加鮮魚鮮脂雉兔鴉駕不陳于堂辟正饌疏曰  
上文魚膾是魚之中膾者皆是生魚也按鄭注周禮云  
燕人膾魚方寸切其腴以啗所貴是也此則全生不膾  
何者本膾在豆與載炙俱設今載炙在牲未殺膾全不  
破可知然庶羞之內衆羞俱有鄭獨云生魚者以其載  
炙在牲不殺於此無矣雖有乾脂雉兔之等以生魚為  
主也云魚脂從焉者雖無三牲之肉有乾魚脂可知云  
上大夫加鮮魚鮮脂雉兔鴉駕者以其下大夫七鼎無  
鮮魚鮮脂上大夫九鼎加鮮魚鮮脂可知雉兔鴉駕亦  
生致之矣庶羞本在堂上正饌之西今在碑內故云辟  
正饌也不陳於碑南者以其本  
**庭實陳于碑外**  
執乘皮  
者在堂今宜近堂故在碑北  
者也

參分庭一在南者以言歸宜近肉疏曰庭實正法皆

參分庭一在南而陳之昏禮記納徵執皮者是也今云

碑外離碑而言是近北矣彼陳於主人之庭擬與賓向

外故近南此陳於客館擬與賓入內故鄭云以言歸故

也在內牛羊豕陳于門內西方東上為其踐汗館庭使近

庭實在碑之內近內陳之此牛羊豕陳於門內繼門言

之是為其踐汗館庭也若然致饗饌牛羊豕亦在此彼

不言者以饗饌有腥有熟其生者近門是賓朝服以受

其常故略之此既不殺宜近內故決之也

如受饗禮

朝服食禮輕也

疏曰歸

無償

以己本宜生

饗饌時卿韋弁賓皮弁受疏曰主君

無故速賓在廟行食禮而有侑幣賓無償法主君有

故致食禮并有侑幣亦不合有償故云以己本宜往明

日賓朝服以拜賜于朝訝聽命

賜亦謂食侑幣疏曰

上速賓食時拜食與侑

幣今亦然  
故云亦

### 右不親食

大夫相食親戒速

記異於君者也速召也先就告之歸具既具復自召之疏曰經大夫親

戒速決君不親戒速以下諸文亦皆異故云記異於君者也云先就告之歸具既具復自召之者以其戒具而皆云戒實既歸布筵設尊乃親速賓是也迎賓于門外

拜至皆如饗拜

饗大夫相饗之禮也今亡古文饗或作鄉

降盥受醬湑侑幣

束錦也皆自阼階降堂受授者升一等

皆者謂受醬受湑受幣也侑用

束錦大夫文也降堂謂止階上今文無束賓止也

主人三降實不從疏曰上文鄭注皆者謂受醬受

潛受幣皆自阼階降此云主人三降即上三者不數主人降盥者按鄉飲所言降盥者皆為洗爵故賓從降此降盥不為洗爵故鄭不數之聘禮致饗饋賓降堂受老束錦大夫止注云止不降使之餘尊此賓不降者雖賓主敵以主人降堂不賓執梁與潛之西序端不敢食於至此故賓止不降也尊處疏

曰此兩大夫敵故之西序端上公食大夫大夫降階下臣卑故也

主人辭賓反之卷加

席主人辭賓反之辭幣降一等主人從

從辭

受侑幣再

拜稽首主人送幣亦然

敵也

疏曰按郊特牲云大夫之臣不稽首非尊家臣以辟君

也又按左氏傳哀十七年公會齊侯盟于蒙孟武伯相齊侯稽首公拜齊人怒武伯曰非天子寡君無所稽首

若然臣於君乃稽首平敵相於當頓首今言敵而稽首者以食禮相尊敬雖敵亦稽首與臣拜君同故也辭

於主人降一等主人從

辭謂辭其臨已食

卒食徹于西序端

亦親

徹

東面再拜降出

拜亦拜卒食

其他皆如公食大夫之禮

疏曰

云其他謂豆數俎體陳設皆不異上陳但禮異者謂親戒速君則不親迎賓公不出此大夫出大門公受醬酒

幣不降此大夫則降也公食大夫大夫降食於階下此言西序端上公食卷加席公不辭此則辭之皆是異也

若不親食則公作大夫朝服以侑幣致之

作使也大夫有故君必使

其同爵者為之致禮列國之賓來榮辱之事君臣同

賓受于堂無僨

與受君禮同疏曰聘禮

賓受致饗幣云堂中西北面注趨主君之命也堂中西中央之西北雖無僨受幣亦與之同也

## 右大夫相食禮



邦國禮四之下

公食大夫義

食禮公養賓養賢一也親之故愛之愛之故養之養之故食之食而弗愛猶豢之也愛而弗敬猶畜之也饗禮敬之至也食禮愛之至也饗為愛弗勝其敬食為敬弗勝其愛文質之辨也公使大夫戒必以其爵恭也已輕則卑之已重則是以其貴臨之也賓三辭聽命言是禮之貴弗敢當也弗敢當故難進也公迎賓于大門內非

不能至于外也所以待人君之禮也臣之意欲尊其君子之意欲尊其父故迎賓于大門內所以順其為尊君之意也三揖至于階三讓而升堂充其意諭其誠也於廟用祭器誠之盡也君子於所尊敬不敢狎不敢狎故神明之神明之故忠臣嘉賓樂盡其心也大夫立于東夾南西面北上士立于門東北面西上小臣東堂下南面西上宰東夾北西面南上內官之士在宰東北西面南上百官有司備以樂養賢也設筵加席几致安厚之

義也公設醬然後宰夫薦豆菹醢士設俎公設大羹然後宰夫設鉶啓簋言以身親之也賓徧祭公設梁宰夫膳稻士膳庶羞為殷勤也賓三飯梁以湑醬以君子之厚己也賓必親徹有報之道也庭實棗皮侑以束帛雖備物猶欲其加厚焉也公拜送終之以敬也有司卷三牲之俎歸于賓館不敢褻其餘也上大夫八豆八簋六鉶九俎庶羞二十其餘衰見是德之殺也君子言之曰愛人者使人愛之者也敬人者使人敬之者也親人者

使人親之者也自卑者使人尊之者也是故公養賓國  
養賢其義一也未有愛之敬之親之尊之而其位不安  
者也未有不愛不敬不尊不親而能長有其國者也將  
由乎好德之君則將怡焉唯恐其不足於禮將由乎驕  
慢之君則將曰是食於我而已矣故禮君子所不足小  
人所泰餘也孔子食於少施氏將祭主人辭曰不足祭  
也將殮主人辭曰不足殮也孔子退曰吾食而飽少施  
氏有禮哉故君子難親也將親之舍禮何以哉

劉敞  
補

邦國禮五之上

諸侯相朝禮

集補經

凡諸侯之邦交歲相問也殷相聘也世相朝也

小聘曰問殷中

也父無事又於殷朝者及而相聘也父死子立曰世凡君即位大國朝焉小國聘焉此皆所以習禮考儀正刑一德以尊天子也必擇有道之國而就脩之疏曰云小聘曰問者聘禮文故彼云小聘曰問不享是也大聘使卿小聘使大夫也聘義王制皆云三年一大聘此不言三年而云殷者欲見中間父無事及殷朝者來及亦相聘故云殷不云三年也若然聘義與王制皆云比年一小聘此云歲相問不云比年者取歲歲之義也父死

子立曰世是繼世之義也 大行人

諸侯相見必告于禰

疏曰下文云反必親告于

祖禰出時宜亦告祖禰為道近故或唯告禰

朝服而出視朝

朝服為事故也疏曰事謂或

會或弔之事諸侯朝服玄冠緇衣素裳以諸侯朝天子冕而出視朝為將廟受尊敬天子習其禮故著冕服諸

侯相朝雖在廟受降下天子不敢冕服唯服臨朝聽事之服熊氏又云此朝服謂皮弁服以天子用以視朝故

謂之朝服論語云吉月必朝服而朝注云朝服皮弁服是也必知朝服皮弁服者聘禮諸侯相聘皮弁服明相

朝亦皮弁服此義為勝也 命祝史告于五廟所過山川

諸侯五廟山川所不過則

不告賤於通天子也

亦命國家五官道而出反必親告于祖禰乃

命祝史告至于前所告者而后聽朝而入

五官五大夫典事者命者

勅之以其職道祖道也反必親告祖禰同出入禮疏  
曰案大宰云建其牧立其監設其參傳其伍是諸侯有  
三卿五大夫出入所告理不容殊而諸侯相見出不云  
告祖者或道近變其常禮耳故反必親告祖禰以明出  
入之告其禮不殊也 曾子問 凡諸公相為賓謂相朝也主國五積三問

皆三辭拜受皆旅擯再勞三辭三揖登拜受拜送積子賜反

後皆同旅如字又音臚力於反 賓所停止則積間澗  
則問行道則勞其禮皆使卿大夫致之從來至去數如  
此也三辭辭其以禮來於外也積問不言登受之於庭  
也鄭司農云旅讀為旅於泰山之旅謂九人傳辭相授  
於上下竟問賓從末上行介還受上傳之玄謂旅讀為  
鴻臚之臚臚陳之也賓之介九人使者七人皆陳擯位  
不傳辭也賓之上介出請使者則前對位皆當其末擯  
焉三揖謂庭中時也拜送送使者 傳直專反 疏曰

積者遣人所云十里有廬廬有飲食三十里有宿宿有  
委五十里有市市有積是也問者問不恙也勞謂勞苦  
之云皆使卿大夫致之者案聘禮遣卿行勞禮臣來尚  
遣卿勞明君來遣卿勞可知此再勞一勞在境一勞在  
遠郊皆使卿其近郊勞當主君親為之也其積問當使  
大夫故下句云致殯如致積之禮注云俱使大夫禮同  
也知致殯使大夫者見聘禮宰夫朝服設殯宰夫即大  
夫問亦小禮明亦使大夫也先鄭以為旅擯與交擯同  
之後鄭不從者此臣禮云旅擯下文云主君郊勞交擯  
三辭明其別旅直陳擯介不傳辭交則一往一來傳辭  
也後鄭謂旅讀為鴻臚之臚臚陳之者案爾雅釋詁云  
尸旅陳也釋言云豫臚叙也注云皆陳叙也後鄭不從  
旅大山之旅從臚者欲取叙義也云賓之介九人者自  
從公介九人之禮云使者七人者自從降二等之禮云  
皆陳擯位不傳辭以下皆約聘禮主君大門內迎聘賓  
之位也云三揖謂庭中時者如聘禮入門揖當曲揖當



是也

主君郊勞交擯三辭車逆拜辱三揖三辭拜受車

送三還再拜

主君郊勞備三勞而親之也鄭司農云交擯三辭謂賓主之擯者俱三辭也車逆主

人以車迎賓於館也拜辱賓拜謝辱也玄謂交擯者各陳九介使傳辭也車迎拜辱者賓以主君親來乘車出舍門而迎之若欲遠就之然後見之則下拜迎謝其自屈辱來也至去又出車若欲遠送然主君三還辭之乃再拜送之也車送迎之節各以其等則諸公九十步立當車軼也三辭重者先辭辭其以禮來於外後辭辭升堂

文也

既曰云備三勞而親之者大行人有三問三勞之

辱也

後鄭不從者此直是備三勞既來至國何有輒迎賓於館乎後鄭謂各陳九介者以其在道俱不為主又

非主

君從賓之禮故無五擯之事而各陳九介其位主君至館大門外北面而陳此九介去門九十步東面賓

在大門內於門外之東亦陳九介西面云立當車軹也者賓主俱立當軹大行人文云後辭辭升堂者案鄉飲酒禮主人取爵降洗賓降主人坐奠爵于階前辭注云事同曰讓事異曰辭禮升堂是事同不云讓而云辭者此賓主敵者主人之意欲有受於庭之心故從事異曰辭是以下諸公之臣等升堂皆云讓依事同曰讓非敵故聘義云三讓而後傳命三讓而後入廟門並事異不云辭者欲取致尊讓之意變文耳又記文非正經故不為例

### 致館亦如之

館舍也使大夫授之君又以禮親致焉疏曰聘禮云大夫帥至館卿致

之以此知先遣大夫授館也此大夫亦應是卿上主君郊勞此親致館故知亦如之也凡云致者皆有幣以致之致之使若

### 致殯如致積之禮

俱使大夫禮同也殯食也小禮曰殯大禮曰饗

饗疏曰上公殯五牢賓始至之禮欲致館後即言之云如致積之禮者積在道已致故云如之云殯食也者

以其芻薪米禾食之類故云食也聘禮使宰夫設殯禮物又少故曰小禮。饗餼有腥有牽芻薪米禾又多故曰大。及將幣交擯三辭車逆拜辱賓車進答拜三揖三讓

每門止一相及廟唯上相入賓三揖三讓登再拜授幣

賓拜送幣每事如初賓亦如之及出車送三請三進再

拜賓三還三辭告辟

按音受賓音擯辟音避。鄭司農云交擯擯者交也賓車進答拜賓

上車進王人乃答其拜也及出車送三請主人三請留賓也三進進隨賓也賓三還三辭告辟賓三還辭謝言已辟去也玄謂既三辭主君則乘車出大門而迎賓見之而下拜其辱賓車乃前下答拜也三揖者相去九十步揖之使前也至而三讓讓入門也相謂主君擯者及賓之介也謂之相者於外傳辭耳入門當以禮詔侑也

$$S = \left( \frac{4}{3} \right)^{1/2}$$

乘車出大門至賓所下車拜賓屈辱來此也賓車進答拜者賓初升車進就主君主君下賓亦下車答主君拜也三揖者主君遙揖賓使前北面三讓入大門也云每門止一相者既入門回而東至祖廟之時祖廟西仍有二廟以其諸侯五廟始祖廟在中兩傍各有二廟各別院為之則有二門門傍皆有南北隔牆隔牆皆通門故得有每門若不然從大門內即至祖廟之門何得有每門而云門止一相乎故為此解也云上相入者相入即上揖上介云三揖者亦謂入門揖當曲揖當碑揖也云三讓登者至階主君讓賓賓讓主君如是者三主君先升云再拜授幣者授當為受賓主俱升主人在阼階上北面拜乃就兩楹間南面賓亦就主君賓授玉主君受之故云再拜受幣也云賓拜送幣者賓既授乃退向西階上北面拜送幣乃降也先鄭言主人答拜後鄭不從者車逆拜辱已是主人今云車進答當是客何得主人再答拜所言三請留賓後鄭亦不從者行朝享禮賓訖

送賓出禮既有限何因更有留賓之事云介紹而傳命者此聘義文案彼介紹而傳命謂聘者旅擯法引證此交擯者但紹繼也謂介相繼而陳則交擯皆得為紹故此交擯亦得紹介而傳命也案彼注質謂正自相當賓主不敢正自相當故須擯介通情也云君入門以下本記文君入門不言所拂者朝君入由闕西亦拂闕不言之者君特行不與介連類故不言也介拂闕者上介隨君後與大夫士介自為鴈行於後也聘禮介皆入廟門門西北面西上故知此君介亦入門門西北面西上可知故云絕行在後後亦入廟也謂享及有言也者案聘禮享夫人下云若有言束帛如享禮是也云上於下曰禮敵者曰價者大行人云王禮再裸而酢之屬是上於下曰禮此諸侯云

**致饗餼還圭饗食致贈郊送皆如將**

價是敵者曰價也

**幣之儀**

還音環又音旋食音嗣下皆同此六禮者惟饗食速賓耳其餘王君親往親往者賓為主

主人為賓君如有故不親饗食則使大夫以酬幣有幣致之鄭司農云還圭歸其玉也故公子重耳受飧反璧玄謂聘以圭璋禮也享以璧琮財也已聘而還圭璋輕財而重禮贈送以財既贈又送至于郊疏曰案公食大夫禮君親食之君不親食則以侑幣致之聘禮云公於賓壹食再饗上介壹食壹饗若不親食致之以侑幣致饗以酬幣以此知二者皆速賓也聘禮云若使卿歸饗饌又云賓迎于門外又云大夫東面致命君使卿還玉于館賓迎于外門外不拜帥大夫以入以此二者知賓為主主人主人為賓致贈郊送亦然可知也聘禮乃君於臣此兩君敵明主君親為之矣先鄭云公子重耳事見左傳僖公二十三年但彼反璧者義取不貪實意非還圭故後鄭不從也後鄭謂聘以圭璋禮也者聘義云以圭璋聘重禮也謂行聘禮也云享以璧琮財也者貢財貨時用璧琮以致之故云財也云贈送以財者聘禮賓遂行舍于郊公使卿贈如覲幣注云言如覲幣見為

反報是贈并  
送至于郊

# 賓之拜禮拜饗餼拜饗食

鄭司農云賓之拜禮者因言賓

所當拜者之禮也所當拜者拜饗餼拜饗食立謂賓將去就朝拜謝此三禮三禮禮之重者也賓既拜王君乃

至館贈之去又送之于郊疏曰案聘禮饗餼燕羞餼獻之明日賓皆拜於朝將去又三拜乘禽于朝彼臣故

盡拜謝此賓之拜禮在致贈郊送之下則不及燕羞餼獻乘禽以其君略小惠將去惟拜其大禮也案聘禮賓

三拜乘禽於朝遂行舍于郊公使卿贈若然此致贈郊送在拜禮後今設文在前者欲取如將幣之儀故進丈

在前其贈送合在後也云賓既拜主君乃至館贈之去又送之于郊者鄭以贈送之文在前拜禮在後恐疑顛

倒故此解之  
是其次也

# 賓繼主君皆如主國之禮

鄭司農云賓繼主君復主人之

禮費也故云皆如主國之禮立謂繼主君者價主君也價之者主君郊勞致館饗餼還圭贈郊送之時也如其



禮者謂玉帛皮馬也有饌陳之積者不如也若饗食主君及燕亦速焉費芳味反疏曰後鄭不從先鄭復

主人之禮之說者以三人禮費既多非賓所能復也後鄭以為償王君者案聘禮君遣卿勞及致館等皆償

者報也上注云敵者曰償故此報主君為償案聘禮云賓至于近郊君使卿朝服用束帛勞又云賓用束錦償

勞者君使卿韋弁歸饗饌又云大夫奉束帛又云賓降授老帑出迎大夫注云出迎欲償之庭實設馬乘賓降

堂受老束錦賓奉幣西面大夫東面賓致幣是皆有償法彼兩臣有償此兩公有償可知也然彼聘禮君使卿

致館無幣故亦無償臣於君雖他國亦不敢速君饗食此兩君故不同也主君有故不能親以脩幣酬幣致之

亦無諸侯諸伯諸子諸男之相為賓也各以其禮相待

也如諸公之儀賓主相待之儀與諸公同也饗饌饗食之禮則有降殺殺色界反疏曰五

等諸侯以命數分為三等其圭璋饗饌殮積步數摺介皆降殺備於大行人掌客其進退升降揖讓之儀一與

公同故云如諸司儀凡諸侯之禮上公五積皆眡殮牽三問

皆脩羣介行人宰史皆有牢殮五牢食四十簋十豆四

十鉶四十有二壺四十鼎簋十有二牲三十有六皆陳

饗饌九牢其死牢如殮之陳牽四牢米百有二十筥醯

醢百有二十甕車皆陳車米眡生牢牢十車車秉有五

簋車禾眡死牢牢十車車三秬芻薪倍禾皆陳乘禽日

九十雙殷膳大牢以及歸三饗三食三燕若弗酌則以

幣致之凡介行人宰史皆有殮饗餼以其爵等為之牢  
禮之陳數唯上介有禽獻夫人致禮八壺八豆八籩膳  
大牢致饗大牢食大牢卿皆見以羔膳大牢侯伯四積  
皆眡殮牽再問皆脩殮四牢食三十有二簋八豆三十  
有二鉶二十有八壺三十有二鼎簋十有二腥二十有  
七皆陳饗餼七牢其死牢如殮之陳牽三牢米百筥醢  
醢百甕皆陳米三十車禾四十車芻薪倍禾皆陳乘禽  
日七十雙殷膳大牢三饗再食再燕凡介行人宰史皆

有飧饗餼以其爵等為之禮唯上介有禽獻夫人致禮  
八壺八豆八籩膳大牢致饗大牢卿皆見以羔膳特牛  
子男三積皆眡飧牽壹問以脩飧三牢食二十有四簋  
六豆二十有四鉶十有八壺二十有四鼎簋十有二牲  
十有八皆陳饗餼五牢其死牢如飧之陳牽二牢米八  
十筥醯醢八十甕皆陳米二十車禾三十車芻薪倍禾  
皆陳乘禽日五十雙壹饗壹食壹燕凡介行人宰史皆  
有飧饗餼以其爵等為之禮唯上介有禽獻夫人致禮

六壺六豆六簋膳眠致饗親見卿皆膳特牛

藪素口反  
劉色縷反

耗丁故反或丈加反乘繩證反下注同食音嗣下食大  
牢再食壺食注不食同見賢遍反下注以意推之積

皆視飧牽謂所共如飧而牽牲以往不殷也不殷則無  
銅鼎簋簋之實其米實于筐豆實實于甕其設筐陳于

楹內甕陳于楹外牢陳于門西車米禾芻薪陳于門外  
壺之有無未聞三問皆脩脩脯也上公三問皆脩下句

云羣介行人宰史皆有牢君用脩而臣有牢非禮也蓋  
著脫字失處且誤耳飧客始至致小禮也公侯伯子男

賓皆飪一牢其餘牢則腥食者庶羞美可食者也其設  
簋陳于楹外東西不過四列簋稻粱器也公十簋堂上

六西夾東夾各二也侯伯八簋堂上四西夾東夾各二  
子男六簋堂上二西夾東夾各二豆菹醢器也公四十

豆堂上十六西夾東夾各十二侯伯三十二豆堂上十  
二西夾東夾各十子男二十四豆堂上十二西夾東夾

各六禮器曰天子之豆二十有六諸公十有六諸侯十有二上大夫八下大夫六以聘禮差之則堂上之數與此同銅羹器也公銅四十二侯伯二十八子男十八非衰差也二十八書或為二十四亦非也其於衰公又當三十又為無所據依禮之大數銅少於豆推其衰公銅四十二宜為三十八蓋近之矣則公銅堂上十八西夾東夾各十侯伯堂上十二西夾東夾各八子男堂上十西夾東夾各四壺酒器也其設於堂夾如豆之數鼎牲器也蓋黍稷器也鼎十有二者飪一牢正鼎九與陪鼎三皆設于西階前蓋十有二堂上八西夾東夾各二合言鼎蓋者牲與黍稷俱食之主也牲當為腥聲之誤也腥謂腥鼎也於侯伯云腥二十有七其故腥字也諸侯禮咸腥鼎有鮮魚鮮脂每牢皆九為列設于阼階前公腥鼎三十六腥四牢也侯伯腥鼎二十七腥三牢也子男腥鼎十八腥二牢也皆陳陳列也後門內之實備于是矣亦有車米禾芻薪公殯五牢米二十車禾三十車

侯伯四牢米未皆二十車子男三牢米十車禾二十車  
芻薪皆倍其禾餐餼既相見致人禮也大者既兼食積  
有主有脛有孰餘又多也凡牢如飧之陳亦飪一牢在  
西餘脛在東也牽生牢也陳于門西如殯也米橫陳于  
中庭十為列每宮半斛公侯伯子男黍梁稻皆二行公  
稷六行侯伯稷四行子男二行醢醢夾碑從陳亦十為  
列醢在碑東醢在碑西皆陳于門內者於公門內之陳  
也言車者衍字耳車米載米之車也聘禮曰十斗曰斛  
十六斗曰簋十簋曰秉每車秉有五簋則二十四斛也  
禾粟實井刈者也聘禮曰四秉曰宮十宮曰稷十稷曰  
秬每車三秬則三十稷也稷猶求也米禾之秉宮字同  
數異禾之秉手把耳宮讀為棟招之招謂一稊也皆陳  
橫陳門外者也米在門東禾在門西芻薪雖取數于禾  
薪從米芻從禾也黍禽黍行羣處之禽謂雉鴈之屬於  
禮以雙為數殷中也中又致膳示念賓也若弗酌謂君  
有故不親饗食燕也不饗則以酬幣致之不食則以侑

幣致之凡介行人宰史衆臣從賓者也行人主禮宰主  
具史主書皆有殮饗饗尊其君以及其臣也以其爵等  
為之牢禮之陳數爵卿也則飧二牢饗饗五牢大夫也  
則殮大牢饗饗三牢士也則飧少牢饗饗大牢也此降  
小禮豐大禮也以命數則參差難等略於臣用爵而已  
夫人致禮助君養賓也蓬豆陳于戶東壺陳于東序凡  
夫人之禮皆使下大夫致之於子男云膳視致饗言夫  
人致膳於小國君以致饗之禮則是不復饗也饗有壺  
酒卿皆見者見于賓也既見之又膳之亦所以助君養  
賓也卿見又膳此聘禮卿大夫勞賓饗賓之類與於子  
男云親見卿皆膳特牛見讀如卿皆見之見言卿於小  
國之君有不故造館見者故造館見者乃致膳鄭司農  
說牽云牲可牽行者也故春秋傳曰饗牽竭矣耗讀為  
耗掃麻答之耗任而甚反哀初危反下同差初佳反  
又初宜反倍音裴行戶剛反下以意推之從子容反棠  
古老反并必政反稷本又作總子工反又音搃招音呂



稽才計反參初林反差初宜反復扶又反勞力報反造  
七報反种徐音妙疏曰云上公五積皆眠飧牽者公  
國自相朝是上公之禮有五積皆視飧一積眠一積飧  
五牢五積則二十五牢言牽者數雖眠飧飧則殺積全  
不殺並生致之故云牽侯伯四積亦皆眠飧牽飧四牢  
一積眠一積則一積四牢摠十六牢亦牽不殺子男三  
積積亦眠飧飧三牢一積三牢三積九牢亦牽之不殺  
也必牽之不殺者以其在道分置豫往故不殺之也既  
云眠飧飧則有芻薪米禾之等故鄭解積皆依飧解之  
也云不殺則無銅鼎者銅鼎即陪鼎是也但殺乃有銅  
鼎不殺則無銅鼎可知侯伯子男皆然鄭云蓋蓋之罰  
已下皆約公食大夫解之鄭云三問皆脩脩脯也對文  
脩是鍛脩加薑桂捶之者脯乾肉薄者散文脩脯一也  
云耆脫字失處者案下文凡介行人宰史皆在饗食燕  
下此特在上或見下文脫此語著於此或於下著訖此  
剝不去故云然也下文皆云凡介此云羣介故誤耳云

設飧小禮者案聘賓大夫帥至館卿致館即云宰夫朝服  
設飧是其客始至之禮言小禮者對饗饌為大禮也云  
公侯伯子男飧皆一牢其餘牢則腥者下惟言腥不  
言飪此有銅及鼎皆為飪一牢而言以是經雖不言飪  
須言飪之矣云其餘牢則腥腥之數備於下也云食者  
庶羞之美陳于楹外東西不過四列者前所陳皆約公  
食大夫致食之禮今案公食若不親食庶羞陳於碑內  
者設飧之時堂上皆有正饌無容庶羞之處楹外既空  
不須向碑內及堂下故疑在楹外陳之十以為列故四  
列也公食陳于碑內者由饗陳于楹外故在下也云簠  
盛稻粱以下皆約公食及聘禮致饗饌文裁之云公四  
十豆堂上十六至各六鄭以堂上豆數取聘禮致饗錄  
於上大夫八豆下大夫六豆並是堂上豆數又取禮器  
天子之豆二十有六諸公十有六諸侯十有二謂侯伯  
子男同則亦是堂上豆數可知以此文公言四十侯伯  
三十二子男二十四其堂上豆數既約聘禮與禮器東

西多少鄭以意差之與此同也云銅羹器也者銅器名  
銅器所以威聯隲曉三等之羹故為銅羹云公銅四十  
二侯伯二十八子男十八非衰差也者良差之法上下  
節級似若九若七若五校一節是良差今公四十二侯  
伯二十八子男十八公於侯伯子男大縣絕故云非衰  
差也云二十八書或為二十四亦非也者侯伯若二十  
四為此公四十二校十八又以二十四比子男十八校  
六亦非其類故云亦非也云推其良公銅四十二宜為  
三十八蓋近之者子男十八侯伯二十八公三十八以  
十為降殺則是等差蓋近也云公銅堂上十八西夾東  
夾各十侯伯堂上十二西夾東夾各八子男堂上十西  
夾東夾各四知如此差者亦約聘禮致饗饌兼以意準  
量而言云鼎牲器也者謂亨牲體之器云簋黍稷器也  
者鼎十有二者饔一牢正鼎九與陪鼎三皆設于西階  
前者其陪鼎三設于內廉云簋十二者堂上八西夾東  
夾各二知設如此者約聘禮而知之也牢鼎九者謂牛

羊豕魚腊膚與腸胃鮮魚鮮腊陪鼎三者腳臠臠也云  
合言鼎簋以牲與黍稷俱食之主者黍稷與衆饌為主  
牲與羞物為主是俱得為食之主也此五等諸侯同簋  
十二案聘禮致饗饗堂上八簋東西夾各六簋摠二十  
簋彼臣多此君少者禮有損之而益故也云牲當為腥  
聲之誤也腥謂腥鼎也於侯伯云腥二十有七其故腥  
字者子男亦云牲十八是亦當為腥也云諸侯禮威腥  
鼎有鮮魚鮮腊云云者此皆約聘禮設食而言案彼飪  
一牢在西鼎九羞鼎三腥一牢在東鼎七致饗饗云腥  
二牢鼎二七無鮮魚鮮腊設于阼階前西面陳如飪鼎  
二列此云三十六故知有鮮魚鮮腊也云殯門內之實  
備仍有車米等是以云亦有車米禾芻薪也云公殯五  
牢米二十車禾三十車已下皆約饗饗死牢而言以其  
饗饗云死牢如殯之陳上公五牢死侯伯四牢死子男  
三牢死皆如殯之陳明此米禾數如此云芻薪皆倍其  
禾者亦約饗饗禮也若然案聘禮米禾皆二十車者彼

大夫禮豐小禮大夫飧二牢故米禾皆祗之米禾各二  
十車也云大者既兼飧積有生有腥有孰餘又多也者  
假令上公饗餼九牢五牢死四牢牽上公五積皆祗飧  
牽則是一積五牢言兼飧死五牢與飧同若言兼積則  
正兼四而不能盡今乃言兼積者以其牽與積同故云  
兼之也侯伯子男皆兼積不盡言餘又多者謂米禾芻  
薪醢醢芻米之屬云牽主牢也陳于門西如積者亦橫  
陳于門西而東上云米橫陳于中庭十為列每宮半斛  
知然者前飧之陳及積之陳皆約聘禮致饗餼法今於  
此文積在前已說故以此饗餼向前如之故云如積也  
言如積則亦如聘禮饗餼也今此自米已下還約聘禮  
致饗餼法云公侯伯子男黍粱稻皆二行公稷六行侯  
伯稷四行子男稷二行者彼云米百宮宮半斛設于中  
庭十以為列北上黍粱稻皆二行稷四行此以增稷餘  
不增故知公稷六行子男米八宮黍粱稻各二行更得  
二即足故知稷二行云醢醢夾碑從陳亦十為列醢在

碑東醢在碑西者彼注云夾碑在庭之中央也醢在東  
醢穀陽也醢肉陰也言夾碑故知從陳然侯伯醢百  
壺米百筥上介筥及壺如上賓士介四人米百筥此數  
多于子男與侯伯等者上公醢醢百二十壺與王舉百  
二十壺同故鄭志云此公乃二王後如是王之上公與  
侯伯俱同百壺子男八十壺其筥米皆同壺數此是尊  
卑之差至於聘禮乃是臣法自為一禮不相與亦是損  
之而益言車衍字者言車載米之車不合在醢醢下言  
之又崇侯伯子男醢醢下皆無車字故知衍字也謂一  
齊也者齊即詩云此有不欲齊齊即鋪也云於禮以雙  
為數者即此九十五十及士中日則二雙皆以雙為數  
是也云若弗酌以下皆約聘禮文不言致燕者饗食在  
廟燕在寢禮惟言致饗食者以合在廟嚴凝之事不親  
即須致之燕禮褻不親酌蓋不致也云凡介行人鄭云  
行人主禮宰主具史主書者案王制云太史典禮執簡  
記大史職亦云執其禮事與此史主書行人主禮違者

大史在國則專主書故曲禮云史載筆士載言此云史止謂大史之屬官以其有爵等故知也云行人主禮者主賓客之禮大行人之類是也案聘禮云史讀書宰執書告備具于君又掌饌具故公食大夫云宰夫具饌于房是掌具也云爵卿也則食二牢饗餼五牢已下皆約聘禮賓之卿上介之大夫士介四人歸饗餼降殺而言也云此降小禮豐大禮也者小禮謂饗餼卿五牢子男卿并乘禽之等皆是小禮也大禮謂饗餼卿五牢子男卿與君等是豐大禮也云以命數則參差難等略於臣用爵而已者依命公侯伯卿三命大夫再命士一命子男卿再命大夫一命士不命并有大夫孤一人四命是從孤已下通一命不命有五等若以此命數五等為之則參差難可等級略於臣用爵而已爵則有三等易為等級也言略於臣用爵則君不依爵而用命即諸侯爵五等命惟三等大行人掌客皆依命是也云大夫致禮以下見聘禮致饗餼下大夫韋弁歸禮堂上蓬豆設於戶

東東上亦以並東陳注設于戶東辟饌位壺設于東序  
北上南陳醢黍清皆兩壺約此故知之也若然不使卿  
者案內宰云致后之賓客之禮注謂諸侯朝覲及女賓  
之賓客內宰是下大夫王后尚使下大夫也諸侯夫人  
乎故知使下大夫也云於子男云膳視致饗至饗有壺  
酒者公侯伯夫人致禮則云八壺八豆八蓬與膳大牢  
致饗大牢三者各別於子男夫人則云膳視致饗鄭云  
饗有壺酒則致膳無酒矣故云饗有酒若然子男夫人  
於諸侯惟有二禮以聘禮夫人於聘大夫直有蓬豆壺  
又不致饗是其差也云卿皆見至亦所以助君養賓言  
亦者亦大夫也云卿既見又膳此聘禮大夫勞賓饌賓  
之類與者案聘禮畢賓即館卿大夫勞賓賓不見大夫  
奠鴈再拜上介受注云不言卿卿與大夫同執鴈下見  
於國君周禮凡諸侯之卿見朝君皆執羔勞上介亦如  
之又云饌賓大牢者八筐上介亦如之此朝君有膳無  
勞饌聘客有勞饌無膳明此事相當故云勞賓饌賓之



類與云於子男云親見卿皆膳持牛見讀如卿皆見之  
見者上公侯伯直云卿皆見以羔於子男即云親見卿  
作文有異此言親見卿似朝君親自來見卿有此嫌故  
讀從上文卿皆見以燕之明此見亦是卿見朝君三卿  
之內有見者有不見者若故造館見則致膳若不故造  
館見則不致膳也云耗讀為耗種麻答之耗者時有此  
言故從之詩云萬億及種種亦數之揔號答是鋪名刈  
麻者數把共為一鋪言此者見耗為束之揔號之意也

客

掌

邦國禮五之下


諸侯相朝義

記

諸侯相朝之禮各執其圭瑞服其服乘其輅建其旌旂  
施其樊纓從其貳車委積之以其牢禮之數所以別義  
也介紹而相見君子於其所尊不敢質敬之至也君使  
大夫迎于境卿勞于道君親郊勞致館及將幣拜迎于  
大門外而廟受北面拜貺所以致敬也三讓而後升所  
以致尊讓也敬讓也者君子之所相接也諸侯相接以  
敬讓則不相侵陵也此天子之所以養諸侯兵不用而  
諸侯自為正之具也君親致饗既還圭饗食致贈郊送

所以相與習禮樂也諸侯相與習禮樂則德行修而不  
流也故天子制之諸侯務焉

大戴禮記



儀禮經傳通解卷二十三